

DEFENSIO DOCTRINÆ
DE ELATERE
ET GRAVITATE AERIS.

Proposita à DOMINO

ROBERTO BOYLE,

In Novis Ipsius

PHYSICO-MECHANICIS EXPERIMENTIS

Adversus OBJECTIONES

FRANCISCI LINI.

Vbi etiam *Objectoris Funicularis Hypothesis* examinatur, eaque occasione
quædam EXPERIMENTA adduntur.

Ab AVTORE supra-dictorum EXPERIMENTORVM.



GENEVÆ,

Apud SAMVELEM DE TOVRNES.

M. DC. LXXVII.





AVTORIS
PROLOQVIVM
ET
DECLARATIO.



VI norunt, quam sim genio alieno à Contendendi libidine, miraturos autumo, quod publicè me videant duabus uno tempore Controversiis implicatum. Verum enimvero, me nunc æquè, ac unquam, campum averfari Disputationum, quæ declinari commodè possunt, modus, quo sequentes agitavi Controversias, evincet, spero: Rationesque quæ, ut in publicum nunc prodeam, me inducunt, sunt istiusmodi, difficile mihi ut foret, nomen earum repugnare.

Equidem, primo loco, ipso quasi Nomine provocabar à Viro, qui satagebat evertere mearum Conjecturarum non unam vel alteram, sed tantum totius Tractatus mei partem, quanta spectabat Aëris Elaterem, quem Explicationum mearum pars maxima supponit. Hocque factum eum fuerit à Viro Erudito, qui intrepidè admodum de *Hypothesis* suæ, Argumentorumque robore commentatur, cumque Librum illius mox exceperit, à Domino *Hobbio*, Viro famigerato, conscriptus; periculi quid erit, ne propositam à me Do-

A V T O R I S P R O L O Q V I V M

étrinam Oppositio tam propria pefundaret , priusquam vel bene eſſet intellecta, vel, prout par erat , ponderata. Quare verebar, ne & Veritati deeſſem, & mihi ipſi, ſi tali tempore penitus ſilerem ; maxime cum ſit probabile , divertere , me complures poſſe, quibus alias foret animus nobiſcum conſligere, dum ipſis oſtendo, quam commodè poſſit Doctrina noſtra, etiam contra ejuſmodi Adverſarios propugnari, ac ſunt ii, quibus hic reſponſum paravi. Atque viam hanc eo elegi lubentius , ne, ſi deinceps fortè morem iis geram, qui abſtinere me cupiunt ab ulteriori de his Controverſiis Commentatione, ex ſilentio meo mox inferatur , bonam Cauſam Calamum meo non doctiorem viribus inſtruere non poſſe ipſam defendendi.

Verum vix dubitem, Conſultos Lectores , maximè illos, qui Philoſophiæ *Corpuſcularis* ſunt imbuti Principiis, pronius multo exiſtimaturos, cauſam mihi fuiſſe, Diſſertationes ſequentes ſcribendi, quam exiſtimaturos, mihi ſuppetiſſe ullam, ipſas adeo laxandi : Et ingenioſi inprimis Viri, qui nil admittere conſuevere, quod vel fugiat intellectum , vel ſit precarium, Objectionum mearum complures vel plane nullis, vel ſaltem non ſolemnibus egere reſponſis, arbitrabantur. Ac ſunt complura, quæ his ſuggerenda habeo.

Primo quidem, id, quod Tractatum ſequentium molem non parum auget , eſt iſtorum Adverſarii locorum inferio, quæ adhibitis propriis ipſius verbis ſub examen voco: qui cum ſit uſus, quem velim cuius ſolennem, cui viſum fuerit in mearum Opiniorum vel Argumentorum ullum animadvertere; non niſi æquum iudicabam, aliis id facere, quod mihi fieri velim, licet id ſæpius contractiori præſtare ſpatio non poterim.

Deindè, tanto magis ferebat ad proſequendum nonnullas ex *Franciſci Lini* Objectionibus, quia metus, qui occupavit complures Viros inſignes, in receptâ Scholarum Philoſophiæ enutritos, ne ad *Vacuum* admittendum adigantur, eoſq; apud eos prævaluit, ut quamvis & cum ipſo & inter ſe diſconveniant de particulari modo, *Torricelliani* Experiementi *Phænomena*.

ET DECLARATIO.

solvendi; in eo tamen convenient, quod substantiæ cuidam vehementer rarefactæ, spatium à *Mercurio* desertum replenti, ea adscribunt. Adeò ut, cum hæc Opinio, quoad rei caput, à compluribus eruditione præcellentibus Viris approbetur, in primis à doctissimo illo Ordine Iesuitarum (quibus fortè Congruitas illius cum quibusdam Religionis ipsorum Articulis eam præcipuè commendat) lubens illis hanc observantiam exhibere voluerim, ut non dissentirem à Viris, quorum complures ob suam in Mathesi aliisque Literaturæ partibus excellentiam magnifacio, quin iis ostendam, id à me non fieri nisi ex rationibus, quæ magnum apud me momentum habent.

Tertiò, licet Examinatoris *Hypothesis*, nonnisi paucis, iisque non valde ponderosis instructa sit Argumentis ei patrocinantibus; ejus tamen adversus Doctrinam nostram Objectiones (quibus refellendis prima sequentis Tractatûs Pars infumitur) sunt hujusmodi, ut, quamvis à quolibet, qui *Hypothesin* nostram planè intelligit, solide possint confutari, iis tamen Lectoribus, qui eam non assequuntur, (qui fortè non erunt pauci) facessere negotium queant.

Denique, quod, cum inrerdum, quando Argumentum obiectum fortè non merebatur, cui immorarer, Argumentum tamen subiectum mereretur considerari; præter rem haud esse existimaverim, datis occasionibus subinde uti ad ipsam, quam tracto, materiam illustrandam: Quod eo feci lubentius ex genuina hac Ratione;

Prior est, Quia reperio, quod, nonnullos si exceperis præstantes Mathematicos, aliosque perpauco Viros Contemplationi addictos, Doctrina de Aëris Elatere, saltem prout ego ipsam proposui, necdum satis fuit intellecta (proindeque inculcari eget:) Adeo ut magnam partem Dissertationum quarundam novissimarum, à Viris alioquin egregiè doctis (contra alios quidem Elareristas, non contra me) scriptarum, error tam gravis tamque manifestus contexuerit, forte ex imperitiis *Hydrostaticorum*, ut vix id imputare alii rei possim, quam quod *Hypothesin*, quam qui confutandam sumunt, non penitus assequantur.

A V T O R I S P R O L O Q V I V M

Posterior est, Quod mihi esset animus, in mea ad Objectiones, à me sub examen vocatas, responsione, fundamenta struere, aliis istiusmodi Argumentis respondendi, quæ iisdem similibusve Principiis innituntur. Et fortean verè satis pronuciare possim, Tractatu sequenti reapse me pluribus respondisse Dissertationibus, meas partim prægressis, partim sequentibus, à Viris doctis de *Torricelliano* aliisque novis Experimentis, *Vacuum* spectantibus, in lucem editis, licet Autorum nomina verbaque siluerim, quod non deprehenderem, mea ipsis Scripta Experimentave hætenus innoruisse.

His subicere possim, quod Dissertationes *Lini* iudicabam digniores, quibus insisterem, quod ipse videatur in Doctrinam nostram diligentius, quam nonnulli alii (qui tamen eam sibi impugnandam sumunt) inquisivisse. Nec id affirmare dubitabo de Adversario (deque tali, quem nunquam lacessivi) quod, licet loqui universim non audeam de iis, qui vel de Aëris pondere, vel alias pro *Vacuo*, vel contra illud, scripsere, cum (uti in sequenti primo Capite agnosco) necdum possim Doctorum quorundam Virorum, maximè horum illustrium, *Robervallii, Baliani, & Casati*, libros impetrare; inter eos tamen Autores, qui mihi hætenus occurrere, ad *Aristotelicam* Rarefactionem & Condensationem in Controversiis, quæ disceptantur, confugientes, vix ullus *Hypothesin* suam *Lino* nostro concinnius contexuerit. Non quod Principia illius vel vera, vel (mei saltem similibus) intelligibilia existimem, sed quod, concesso ipsi, quem assumit, *Funiculo*, possit ille, ob rationem paulò infra allegandam, explicare, licet non omnia meorum Experimentorum *Phænomena*, eorum tamen multo plura, quam aliorum *Plenistarum* pars maxima, qui Aëris Elaterem negant, è suâ *Hypothesi*, si admittatur, possint deducere. Et quandoquidem, cum nos Aëri adscribanus Motum Restitutionis extrorsum, ipse verò similem ei motum attribuat introrsum, non possit non fieri, ut, licet utraque Principia non queant esse vera, multa tamen *Phænomenum* ex alterutris ipsorum concessis, explicari possint: idcirco inquam, non est aded facile, uti fortè multis ingeniosis

Lectō-

ET DECLARATIO.

Lectoribus proclive est cogitare, genuinas ab *Experientiâ* *Objectiones* in *Adversarium*, quicum mihi est negotium, stringere. Quod propterea commemoro, ne, uti quidam existimaverint, me plura adhibuisse *Argumenta*, quam esset opus, ita alii existimarent, me omisisse multa; uti reverâ quædam prætermisi, quæ in rem adhibere potuissem.

Verum, est aliud *Virorum* genus, præter eos, quos sub hujus *Præfationis* initium memoravi, ad quos residuam ejus partem dirigam, oportet; ad eos scilicet, qui videntur ægrè ferre, quod me patiar sive à *Lino*, sive à *Dom. Hobbio* diverti ab *Experimentalibus* ejusmodi* *Tractatibus* perficiendis, quos penes me habeo, ab erudito *Latine Tentaminum* meorum Editionis *Publicatore*, tantum non promissos, & à promovendis istis investigandi rerum *Naturam* modis, in quibus ipsis visum est existimare, me veræ *Scientiæ* ejusque studio sis utiliore operam navare posse. Fateorque, horum *Rationes* ac *Persuasiones* apud me tantum valuisse, ut postea, quæ in duobus *Tractatibus* sequentibus egi, ad scripta mea ab *Objectionibus* vindicandum, quæ adversus ea à *Virorum*, discrepantes admodum *Hypotheses* propugnantium, pari, struuntur, & ad aliquatenus hoc ostendendum, me modi oppugnatas *Vernates* tuendi, plane imperitum non esse; animam sepotuerim, ullos amplius distinctos integrosque *Tractatus Polemicos* de *Argumentis* jam disceptatis edendi. Atque eo me complures aliarum rationes, præter jam modo allegatas, invitant.

* Circa
Historiam
Flammæ,
Caloris,
Colorum,
ut & de
Origine
Qualitatum,
& Formarum, &c.

Primo quippe, ut alibi indico præcipui mei *Consilii* non erat, stabilendi *Theorias* & *Principia*, sed excogitandi *Experimenta*, & naturæ *Historem* *Observationibus* fideliter factis traditisque locupletandi, ut hisce, similibusque operis alijs junctis, sufficiens olim possit *Experimentorum* farrago suppeditari, quibus *Hypotheses*, & *Theoriæ* superstruantur. Et quamvis in *Epistolâ* meâ *Physico-Mechanicâ*, meisque *Speciminibus*, quasdam de *Phænomenum* à me enarratorum *Causis* *Conjecturas* insuper in medium afferre ausim,

A V T O R I S P R O L O Q U I V M

ne jejuna nimis curiosis Lectoribus Dissertatio videatur; attamen (ut jam dixi) mea Cogitata, nonnisi ut Conjecturas proposui, collimantes (licet non unicè, præcipuè tamen) ad excitandum Curiositatem Ingeniosorum, & ad suppeditandum monita quædam & adminicula Disquisitionibus Theoreticorum. Ac hisce congruenter, complura memorare non abstinui, quæ Lectores judicio valentes faciliè percipient me prævidisse, à multis judicatum iri minus favere iis Opinionibus, in quas propendebam. Adeo ut, si ego *Experimentalia* studia cum *Polemicis* commurarem, viam, à primario Scriptorum meorum scopo nimis deviam, insisterem,

Deinde, licet ausus fuerim Doctrinam de Aëris *Elatere* & *Pondere* per quædam Supplementa promovere, ubi eam laborare defectu reperi eamque novis quibusdam Illustrationibus & Argumentis, deductis à meis Experimentis, ornare; attamen, cum *Hypotheses* ipsæ (caput rei si spectes) sint etiam Placita aliorum, eruditione me longè præcellentium, injurium & illis & Causæ nostræ communi fortè censeretur, si Veritatum, in quibus consentimus, vindicandarum gloriam ipsis præripere absque necessitate aggrederer, maximè, cum eorum quidam Eximii sint *Mathematici*, alii illustres *Physici*, quorum æquè ac meâ interest, *Hypothesis* adversum Objectiones, si quæ orientur, propugnandi, quorumque orium & ingenium longè meum superant, qui & valetudine sum ambigua, & sat aliis occupationibus distrahor, quique (si multo essem in *Geometria* provecior, quàm præ me fero) eâ laboro oculorum imbecillitate, ut ea me & minus proclivem minusque aptum reddant, ulli studio me implicandi, quod Schematum Mathematicorum usum postulat.

Tertio, multum causæ video dubitandi, ea, quæ tradidi, quamvis ipse silerem, defensione destitutum iri: Lubentia quippe, quam jam in pluribus Viris *Illustribus* observavi, ea Scripta vindicandi, quibus dicere amant se esse convictos, meque sequentium Tractatuum conscribendorum operâ levandi, quid vereri me vix sinir; maxime, cum sint nonnulla, quæ pensum ipsorum valde facile reddent, si non alius demant

ET DECLARATIO.

demant animum ipsis ejusmodi laborem imponendi. Etenim, licet D^{ns} *Hobbius* & *Linus* mea examinauerint Scripta, iis insistentes Principiis, in quibus æquè differunt à se invicem, ac à me, attramen neque causæ quidquam iis suppetiit, rem ullam negandi, quam tradidi ut Experimentum, neque eorum Objectiones, sive quoad Numerum sive Pondus, aliqujus fuere momenti adversus eas Principiorum meorum Applicationes, quas ad solvenda *Phænomena* in medium adduxi. Adeo ut passim, non objectâ ullâ adversus Explicationes meas particulares Incongruitate, ipsas constringantur *Hypotheses* adoriri: in quarum defensione exspectare me eo majori jure Hyperaspistas posse putem, quod non modò conatus fuerim, ut supra notabam, fundamenta ponere, Objectionibus ejusmodi, quas nasci posse prævidebam, respondendi; sed etiam, ad laborem eorum prævertendum aut levandum, duas priores partes meæ adversus *Linum* Defensionis scripsi, quod facere non tenebar, ut Explicationes meas vindicarem, quippe quas speciatim asserui in Parte tertiâ.

Nescio, an addere hac occasione ausim, Quod illi, qui perpenderunt Experimentorum ad veram Philosophiam utilitatem, obliyaruntque difficultatem nihilominus, molestiam, & impensas ea faciendi esse talia, ut vel in Erudito hoc nostro seculo pauci admodum reperiantur *Bacones*, vel *Mersæani*, & tales, qui vel ipsi fecerint, vel alios facere viderint Experimenta etiam qualia ego in publicum emisi, eâ curâ, quam teneri me in rebus ejusmodi adhibere, soleo existimare: quod illi, inquam, fortassè non solum credent, ea mihi longè majori tempore & labore constare, quam ij, qui ejusmodi Experimenta non fecere neque videre, sibi imaginabuntur, sed fortè satis esse existimabunt Viro, qui ex professo de Schola non est, sollicitè ea fecisse, & consignasse fideliter, ipsique condonabunt, quod alijs provinciam transcribit Veritates illas Vindicandi, quas ipse fortè feliciter in lucem prorulit; maximè, cum tantus sit Virorum, ad eam rem ipso aptiorum, numerus, quibus

AUCTORIS PROLOQVIVM

(æquè ac Adversariis ipsius) plus est otij scribendi Disputationes, quam commoditatis consecrandi Experimenta: quorum posterius, si id præstare quis velit, ut par est, postulat in plurimis Casibus præter Dexteritatem, vix nisi usum acquirendam, interdum Diligentiam majorem, & sæpè etiam sumptus majores, quam maxima pars velit, vel magna pars possit iis impendere.

Paucis dicam, quamvis, si quid notatu valde dignum adversus præcipuas meas Opiniones Explicationesve suggeratur, possim vel ansam capere nonnihil ad id alibi regerendi vel saltem, re ita ferente, in quadam Revisione in illud animadvertere, in qua nonnulla reliquorum Scriptorum meorum loca mutare, emendare, supplere, vindicare, vel retractare potero: tamen expectari illud nolim, me Librum cum quolibet commutaturum, qui abundaverit otio aliquem talem contra *Vacuum*, vel de *Aère* conscribere. Quod hic publice significo, non quod putem, id vel avocaturum esse ullum, vel avocare debere, ab usu suæ libertatis, dissensum suum, ubi causa ipsi subest, testificandi, sed ob duas hæc Rationes.

Prior est, Ne silentium meum vel Veritati vel mihi ipsi sit injurium, aliis hunc sensum suggerendo, quasi ad ea respondere nequeam, ad quæ non respondeo; sed, ut Lectoribus non præoccupatis judicioque valentibus Cautionem suppeditem, tam parum tribuendi Adversariorum meorum Scriptis, eo nomine quod iis à me responsum non sit, quam si superstes amplius non essem.

Posterior est, Ne remora sim iis, quibus animus fuerit Adversariis istiusmodi replicandi, dum mentibus ipsorum insidere hunc metum sino, vel me præventurum ipsos, vel ipsos me.

Vt finiam, Nil causæ video spem abjiciendi, quod, si ve Scripta mea patrociniū inveniant, si ve minus, Veritates in iis traditæ, progressu temporis, Adversariis nequidquam refragantibus, stabilimentum in hominum animis sine consecuturæ, uti Circulatio Sanguinis, aliæque plurimum antehac
oppugnatæ

ET DECLARATIO.

oppugnata Veritates jam consecuta sunt. Indoles mea plus nimio me fecit sollicitum, non offendendi eos, à quibus dissentio, quam ut necessitatem cuiquam imponat, sub injuriarum vel irritamentorum privatorum ratione mihi adversandi. Eos vero quod spectat, quos vel Iudicium vel Invidia ad disceptandum illexerit, res scilicet, quas in publicum emissas, tanto non esse dignas applausu, quanto, favente fortunâ, receptæ fuerunt; litem hoc inter nos haud pariet: Equidem ipse forsan idem æquè sentio, ac illi. Vtut fuerit, haud verborum me unum ex iis profiteri, qui cupidior sit tempus suum impendendi utiliter, quam eâ gloriâ inclarescendi, quod nil quidquam eorum, quæ adversus ipsum scripta fuerint, absque responsione dimiserit; quemque major tenet sollicitudo, manifestandæ Veritatis vias consecrari, quam eam opinionem aliis ingerere, nunquam ipsum adeo fuisse defectibus Humanis obnoxium, ut ab ipsa deviaret.



EDITOR LECTORI.



MICE LECTOR,

* Pertinet
hoc ad
Pneumati-
corum Ex-
perimen-
torum Te-
cundam E-
ditionem
Anglicam,
in qua in
publicum
missa fue-
rant hæc
ipsa adver-
sus *Linum*

Defensio, & Dialogi *Physici Hobbiani* Examen; qui Tractatus posterior brevi in lucem pro-
dibit: cum interim hic libellus fuerit præmissus, ut festinationi Typographi obsecundaretur.

Expectaveris forsitan in hoc Tractatu Appendicem, quam antehac polli-
citus est Auctor, quamque statuit Experimentis nonnullis accessoriis ad ea
qua antehac * exulgavit, quæque in secundâ hac Editione recusa sunt,
locupletare. Insequentes hæc Responsiones ad Franciscum Linum, &
Dom. Hobbium exhibentur in more compensationem, inque patientia illius
redholsimentum, qua vos excecabat dilatio Appendicis, quam ipsam brevi
licebit expectare. Etenim Auctor, cum innuerit promissum, videtur eo
ipso agnoscere debitum, facileque ferre, nexus ut duret idem exsolvendi.
Atque hæc tanto sit potior ipsius Excusatio, quod harum Responsionum
compositio, & Chymistæ sceptici publicatio, nonnullæque aliæ Disserta-
tiones, præcipuè Tractatus illius fuerunt remora, qui equidem adeo propè
ad umbilicum est perductus, ut pars illius, sex mensium ante spatium,
Typographo committi datus jam fuerit: At tunc cum quadam adhuc desine-
horum differre Editionem Bibliopolam pigebat, quæ iam crebro fuit ab ipso

flagitata.

EDITOR LECTORI.

fragitata. Atque hac ipsa Sermone potius Anglico nunc prodeunt, ut Originalium Experimentorum, primitus isto Sermone in formâ Octavâ, excusorum, Editioni secunda jungantur; utque promissæ Appendicis loco, Voluminis in formâ Quartâ crassitiem expleant.

Erat pariem quod attinet, quæ Dominum Hobbiūm spectat, esse quidem ea potuisses fusior: at edoctus cum esses Autor, Doctissimum Idaliūm in refutandis quibusdam Dialogorum Domini Hobbij locis (tameo, qui de Aëre tractat, quam reliquis) occupari, in causâ id erat, quare Nobilis Autor animadvertere in quedam loca nolueris, nec opera duxeris pretium, in alia suse commentari.

Cætera, cum nonnulli fortè Lectores sint rogaturi, annon hac contra Franciscum Linum Defensio, aliam sit habitura comitem adversus nuperas Animadversiones Clarissimi Antonij Deusingij, arbitror præter rem non esse, ipsis significare, paucos post dies quam dicta in Domini Boylij Nova Experimenta Animadversiones in manus ipsius inciderant, Ingeniosum quendam Virum facultatem ab eo petiisse, Responsionem ad ipsa parandâ & in publicum emittendâ: quod quidem Autor non difficulter concessit; partim, quia in sua ad Librum, Lino oppositum, Præfatione, propositum suum significaverat, ab omnibus omnino Tractatibus Polemicis de Pondere & Elatere Aeris, nonnullisque aliis Argumentis, in Præfatione istâ nuncupatis, calammum exinde cohibendâ; partim vero, quod perlectis illis Animadversionibus, in quibus Autor earum exponere suas Hypotheses & Rationes nitebatur, una cum causis, ob quas Autoris nostri fundamenta rejicit, deprehenderis, neque Elaterem Pondusque Aeris ritè consuevit, neque Hypotheses, quas in locum eorum surrogare est conatus, solidè stabilitas esse: Adeo ut Autor nosceret credideris, in iose posse (quod & fecit) Petitione in supra-dictam concedere, cum Petens sit vir ejusmodi, qui, præterquam quod par sit admodum tali incipio, quippe Autoris Hypothesem callentissimus, maximâ Experimentorum parti intersuerit, quæ in Libro illo memorantur, quem propugnatum ibamus.

Verum, quoniam hac Vindicatio, licet, ut edoceor, Prælo sit propediem subjicienda, nec dum tamen ei subjecta est, haud alienum ab hoc loco esse arbitror, ea Lectorem monere quæ colligere poteram, Dominum Boylium de Animadversionibus Deusingianis sentire.

Primo itaque, quoad Descriptionis modum, Dominus Boylius in eâ esse sententiâ videtur, Animadversorem nonnulla scripssisse insoni, alia vero, per exiguâ humanitate respersa, cum in compluribus locis innocuam illam, quâ alibi utitur, scribendi rationem commutes cum valdè discrepanti, nullatenus laceffissus, ullâve iustâ & evidenti ratione adductus, vocemque Absurdi & similes tales tam crebro æquè ac gratis adhibeat, ut expendisse non videatur, multa esse posse erronea, quæ tamen non evidentè adeò contradicant manifestâ & obvia veritati, ut Absurdi Epitheton mereantur.

EDITOR LECTORI.

Conferatur
locus
ipse Autho-
ris, à Deu-
lingio ci-
tatus.

Deinde, quoad statum Controversia, Dominus Boyleus statuit, Ani-
madversorem in diversis locis sensum ejus perperam accepisse, nominatim
pag. 275. ubi Dominum Boyleum introducit ingenue, profitemem Errorem,
cujus reus ipse non erat nec confiteatur se fuisse, sed à quo sibi ut caveant,
alios moneat, allegatâ scilicet eâ sollicitatione, quæ eos pertrahere in erro-
rem istum posset: Inque prolixo illo sermone, quem instituit Animad-
versor, ut probet, Dominum Boyleum esse Pleni Assertorem professum, proin-
deque opiniones Vacuistarum rejicere: Cum è contra ipse diserit & loco op-
portunò significet, sibi animum non esse, in scripto illo Epistolico suam in Con-
troversiâ Vacui Opinionem aperire: unde nonnihil esse iniquum putat, ipsa
Authoris alicujus verba palam consignata non capi pro Opinionis ejus De-
claratione; maxime si solemne ipse sit, cautè & consultò sua scribere, quique
alibi reverà ei non contradicat, quod ibi tradit; uti Lector attentius, objecta lo-
ca, uti ea in ipso Tractatu Pneumatico disposita sunt, perlegens, faciliè per-
cipiet.

Denique, quoad Hypotheses Ponderis & Elateris Aëris, Dominus Boyleus
existimat, Adversarium suum eas non rectè & penitus capere, viderique
etiam, vel malè intelligere, vel non ritè expendisse Theoremata quadam Hy-
drostatica, quæ trahere in Hypothesis patrocinium conatur, quam Domi-
nus Boyleus neque demonstrabilem judicat, neque sufficientem, neque à gravi-
bus & satis obviis incommodis immunem. Etenim, si Animadversor rectè in-
telligeret Hypothesin, quam oppugnat, & Propositiones Hydrostaticas, quib-
us utitur, Vir tam Eruditus à compluribus sanè Argumentis abstinisset,
quibus non poterat non providere, Elateristis (uti eos Dominus Boyleus, bre-
vitatùs ergò, nuncupare solet) responsiones sua Hypothesews adminiculo, in
promptu esse: quâ de causâ praeclarus Linus aliique Plenistæ, licet Adver-
sarii Autoris nostri, talia Argumenta mittebant, quamvis satis pateat
quadam saltem, ex eorum præcipuis, ipsis, inexplorata non fuisse.

Verum hisce non obstantibus, Dominus Boyleus paratus est, Animadver-
soris desiderio obsequi, non contendendo cum iis, qui ab ipso in opinionibus
dissentiant; proindeque nil derogare quidquam velis ei existimationi, quam
cetera Docti Deulingii Lucubrationes meruerint, cupitque tanti estimare
Animadversorem, acsi similes Objectiones in eundem (Pneumaticum) Tra-
ctatum allata fuissent, si is ab ullo Autore alio fuisset composuit: Ei valde
quodvisque arbitratur, Adversarium inter & Hostem libenter non distin-
guere.

DEFEN-



DEFENSIO
Dⁿⁱ ROB. BOYLLII
EXPLICATIONVM
Circa
EXPERIMENTA EIVS
PHYSICO-MECHANICA,
Contra
FRANCISCVM LINVM.

P A R S I.

*In qua Adversarij contra Elateristas Objectiones
examinantur.*

C A P V T I.



UPER editus Tractatus *De Corporum Inseparabilitate* cum
ad manus meas pervenisset, aliquot in eo Capita insumta
deprehendi impugnandis illis Explicationibus, quas
de quibusdam *Novorum meorum circa Elaterem Aëris Ex-*
perimentorum in medium afferre tentaveram. Quocirca, li-
cet parum admodum me juvet implicari Controversiis, & licet hoc tem-
pore

pore Occupationes mihi non desint (privatæ & publicæ) quæ satis mihi reddant interpestivum, hujusmodi Opere ab ipsis divertit; attamen, ob Rationes in Præfatione expositas, præter rem haud esse putem, Objectiones contra quæ tradidi paucis examinare, idque eo magis, partim quod Eruditus Autor, quicumque demum ille sit (ex Frontispicio quippe Libri omnium primò mihi innotuit *Fransci Lini* nomen) in Objectionibus suis Verborum acerbitate me non lacescens, sinat me dum ad eas respondeo, meo Vrbanitatem exercendi, ubi vel maxime iudicium meum dissentit, genio & mori obsecundare: partim, quod ipse Autor meam hanc Responzionem non nihil reddiderit faciliorem, dum me pagina nona ad libros & loca quædam remittit, quæ, cum ederem Epistolam meam, nec visa mihi, nec animadversa fuerant. Vti sane, præter harum nonnullas, plures aliæ Dissertationes extant, de Experimentis *Torricellianis* tractantes, quas, licet ex Autorum nominibus erudite scriptas esse conjiciam, non tamen in hunc usque diem evolvere mihi licuit, cum mea in remotioribus *Hiberniæ* partibus (quo libri Philosophici, turbis illis publicis durantibus, non penetrabant) commorator, ab illorum notitia me secluserit, donec essent omnes divenditi. Quod hoc loco significo, ad me excusandum, si in res, loca quædam, in scriptis istis occurrentia, nil quidquam annotavi, quod ut facerem, jure forsane eorum eruditi Autores curiosive Lectores expectarent, siquidem scripta illa in manus meas incidissent.

Verum, ne longius digrediar, fateor sane, ægreque fero ita rem se habere, vix mihi spondere me posse, me in partes meas pertracturum esse Adversarium, cum is absque ulla hæsitacione illas ipsas res ceu Principia assumat, quæ mihi tanta fere incommoda videntur quantis ullam, quam improbo Opinionem esse expositam, vellem ostendere. Verum quidquid demum hæc Dissertatio in Viro, qui illius fuit occasio, operetur, cum spes me teneat, quædamtenus istis Philosophis iri satisfactum, qui cassam æque ac ego Rarefactionis *Aristotelicæ* habent intelligentiam, quique non minus ac ego detrectabant admittere quod non possunt intelligere; satis mihi erit Veritates illas, quas tradidi, veri, siquidem fors mea non tulerit de ipsis acutum meum Adversarium convincere, nec operam meam me perdidisse credam, si quid conferre hæc Dissertatio possit stabilendis quibusdam in Philosophia Placitis, quæ momentum aliquod habere existimo in illorum mentibus, quorum clara Principia mei potissimum cultus, quo ipsos prosequor, causa sunt, quorumque in gratiam præcipue calamum stringo.

Iam autem, licet, jus summum si spectes, nil quidquam defendere teneat, quam illas ex meis ipsius Explicationibus, quas Examinatori indubium vocare visum fuit, istaque Particularia, quæ per modum gemi-

nam:

nam illam de Aëris Elaterio & Gravitate *Hypothesin* excolendi adjeci; attamen, ut eo majori cum effectuid prosequar, quo in hoc scripto me collimare modò innuebam, ac Doctrinam meam æquè dilucidem ac propugnem, in tres Partes Tractatum sequentem dispescam: quarum prima instituit Adversarii mei contra Principia nostra Objectiones refellere; altera *Funicularem* examinabit *Hypothesin*, quam in ipsum locum vellet surrogatam; tertia vero speciales quasdam ad ea Responsiones continebit, quæ ipse adversus Explicationum mearum specialium nonnullas in medium affert.

CAPVT II.

Etiam si Autor noster secundo suo Capite fateatur, Aëri Elaterium æque ac pondus inesse, obfirmatè tamen negat, Elaterem illum vel propemodum ea præstare valere, quæ illius Adversarii (quos brevitatis gratia *Elateristas* appellare audebimus) ei adscribunt, totumque ipsius Caput quartum, teste Titulo, probare satagit, Elastrum Aëris non valere in loco concluso *Mercurium* Experimenti *Toricelliani* suspensum sustinere. Hujus Assertionis probationem facilem esse ait: verum duo vel tria adducit in eam rem Argumenta, quibus responderi facilius, quam illius Assertionem evinci posse crediderim.

In primo dicit, Experimenta illa de Adhæensione digiti, &c. quæ commemoraverat Capite præcedenti, eodem modo se habere in loco clauso, ac in aperto, At nostram ad hoc responsionem ad paulò post sequentia differemus; partim, quod tunc id possit convenientius examinari; partim, quod Autor noster eo non adedò niti videatur, cum præcipuum illius Argumentum sit illud, quod proponit his verbis; * *Cum tota vis hujus Elaterii pendeat à resusato jam Aëris equipondio cum digitis 29', Argenti vivi, ita ut nec plus nec minus faciat hoc Elaterium in loco occluso quam sit per illud equipondium in loco aperto, manifestum, est cum jam ostensum sit, fictitium planè esse hujusmodi equipondium, fictitium quoque esse talè Elaterium.* Quare cum tota Objectionis ipsius contra Aëris Elaterem validitas ab ejus prægressio Capite dependeat, in quo Aëris pondus infirmasse se putat, nostrum erit ad Caput præcedens retrospicere, quatuorque illa Argumenta, inibi ab ipso proposita, examinare. Sed rogabo veniam ipsius Methodum mutandi, tertiumque loco primo expendendi, cum Objectionis istius solutio faciliorem breviorèmq; ad reliqua responsionem reddat. Tertium itaque Argumentum ejus hunc in modum se habet. * *Nam si tabus viginti tantum digitorum (quo usus sumus in primo Argumento) non totus impleatur Argento, ut prius, sed spatium ali-*

* Pag. 20.

* p. 210.

quod inter digitum superiorem & Argentum relinquatur, in quo sit solus Aër, videbimus, suostrato inferiore digito, superiorem non solum deorsum trahi, ut prius, sed etiam Argentum jam descendere visibiliter, quantum nimirum extitit: ad potest exigua illa Aëris particula à tali pondere descendente. Unde si loco illius Aëris ponatur Aqua, aliusve liquor, qui non tam facile extenditur, descensus nullus erit: Hinc, inquam, contra hanc sententiam formatur Argumentum. Nam si externus ille Aër nequeat vel hos viginti digitos Argenti à lapsu sustinere, uti jam vidimus, quomodo, quaso, sustentabit 29? Certe hac nullatenus reconciliari possunt.

Verum ad hoc Argumentum, quod cum Adversariorum suorum Hypothesi adeo existimat, irreconciliabile, responsionem ipse illis suppeditavit his verbis; Dices forte, ideo Argentum in hoc casu descendere, quia deorsum trahitur ab Aëre illo, sese per suum Elaterium dilatante. Quod responsum ad istam Objectionem lucificare arbitror, gemina Exceptione ad id allata non obstante.

Primo enim, quando inquit, Quod sic deberet digitus potius à tubo repelli, quam eidem affigi, cum non minus sursum quam deorsum fiat huiusmodi dilatio, non expendit, quod, quamvis inclusi Aëris ad se expandendum conatus primum æqualis sit quaquaversum, ipsa tamen expansio in casu nostro tendere necessario deorsum debeat, non sursum, quoniam digitus, qui tubum obturat, partibus sui superioribus lateribusque externo Aëri expositus, totam Atmosphaera gravitatem pressionemque sibi habet incumbentem, proindeque non nisi à vi, pressionem illam vincere valente, detrudi potest, cum è contra ad inferius inclusi Aëris latus sit totius Mercurialis Cylindri pondus in Aëris Elaterii adiumentum, ad Atmosphaera, super Mercurio restagnante gravitantis, pondus superandum: adeo ut Aër inclusus, conatusque se expandere, nullum inveniens adiumentum sese expandendi sursum, notabile vero se expandendi deorsum, naturale admodum est, cum se in istam partem expandere, ubi minus resistentiæ invenit: juxta ac eveniet, donec Aëris Elastum adeo debilitatum fuerit expansione sua, ut pressio ejus, una cum pondere Mercurii, qui suspensus remanet, æquiponderet duntaxat externi Aëris super restagnante Mercurio pressionem, non vero eam superat. Atque hæc Explicatio consilii nostri Experimento eo poterit, quod de iniustitiâ tentavi; videlicet, quod, si loco Mercurii Aquam adhibeas, inque tubo pollicaris magnitudinis Aërem, ut prius, relinquant, tumque eum inversum sub Aqua aperias, deprehendes longè admodum abesse, ut vel ad dimidium usque (non enim mihi est opus Proportionem hic definire) inclusus ille Aëris pollex se dilatat, ac faciebat, quando tubus propemodum implebatur Mercurio: quoniam pondus tam brevis Cylindri Aquæ illud duntaxat pondus æquat, quod unum Mercurij pollicem & sesquipollicem intercedit, proindeque internus Aër multo minus

nus adjumento habet ab Aquæ, quam *Mercurii*, Cylindro, ad se dilatandum, externique Aëris pressionem vincendam. Et quoad id, quod Autor noster ait, si, loco Aëris, Aqua, aliufve quis Liquor, in tubi summitate relinquatur, Argentum vivum non descensurum; *Elateris* prompte solvent illud Phænomenon: dicent quippe, Aquam vel nullo penitus, vel saltem debili admodum Elaterio esse instructam, adeoque, nisi suo pondere, vix premere, quod in Cylindro tam brevi alicujus momenti non est. Iam vero eadem solutio, quam Examinatoris nostri Objectioni reposuimus, etiam rationem vobis reddit, cur digitus tam firmiter adhæreat supremæ parti Orificii tubi, quem obturat; inclusus enim Aër cœque dilatatus cum sit, ut unus, exempli gratia, pollex, prius in superiori tubi parte relictus, duplo triplove se exporrigit ulterius, quam faceret ante descensum *Mercurii*, Elaterium ejus ex proportionem debilitari necessum est; proindeque illa digiti pars, quæ est intra tubum, multò minus adversum se pressionis à dilato intus Aëre sustinebit, quam ejusdem digiti pars superior à non rarefacto Aëre externo, unde fiet, ut digiti pulpa intrudatur (vel uti Autori nostro loqui visum est, *insurgatur*;) uti paulò infra, in nostrâ ad secundum Argumentum responsione, exponendi dabitur occasio.

Atque his ita dictis ad primam exceptionem Autoris nostri contra solutionem illam, quam de tertio ipsius Argumento allaturos nos prævidebat, non multum est, quod dicendum habeamus ad ejus secundam. Etenim, quando inquit *Concipi non posse, quomodo Aer ille sic se dilaret, Argentumque deorsum trudet, nisi occupando maiorem locum; quod tamen hi Auctores quam maxime refugium, asserentes, Rarefactionem non aliter fieri, quam per Corpuscula, aut Vacuitates*; cuperem, cum exposuisse mentem suam clarius, cum, prout verba ejus sonant, haud facile mihi sit conjicere, quid sibi velit, & multo minus facile dignoscere, quid iis insit Argumenti contra ipsius Adversarios. Equidem illos non adeo crediderit absurdos, ut imaginentur, Aerem dilatare se posse, *Mercuriumque* deorsum trudere, nec tamen sensu aliquo majorem, quam antea locum occupare, Ipsum *Dilatationis* vocabulum, effectusque, quem Aeri incluso adscribunt, clare id ipsum implicant: adeo ut non videam quid causæ sit, cur dicat, eos refugere adeo hanc concessionem, Aerem scilicet plus loci occupare, quam prius, maxime cum Capite notet præcedenti, nos expansionem Aeris expansioni compressæ lætæ comparare; cumque hic annexat, nos Rarefactionem vel per Corpuscula vel Vacuitates explicare. Verum verba hæc postrema mihi suspicionem injiciunt, eum hoc vel se, *Elateris* non admittere, eundem Aerem posse *adæquare* majorem locum uno tempore, quam alio, occupare: quod adeo verum esse credo, quam quod idem floccus lætæ compressæ haud plures habet in se pilos, nec *adæquare* plus loci cum iis occupat, quando permittitur se expan-

dere, quam quando manet compressus. Verum adversus hunc Rarefactionis modum Autor noster nullam hic habet Objectionem, nisi aliquam innuat his verbis, *Concipi non potest*. Quod si sit Obiectio, satis mihi erit hoc loco ipsum monuisse, quod, cum complures ex primi subseclii Philosophis, tum priscis, tum notericis, fassi sint, se existimasse, modum Rarefactionis *Aristotelicum* non posse concipi; ac ipse agnoscat (ut mox videbimus) eum *clarum* non esse; id, quod Sectæ suæ doctissimi (moderni *Plenistæ*) contra Rarefactionis, quem improbat, modum solent obijcere, est, quod non sit *verus*, non autem quod non possit intelligi.

CAPVT III.

* pag. 15.

Secunda Autoris nostri Obiectio (ita enim ego eam numero) ab Sippo proponitur hunc in modum. * *Si sumatur tubus utrinque aperius, sed, longior, puta digitorum 40, Argentoque impleatur, eique digitus superne applicetur, ut prius, videbimus. subtrahit, inferiore digito, Argentum quidam descendere usque consuetam suam stationem, digitum autem superiorem fortius intra tubum trahi, eique firmissimè, ut prius, adhaerere, Ex quo rursum evidenter concluditur, Argentum, in sua statione consistitum, non ibidem sustentari ab externo Aere, sed à Funiculo quodam interno suspendi, cuius superior extremitas, digito affixa eum sic intra tubum trahit, eique affigit.* Verum hoc Argumentum cum prope accedat ad illud, quod ducitur ab ipsius Experimento tertio, data ei & Argumento ejus primo Responsio etiam huic facile applicabitur, atque subiciet in primis, quia in præsentī casu nostro minus est pressiois adversus digitum intra tubum pulpam, quam in Experimento tertio (ubi aliquid Aëris includitur, licet multum expansi, debilitatique;) pressione *Atmosphæ* in præsentī casu ab ipsa (pulpa) per *Mercurium* subjacentem præclusa, cum è contra nihil pressiois istius minuaturs adversus digitum partes reliquas, quæ ipsum à deserto Cavitate tubi arcant, excepto duntaxat quod à pulpa, quæ est contigua tubo, nonnihil illius pressiois, per gravitatem ipsius Vitri, demi possit. Sed, quod ad eam digiti partem, quæ immediatè tegit foramen, siue sit, siue non sit in fibris ipsius, aliive substantiis constituentibus, Elaterium, quod, reperta nulla in spacio ab Argento deserto, resistētia, conferre quid possit ad ejus intumescētiā, (id enim nunc non examinabimus;) is qui ritè perpenderit explicationem illā, quam de pulpæ intra Vitrum intrusionē jam dedimus, Autoris nostri interno *Funiculo* opus haud esse percipiet, qui nonnullis videtur difficilior intellectu, quam abique ejus adminiculo ullum ex *Phænomenis* disceptatis est explicatu.

CAPVT IV.

ID, quod jam diximus contratertium Examinatoris nostri Argumen-
tum, adiumento nobis erit respondendi ad primum, quamvis illud
ceu claram admodum Demonstrationem proponat, sitque revera pal-
marium, quod in ejus libro occurrat. * *Sumatur (inquit) tubus brevior* * *pag. 11.*
digitis 10², puta digitorum 10, non tamen clausus altero extremo (ut habile-
nus) sed utrinque apertus. Hic tubus, immenso ejus orificio Argento ressta-
gnans, suppositoque digito, ne effluat Argentum tubo infundendum, implea-
tur Argento vivo, aliisque deinde digitus orificio quoque applicetur illud-
que bene claudat. Quo facto, si subtrahatur inferior digitus, sentietur supe-
rior vehementer trahi ac sugi intra tubum, tamque pertinaciter ei (vel Ar-
gento potius, ut postea) adherere, ut ipsum tubum cum toto Argento incluso
facile elevari, teneatque in vase pendulum. Ex quo sane Experimento clarifi-
catum refellitur hac sententia. Cum enim, juxta eam, Argentum in tubo hu-
jusmodi 20² tantum digitorum sursum trahatur à præponderante Aëre exte-
rio, nunquam profecto per eam explicabitur, quomodo digitus ille sic trahatur
deorsum, tuboque tam vehementer adhereat; non enim a trudente sursum po-
test sic deorsum trahi.

Hic tenens Autoris nostri Objectionio, in cujus refutatione plura mihi
tradenda se offerunt, quibus ostendetur, probe posse hoc Experimen-
tum in *Hypothesi Elasticarum* explicari; quod sufficit, ut manifestum
fiat, quam non sit irrefragabile adeo Argumentum, uti illius Autor per-
suasum id Lectori vellet.

Nego itaque, Digitum deorsum trahi, suctionisve beneficio tubo
affigi; sed quod ille suctionem digiti appellat, ego sic explico; quemad-
modum nuper in mea ad tertium ejus Argumentum responsione facie-
bamus; uti planius mox videbimus.

Ait equidem, Aërem, qui sursum trudit Argentum, non tam vehe-
menter deorsum trahere digitum possit. Ac si Aër non esset corpus flu-
idum, sed unica, atque integra materiz alicujus solidæ columna. Verum,
ut nostram ad Objectionem ejus responsionem conpendi-ficiamus, op-
tima forsitan ratio erit, *Phænomenon* hunc in modum breviter explicare.

Quando tubus repletus est Argento, digitus, superius Orificium
claudens, ferè æqualiter à contiguo Aëre supra & ad latera premitur,
sed remoto digito inferiori, tum Cylindrus *Mercurii*; qui prius contra
digitum inferiorem gravitabat, nunc gravitat super *Mercurio* restagnan-
te, suoque interventu contra Aërem externum premit; adeo ut contra
illas digiti partes, quæ contiguae sunt Aëri, solita Aëris externi tota pres-
sio fiat, cum, ex adverso, contra pulpam *Mercurio* contiguam tantum
Z ; pressio

pressio, quoad duas tertias, non fiat, quantum contra reliquas digiti partes. Quoad duas tertias dico, vel circiter, quia *Cylindrus Mercurialis* in hoc Experimento viginti digitos altus supponitur; atque si paulò duntaxat altior esset digitis triginta (quod est una tertia parte amplius) cum pondus Argenti vivi non duas tertias modo, sed totam externi Aëtis pressionem à supra dicta digiti pulpa demeret. Eo quippe casu *Mercurius* eum penitus desereret, ac infra ipsum subsideret. Quare cum in nostra ad tertium Examinatoris Argumentum responsione sit ostensum, externi Aëris pressionem à corpore, in superiore parte tubi remanente, esse sublatum, juxta liquoris in tubo suspensi gravitatem; eumque in *Hypothesi* nostra, externi Aëris pressio potis sit triginta digitos *Mercurii* sustentare, vel triginta duos tresve pedes Aquæ in tubo pendulos; non est, ut valde mirum habeatur, si ambientis Aëris pressio, ponderi Cylindri Aquæ, viginti duos ferè pedes alti, æqualis, intrudere digitum ad superius tubi Orificium valeat; eumque arcè satis labro ejus affigere.

Scio, affirmare Examinatorem, Nullam ab extra trusionem pressionemve efficere unquam posse talem digiti ad tubum adhesionem. Sed æquè hoc esset probandum ac affirmandum. Verum, primò, quamvis lubens crediderim, Examinatorem nil quidquam scientem narraturum, de quo ipse non sit persuasus, quousque ramen ego, & alter quidam, in his Experimentis bene versatus, de industriâ fuimus experti, deprehendere haud potui, Digiti ad tubum adhesionem pertinaciam ab Autore nostro traditam æquare. Secundò, si diligenter pressione, vel alia ratione, digiti tui pulpam in Orificium tubi coneris intrudere, ipsum per vitri transversum manifestò esse tumidum in cavitate tubi percipies. Atque, si premendo digitum tuum contra tubi Orificium non efficeres, pulpam æquè omninò pertinaciter tubo adhærere, nec adeo planè intra eum tumere, ac fieri in Experimentis quibusdam *Mercurialibus* potest: expendendum est, quod, cum Aër æquè sit fluidum ac grave Corpus, non (uti grandiora pondera tanfacerent) nititur solum contra digiti partem superiorem, sed tantum de digito, ac est ipsi expositum, fere undiquaque, fereque uniformiter juxta ac fortiter premens, laterali sua ab omni parte pressione pulpam digiti in foramen intrudit, ubi nulla est omninò resistentia, vel saltem multo admodum minor adversus pulpam pressio, quam est Aëris ambientis contra digiti partes ipsi contiguas.

Hinc videre est, opus nobis non esse, eam mutuare Objectionem, quam Autor nobis offert; videlicet, in Experimento, quod est sub examine, *Mercurium* premi deorsum ab Elaterio alicujus Aëris, intra ipsum & digitum delitescantis. (Licet pronus credam, tale quid facile, nisi summa cura fiat Experimentum, contingere posse, atque ad pertinaciorē digiti ad tubum adhesionem conferre.) Hoc, inquam, appa-

rebit,

rebit, non obstante Autoris nostri Objectione, quod scilicet Aër, seipsum expandens, digitum sursum trudet, cum commenti istius contrarium nuper in responsione ad tertium ejus Argumentum ostendimus. Et quod illud attinet, quod ad Argumentationem suam confirmandam his verbis addit, * *Quod vel inde confirmatur, quia cum praponderans ille Aer succedat (ut asseritur) loco sublatis inferioris digiti id est, eodem modo nunc sustentet Argentum, quo ante ab applicato Digito inferior sustentabatur, manifestum est, non debere, juxta hanc sententiam, magis deorsum trahi digitum superiorem post sublatum inferiorem, quam ante. Cum itaque contrarium plano doceat experientia, satis liquet, sententiam istam esse falsam*: Considerandum nobis est, quod, cum tubus supponatur omnino plenus *Mercurio*, digitus, Orificium inferius claudens, contra illud premi fortiter soleat, ne quid ponderosi illius Liquoris tubum inter & digitum, evadat: adeo ut, quamvis & inferior digitus revera *Mercurium* in tubo sustentet, idemque faceret externi Aëris pressio: hoc tamen sit discriminis, quod *Atmosfera* pressio, ab ejus dependens pondere, non possit ad lubium intendi, & debilitari, uti digiti inferioris pressio potest; ac propterea, cum *Cylindrus Atmosphericus* sustentare *Cylindrum Mercurialem*, ultra triginta digitos altum, detrahet, illi, qui *Toricellianum* versant Experimentum, sepe numerò, pro re nata, *Cylindrum Mercurio* plenum, quadraginta forte, vel quinquaginta, vel longe plurium digitorum altitudinis, sustentant: sic ut, cum in nostro Casu, ante remotionem digiti inferioris, pulpa superior sentiat necessum est eandem fere adversum se, ubi est contingua *Mercurio*, pressionem, qualis est contra ejusdem digiti partem reliquam, post remotionem digiti inferioris, tantum pressionis *Atmosphericæ*, (si sic loqui liceat) demtum sit à pulpa modo memorata, ac *Mercuriali* viginti digitorum *Cylindro* æquiponderat.

* Pag. 14.

CAPVT V.

Quartum & ultimum Examinatoris Experimentum hoc modo proponitur *Quarto denique (ait) impugnatur: Quia ex eo sequeretur Argentum vivum per similem tubum & vasculo exsugij posse eadem prorsus facilitate qua ex eodem exsugereitur Aqua: quod tamen Experientia repugnat, Aquam in os sugentis facillime attrahi; quo tamen Argentum vivum ne toto quidem addibito conatu perducij queat, imo vix ad rubi medietatem.*

Sequelam autem sic ostendo: Quia cum in hac sententia nihil aliud agendum sit, quam hoc, ut per tubum sic ascendat subiectus Liquor sive Aqua fuerit, sive Argentum, nisi ut sugendo sursum trahatur Aër tubo inclusus; quo

fit

sic auratto, illico ascendit subjectus Liquor, prostrusus nimirum ab externo Aëre jam præponderante (ut docet Pecquetus in Dissertatione Anatomica pag. 63.) manifestum est, eadem plane facilitate exsurgendum sic Argentinum vivum, qua exsurgitur Aqua: quod cum Experientia iam aperte repugnet, necesse est sententiam, ex qua sequitur falsam esse.

Experimentum hoc fecisse me ante aliquot annos memini, prout in quarto illius Tractatus, quem tunc scribebam, Tentamine allegatur, ad probandum scilicet, contra Opinionem vulgarem, Liquores sponte non ascendere ad Vacuum præveniendum: quod ab Autore nostro hætenus admissum iri autumo, quippe qui Liquores, suctione attolli creditos, Funiculi sui contractione violenter attrahi statuit. Verum, ut Experimentum hoc examinemus, quatenus præsentem spectat controversiam, memoria recolamus, supra in responsione ad Autoris nostri Argumentum tertium nos ostendisse; Quod, quando *Cylindrus Mercurialis* qui restagnanti incumbit *Mercurio*, altera sui extremitate Aërem habet omni cum *Atmosfera* commercio interdictum, ab incluso isto Aëre tantum pressionis Aëris externi dentum est, quantum æquiperat *Cylindro Mercuriali*: digitusque, qui toti ambientis Aëris pressionem in quibusdam sui partibus est expositus, & in aliis multo languidiori duntaxat pressionem Aëris inclusi, inusitatam à præponderante *Atmosfera* potentia pressionem sustinet.

Consideremus quoque, Thoracem, istosque Abdominis Musculos, qui Respirationi inserviunt, à toto Aëre ambiente premi: qua pressione non obstante, Musculi Respirationis usui destinati, potis sunt, absque insigniori ulla resistentia, Thoracem ad lubitum dilatare; quoniam, ut primum illi Thoracem dilatant, dilatandoque debilitant Aëris illius, qui tunc intra corpus est, Elaterium, Aër externus illabendo, ob solitæ ibi resistentiæ defectum, Aërem in Thorace stabulantem in virum cum externo Aëre æquilibrio conservat. Hisce præmissis, difficile hæud est in *Hypothesi* nostra Examinatoris Experimento respondere. Dicimus enim, quando *Cylindrus Mercurij* ad notabilem quandam in tubo altitudinem attollitur, Aëris in Thorace pressionem toto *Cylindri* istius *Mercurialis* poudere minui, proindeque Musculos respiratorios eo ipso enervari, quo minus æquè liberè, ac solebant Thoracem dilatent, propter illibatæ pressionis Aëris externi adversus debilitatam pressionem Aëris interni prævalentiam: at si loco *Mercurij* Aquam substituas, brevis adeo *Cylindrus* illius comparate levis Liquoris tam parum Aëris inclusi pressionem minuit, ut solita fere vi sua Pulmones intret, proindeque tanta ferme potentia, quanta Aër externus adversus Thoracem premit.

Atque hæc occasione mentem subit nobile Ingeniosissimi *Paschalis* Experimentum, quod clare ostendit, si superiorem ejusmodi tubi, qualem

qualem nunc consideramus, partem ab omnibus interni Aëris pressione possemus liberare, consequens fore, quod & Examinator fieri debere affirmat, ut *Mercurius* pressione Aëris externi sursum in tubum aquæ ac Aqua impellatur, donec tantam attigerit altitudinem qua ad pondus ejus pondere *Atmosphære* non inferius, sed ei æquale constituendum, sufficiat. Experimentum ipsum, cum tantopere ad rem faciat, dignumque sit notatu, iisdem verbis id subjungemus, quibus illud ab ejus Symptomatica, & Amico familiari perdocto & candido *Gassendo* commemoratur: * *Neque vero hoc solum, sed insuper vitreo Diabete Chyliferæ, ea qua par fuerit longitudine confecto, & post Embolum ad orificium usque compulsum immisso ad normam in subiectum Hydrargyrum reprehendit, ubi Embolum sensim deinde educitur, consequi Hydrargyrum, ascendereque ad eandem usque duorum pedum & digitorum trium, cum semisse altitudinem. Cui immediate Circumstantiam quandam subjicit, quæ plurimum facit ad præsentem Controversiam, periodo sequenti: Ac ubi deinceps, adhibita licet non majori vi, Embolum altius educitur, consistere Hydrargyrum neque amplius consequi, ac fieri interim Inane. quod spatium interceptum ab ipso ad Embolum usque. Hactenus ille. Vnde videre est, Experimentum Examinatoris commode explicari posse per nostram *Hypothesin* dicendo ei congruenter accidere, in vehementiori Respiratione *Cylindrum Mercurialem* altius, quam in languidiore, attolli: quoniam, in casu priori Pectore magis dilata-to, magis etiam Aër inclusus expanditur; quo ipso debilitatum ejus Elaterium tantis, ut ante, viribus *Cylindrum Mercurialem* nequit munire, ut ambientis Aëris pressioni penitus æquiponderet. Atque Rationem, quare Hydrargyrum non tam alte attollitur per respirationem ac in Experimento *Torricelliano* suspenditur, non esse, quod Aëris Externi pressio tam alte illud attollere non valeat; sed quia, uti jam exposuimus, liberæ sufficientique *Thoracis* dilatationi Aëris ambientis pressio resistit: quæ pressio cum tam amplæ incumbat superfici ei que non nisi languide à debilitata Aëris in *Thorace* inclusi pressione resistatur, valde notabilis ab eo facile existimabitur, qui secum reputaverit, in Machina nostra, externi Aëris pressionem contra Embolum, tripollicari Diametro minorem, valuisse, ut Experimento trigesimo tertio tradimus, pondus plukquam centum-librale sursum impellere. Atque hic in transitu observare est in prægressâ Doctrinæ nostræ stabilimentum, quod, quando fortiter Hydrargyrum in tubo vitreo fugimus, licet *Mercurii* elevatio, juxta Autorem nostrum, itidem ab illius *Funiculo*, in quamcunque partem se contrahente, perficietur, sitque licet inter internam Pulmonum superficiem, & tubi cavitatem commercium, non tamen in Pulmonibus nostris ullum contrahentis se *Funiculi* conatum ad Membranam, qua fulciuntur, divellendam sentimus.*

* Gass.
Phyl. sect.
1 lib 2 pag.
204 de nu-
pero Ina-
nis Experi-
mentis.

* Pag. 19.

Atque ita quatuor Autoris nostri Argumenta examinavimus, quibus probatum ibat in Experimento *Torricelliano* Argentum vivum suspensum teneri non posse per Externi Aëris æquilibrium. Contra quam Opinionem ait * equidem alia posse Argumenta allegari: verum, uti probabile non est, ipsum, si ea præstare iis putasset, quæ urgere ipsi visum fuit, prætermittendum ea fuisse: ita à vero non est ab simile, responsiones pro iis æque ac pro aliis præsto fuisse futuras: maxime cum id, quod pro *specimine* seligit, sit, quod ex Adversarii sui *Hypothesi* consequens foret, Argentum vivum descendendum multo magis (puto esse errorem Typographiæ pro *multo minus*) tempestate frigida quam calida, quod Aër tunc sit spissior & gravior, proindeque debeat Argentum altius impellere. Etenim, præterquam quod suo loco validitatem Autoris nostri consequentiæ in dubium vocabimus, sufficiet hic regerere, Observationem, quæ tam vult niti, sibi non constare, uti supponit ipsius Objectiono: quod liquere, potest ex illa Experimenti nostri decimi octavi parte, unde res Facti depromitur; quod pluribus animadvertere occasio tunc dabitur, quando ad Experimenti illius defensionem fuerit perventum. Adeo ut iis, quæ utrinque dicta sunt hæcenus, uti par est perpenſis, Lectori judicandum permittitur, quo jure Examiner Epiphonema illud adhibuerit, quo Tertium suum Caput concludere voluit; *

* Pag. 19.
20.

Maneat igitur tot Argumentis comprobatum, quorum quodlibet se solo sufficit, Argentum (facto Experimento in loco aperto) per externi Aëris gravitatem à lapsu minime sustentari.

CAPVT VI.

Quartum ipsius Caput, cujus Titulus pollicetur, cum probaturum, *Argentum in loco occluso non sustentari à lapsu per ipsum Aëris Elaterium*, admodum breve est, nec requirit, ut diu ei immoremur. Etenim, cum hujus Assertionis probatio ab ipso allata hæc sit. *Cum tota vis hujus Elaterii pendeat à refutato jam Aëris aequipondio cum digitis 29; Argenti vivi, ita ut nec plus nec minus faciat hoc Elaterium in loco occluso, quam sit per illud aquipondium in loco aperto: manifestum est, cum jam ostensum sit, fictitium planè esse hujusmodi aquipondium, fictitium quoque esse tale Elaterium: Hoc, inquam, cum non sit Argumentum novum, sed ex iis, quæ tradiderat Capite præcedenti, illatio, nostræ ad illa datæ responsiones supervacaneum reddunt, distincti quidquam ad hoc respondere. Lectorem potius rogabimus, ut animadvertat, quod, cum Autor noster dicat, juxta Adversarios suos, *Nec plus nec minus facere hoc Elaterium in loco occluso, quam sit per illud aquipondium in loco aperto; quid-**

qui l

quid alij scripserint, nos ipsos nonnisi in *quibusdam* Casibus hanc Opinionem admittere. In aliis quippe multo plus præstitimus per Aëris Elaterium, quod intra certos limites pro lubitu possumus intèndere, quam præstari mero *pondere* queat, quod, quantum quidem novimus, propè sibi semper constat. Atque hujus præcellentix, qua Elaterium Aëris instructum esse potest, quoad vires, præ ejusdem pondere, antehac Exemplum dedimus in Experimento nostro decimo septimo, (ubi, Aërem in Recipienti comprimeudo, *Cylindrum Mercurialem* altius impulimus ea statione, in qua æquipondium Aëris sustentare eum solet) & infra nacturi sumus occasionem insigniores probationes adducendi. Verbis modo recitatis Examiner noster hoc subjicit; * *Adde cum alata jam Capite precedente Experimenta de adhesionem digiti, &c. eodem modo se habent in loco clauso, ac in aperto, necessarium esse, saltem ex iis Argumenta contra æquipondium, eadem quoque contra Elaterium vim habere.* Verum licet hoc ceu Argumentum novum proponat, cum tamen nonnisi adhesionem digiti nitatur (de qua jam ratione reddidimus secundum *Hypothesin* nostram) non video, quid novæ particularisque responsionis requiratur. Cumque dicat, Experimenta, quæ memoraverat de Adhesionem digiti, &c. *eodem modo se habere in loco clauso, ac in aperto*, optarem ipsum adjecisse, qua via usus fuerit in Experimentis capiendis. Non enim significat ullis aliis modis se ea fecisse, quam in ordinariis Conclavibus, in talibus vero raro unquam deest internum inter & externum Aerem commercium, vel per Caminum, vel Fenestram, vel Iannam non exacte clausam, vel per foramen aliquod, rimamve, quibus mediantibus *Atmosphæra* pondus operationem suam intra Conclave cæferit.

* Pag. 21.

Argumento huic secundo Autor noster tertium non addit, nisi id pro Argumento capimus, quod verbis novissime recitatis continetur subiecit: * *Et profecto (inquit) si secum expenderent hi Auctores, quantas sit diffcultas explicandi hujusmodi Aëris Elaterium, nisi idem Aër se solo occupet majorem locum (ut paulo ante) credo eos sententiam facile mutaturos.* Sed cum hoc dictum sit gratis responsionem non postulat; atque oportet eum magis reddere intelligibile, quam ullus aliquis, quem ego quidem novi, hætenus id præstitit, quomodo idem Aer majorem locum uno tempore, quam alio, adæquate implere possit, priusquam mihi Opinionis meæ de Aëris Elaterio mutationem persuadeat: maxime cum ipse agnoscat, * *Aerem Elaterio præditum esse, cujus vi valeat, post compressionem sui violentam: debitam suam extensionem recuperare: cujus modum si intelligibiliter velit explicare.* Adversarius ejus non adeo difficile erit Elaterium Aëris explanare. Verum utrum *Hypothesis* ipsius, an nostra, sit intelligibilior, loco magis congruo in secunda Dissertationis nostræ parte expendetur, ad quam idcirco nunc pedem proferemus.

* Pag. 21.

* Pag. 116.

P A R S I I.

In qua Adversarij *Hypothesis Funicularis* examinatur.

CAPVT I.

Quod allegatur ad probandum Funiculum, expenditur; nonnullæque Difficultates contra hanc Hypothesin proponuntur.

H*ypothesis*, quam Examinator vellet, ut meliorem, nostræ surrogare, ita, ni fallor, paucis se habet: Ea, quæ nos ponderi vel Elateri Aeris tribuimus, è neutro revera præstari, sed à *Funiculo* quodam, vel tenui admodum substantia, à Natura in ejusmodi casibus præstituta, ne detur vacuum, quæ violenta distensione vehementer rarefacta, perpetuo fortiterque in dimensiones, genio distensi corporis magis congruas, se conatur contrahere, proindeque violenter omnia illa corpora attrahit, quibus est contigua, si nimis gravia non sint, quæ ab ipsa removeantur.

Verum hæc Autoris nostri *Hypothesis* talibus, fateor, Exceptionibus subjacet, ut, quamvis *Hypothesin* Adversariorum ejus improbarem, non tamen illam, quæ ipsius est, esseni amplexurus, sed potius assensum meum suspensus, donec tempus, maturioresque Speculationes, vel ulteriora Experimenta aliam quandam Theoriam suggererent, cui ut acquiesceret ratio, magis esset consentaneum; cum hæc, quæ est Autoris nostri, partim *precaria*, partim *intelligentiam fugiens*, partim *insufficiens*, & præterea *supervacanea* videatur: quamvis non sit ita commodum futurum, horum singula sigillatim probare, quod complures ex Objectionibus meis tendant, ut Doctrinam, contra quam adducuntur, uno pluribus laborare probent defectibus ex eorum numero, quos ei improperavimus.

Primo igitur, Argumenta, quibus Autor noster *Funiculum* suum conatur evincere, rem non conficiunt. Ea, uti ab ipso in sexto ejus Capite (ubi Assertionem suam ita stabilitum) proponuntur, tria esse reperio. Primum tradit his verbis; * *Constat hoc primo ex jam dictis Capite precedente: nequit enim Argenti descendens sic digrum deorsum trahere, tuboque affigere; nisi à tali Funiculo suspendatur, eumque suo pondere vehementer extendit, ut per se patet.* Verum ad hanc probationem respondit jam fuit in hujus Dissertationis parte prægressa: solummodo,

cum

cum Autor remittere nos videatur ad Caput præcedens, ad illud retrospiciemus, animumque ad id, quod contra *Vacuistas* ibi dicitur, ad vertemus. Licet enim nec teneat, nec institutum in hac Dissertatione *Vacuam* asserere, vel negare; attamen, cum nunc *Hypothesin Funicularem* impugnem, plurimum faciet ad ostendendum, sumo talo eam non niti, si quod contra *Vacui* Assertores hic assert, sub examen vocem.

Proximo igitur loco considero, ex sententia Examinatoris *Vacuum* esse non posse. Atque hanc palmariam reddit causam, ob quam Natura in *Torricelliano*, nostrisque Experimentis modo agat tam extraordinario, ac ad *Funiculi* ejus productionem requiritur: Etenim pag. 47. cum Adversariorum suorum nomine rogasset, quæ sit ad *Mercurii* descensum necessitas, ut priusquam subsidat, superficies ab eo separetur, & extendatur: *Respondeo* (inquit) *ideo hoc fieri, ne detur Vacuum cum nihil aliud ibi adsit, quod loco Argenti descendens possit succedere.* Cui proxime subiungit (quam cogenter, jam non exanunabo) *Atque hinc plane confirmatur commune illud per tot elapsa secula usurpatum in Scholis Axioma, videlicet, Naturam à Vacuo abhorre, Ac, licet videatur Funiculum suum immediatam Phænomenum, in Torricelliano nostrisque Experimentis occurrentiam, causam assignare; ipsum tamen, si rem aliquanto altius indagare lubeat, ea in Naturæ à Vacuo abhorrentiam resolvere, ipse nos clare docet pagina sequenti: * Nam licet, (inquit) im-*

* Pag 48.

*mediata ratio, cur Aqua, verbi gratia, ex hydra horiulana superne clausa (quo exemplo utuntur) non descendat, non sit metus Vacui, sed ea, quam modo diximus, nempe quod non detur sufficiens pondus ad solvendum illum nexum, quo adhæreat aqua clausæ hydra summmitati; ad eam tamen rationem necessario veniendum est. Verum, licet Autoris nostri Funiculus, æque ac reliquæ illæ vix intelligibiles Hypotheses, quas Viri docti excogitarunt ad rationem reddendam suspensionis Mercurii, aliter quam per externi Aëris resistentiam, excogitata duntaxat videntur ad evitandam Vacui admittendi necessitatem; attamen non video, quomodo Examinator noster cogenti Argumento probet, vel nullam esse posse in rerum natura vel de facto nullum productum esse in his Experimentis. Etenim Capite quinto (ubi ex professo provinciam illam suscipit) non nisi duo hæc Argumenta invalida assert. Primum petitur ab attractione, ut ille supponit, digiti in desertam tubi in Experimento Torricelliano cavitatem: *Qua quidem* (ait *) *tam vehemens tractio & adhesio, cum non nisi à reali aliquo corpore, inter digitum & Argentum consiliato, queat provenire, manifestum est spatium illud vacuum non esse, sed verà aliquam substantiam repletum, Verum, cum ad hoc Argumentum jam responderimus, expendamus (non urgentes, Vacuistas forte objecturos, nullam se videre necessitatem, etiam si in casu proposito Tractionem admitterent,**

* Pag 49.

substantiam internam idcirco desertam cavitatem prefecit *replere*; non hoc urgentes, inquam) expendamus illius alterum, quod a Diaphaneitate ducit desertæ partis tubi, quod spatium (dicit) vacuum si esset, parvæ columnæ nigræ speciem esse habiturum; *Et quod nulla species visuales, neque ab eo, neque per illud possunt ad oculum pervenire.* Verum (ne in Speculationibus & Controversiis Opticis nos implicemus) si quid ipsi amplius, quam ipse probare forte possit, concedamus; at tamen, uti Experimentum non demonstrat, *nihil corporis in ulla parte spatij à Mercurio deserti esse*, sic nec Argumentum infert (uti Autor ejus bis facit in hoc Capite) spatium illud verà aliquā substantiā repleri. Nam, juxta, *Hypothesin Epicureorum* aliorumque Atomistarum, qui Lucem corporeum esse statuunt à lucidis corporibus *Effluviis*, eamque ex Atomis adeo minutis constare, quæ libere angustos Vitri poros permeant, nil erit causæ, intersperlas in superiore tubi parte Vacuitates negare. Lucis enim Corpuscula, quæ spatium illud pertranseunt, tam possunt esse numerosa, ut nullam ejus partem sensibilem non illuminatam relinquant; & tamen interspersa habere tot Vacua Intervalcula poterunt, ut, si omne, quod corporeum est in eo spatio, de quo loquimur, in unam esset massam compactum, forte non dimidiā (ne dicam decimā, vel etiam centesimā) totius spatij partem adæquatè replet: idque eum in modum, ut in Experimento nostro decimo septimo notavimus, quo Conclave aliquod apparere plenum suffitū fumo potest, licet, si omnia Corpuscula, fumum istum componentia, reunirentur, non nisi exiguum demum pastillum fornarent. In quam rem meminime *Caphuram*, accepisse, cujus paucillum odore suo replet Cubiculum, cumque in Stillatitiis Vitris diligenter obthuratis fumos calore transfadatos captassem, eos ista ratione rursum in veram *Caphuram* coagmentabam, cujus moles parvi admodum est momenti, ad spatium illud comparata, quod quoad sensum replet, quando odora Corpuscula per liberum Aërem sparguntur.

Cui possem adicere, Experimentum *Torricellianum*, nocte factum caliginosa, vel in Conclavi penitus obtenebrato, si bene succedat (parum autem causæ est suspicari contrarium) jure dubitari potest, num Autoris nostri Argumentum ibi locum sit habiturum. Etenim, si probare conetur, locum, de quo quæritur, plenum fuisse in tenebris, quod, luce intromissa, vel illata candela, lumen intra ipsum appareat, Vacui Assertores juxta *Hypothesin* suam regerere poterunt, Lumen illud esse novum, manans ex corpore lucido, quod suos radios corporeos penitus per Vitrum Spatiumque, de quibus his est, jaculatur, quæ ob talium Corpusculorum absentiam paulo ante visibilia non erant.

Et posito, Lumen non fieri Atomorum per corpora Diaphana traiectione sed lucidorum corporum per ea impulsus propagatione; non

tamen.

tamen inde sequetur necessario, partem tubi desertam plenam esse debere. Vti in Experimento nostro vigesimo septimo ; licet plurimæ ex crassioribus illis Aëris particulis, quæ ad sonum languidum advehendum apparebant necessariæ, ex Recipienti nostro prima & secunda exsuctione essent extractæ; tot tamen ex similibus Corpusculis inibi remanebant, ut illarum, quæ aberant, inopiam sensus non perciperet, quamvis postea, extractio numero multo majori, id ipsum animadvertetur: sic materiz satis restare poterit ad Lucis impulsum transmittendura, etiam si inter materiz illius particulas multæ vacuitates intercipientur. Cum è contra probare sibi sumat Autor noster, non modo non esse Vacuum *coacervatum* in spatio toties memorato, sed penitus *nullum*. Posteriori enim sensu, æque ac priori, Scholz, & Autor noster, qui illarum Opinione tueretur; *Vacuum* negant.

Verum, non obstantibus iis, quæ modo differuimus, uti in Experimento nostro decimo septimo determinare defugibamus siue *Vacuum*, an minus, ita jam, quod diximus ad Examinatoris nostri Argumentum, non factum est ad totam nostram de hac Controversia mentem aperiendum, sed ad ostendendum duntaxat, quod, licet ejus *Hypothesis* supponat, *Vacuum* non dari, Argumenta tamen ipsius non satis id probent: quod ex parte ostendit, Doctrinam ejus esse *precariam*: alias enim *Cartesiani*, licet *Plenisti*, speciose satis (an vere, vel minus, aunc non disputo) declinare necessitatem *Vacuum* in deserto tubi spatio admittendi, supponendo, eum secundo & primo impleri Elemento, quorum particulas satis minutas concipiunt, quæ per Vitri poros meent, remeentque. Sed tum admittant oportet, externi Aëris pressionem esse suspensionis Hydrargyri causam. Licet enim *materia Cælestis* spatia *Mercurii* deserta repleat, ea tamen, quæ in tubo est, impedire Liquorem tam ponderosum nequit, ne ad eandem cum *Mercurio* restagnante altitudinem subsidat; cum, omnibus tubi partibus, imis æque ac summis, isti materiz subtili perviis existentibus, ipsa, pari facilitate, in quamcunque tubi partem succedet, quæ ab Hydrargyro deferetur.

Secundum Examinatoris Argumentum eodem loco hoc est, quod, cum Cylindrus *Mercurialis* non sustentetur ab externo Aere, necesse sit, ut ab ejus vinculo interno suspendatur. Sed quia, quoad hujus probationem, ipsi sufficit, ad Caput tertium nos remittere, eo jam à nobis examinato, fas nobis erit ad tertium ejus Argumentum progredi, quod vult, Cylindrum *Mercurialem*, in sua statione quiescentem, non gravitate, uti applicanti digitum immerso inferiorive tubi orificio patebit. Vnde infert, illud intra tubum necessario suspendi. Et sane, si dextre digitum applicueris apertæ tubi extremitati, eo propemodum, at non penitus, ex *Mercurio* restagnante sublevato (quæ circumstantia negligenda non est, licet Autor noster eam præterniserit) ut hac ratione

non plus includas Argenti, quam quantum Cylindrum *Mercurialem* solet constituere, Experimentum satis feliciter succedere deprehendes; (quod quodammodo mirari me facit, alicubi tradi, eruditum *Magnanum* id negare;) non quin sis percepturus tubi, *Mercurii*; contenti cu unius corporis, gravitationem pressionemve; sed quod non d. prehendens sensibilem *Mercurii* seorsim pressionem, ac si digitum à tubo depellere conaretur. Verum hujus rei ratio haud difficulter datur in nostra *Hypothesi*. Iuxta eam quippe, Cylindrus *Mercurialis* & Aer cum æquilibrium, digitus non sustinet ullam pressionem, sensibilibiter ab Aëre ambiente, qui adversus Vnguem ejusque latera premit, & ab incluso *Mercurio*, contra Pulpam premente, differentem. Sed, si contingeret, Cylindrum *Mercurialem* usitatam excedere longitudinem, tunc sensurus esset digitus pressionem aliquam à *Mercurii* superpondio, ad quod sustentandum Aer digitum non juvat. Sic ut jucundum hoc *Phænomenon* æque solvi in nostra, ac in Examinatoris *Hypothesi* possit; in qua, si tempus permitteret Objectioni cuidam occurrere, quam formari posse prævidemus, sed & refelli, rogaremus, quare, quando *Mercurius* tubo inclusus non nisi statæ est altitudinis, effluat ad digiti, inferioris eum obturantis, remotionem, si ab interno duntaxat *Funiculo* sustentetur atque, juxta Doctrinam ipsius, quando *Funiculus* eum sustentat, solidum corpus æmuletur, si externi Aëris pressio non habeat quidquam (uti Autor noster docet non habere) quod agat in hoc negotio.

Et si quis curiosus hic objiciat, omnino necessum esse, ut digitus multum sentiat doloris, dum ita inter duas æquivalentes pressionem, columnæ scilicet triginta digitorum Hydrargyri ab una parte, & columnæ *Atmosphærica* ab altera, comprimitur, promptum est respondere, In Corporibus fluidis (de qualibus nostra est difficultas) Corpus solidum non talem habere à Corporibus ambientibus pressionis sensum qualem. (nisi Experientia aliter nos informasset) forte imaginaremur. Etenim, ne memorem, sciscitanti mihi aliquando famosum Vrinatorem, num ab aqua in fundo maris sensibilibiter se compressum deprehenderit, eum ut alii Vrinatores solent, id negasse, accepi eruditum *Magnanum* de industria expertum fuisse, manu ejus ad trium quatuorve palmorum altitudinem in Hydrargyrum detrusa, digitos ipsius nec ullum pondus ab incumbente, nec ullam pressionem ab ambiente *Mercurio* sensisse. Cujus rei rationem (sive solers ille Vir eam assignaverit, sive non) non attinet in præsentī nostra Controversia inquirere.

* Pag 25.

Ad tria hæc Argumenta Examinator noster quartum non adjicit, nisi animus ipsis fuerit hac clausula id nobis exhibere: * *Huc etiam faciunt insignes librationes, quibus Argentum subito descendens agitur idem enim hic fit, quod in alis pendulis, & ab alio demissis, fieri soles.* Verum de hoc *Phænomeno*

Phænomenon facile etiam est rationem in nostra *Hypothesi* reddere, duobus modis diuersis; quorum *prior* (qui ad rem præcipue facit, quando in loco concluso, ut in Recipienti nostro, sit Experimentum) est, Argenti Vivum subito suo descensu *impetum* acquirere, ei pressioni superadditum; quem ex solita sua gravitate obtinet; unde fit, ut ad tempus aliquod intra stationem suam decidat, Aëremque, restagnanti *Mercurio* incumbentem, comprimât; qui Aër, in sua Elastica rursum se fortiter dilatans ad recuperandam suam extensionem priorem, atque (ut sit in Elateriis) subito admodum se aperiens, ultra eam se expandit, hocquæ ipso *Mercurium* nonnihil supra stationem usitatam sursum impellit, inque suo inde casu iterum quid (etsi non tantum ac prius) *impetus*, vel potentia, acquirit, ad Aëris Corpuscula, ut subingrediantur, compellendum. Atque hæc pressio inter *Mercurium* & externum Aërem reciprocatio, sensim decrementum passa, tandem plane cessat, quando *Mercurio* superaddita illa pressio perit, quam cadendo ex partibus tubi; sua statione altioribus, acquisiverat. Verum *prior* hic modus Vibrationes has explicandi non est necessarius in Aëre libero: si enim ambientem Aërem solummodo ut Pondus consideremus, meminerimusque quod de *impetu* per descensum acquisito modo diximus; explanari facile hoc *Phænomenon* poterit, dummodo observemus quod in balance accidit, quando uni lancium, quæ æquiponderant, deprimi contingit, eas nonnisi post plures Vibrationes in *Æquilibrio* sisti.

Atque hac occasione adjiciam hoc Experimentum: Accepi tubum vitreum, cujus duo crura (longitudine admodum inæqualia) iatis erant parallela, amboque isti tubi parti, quæ ea connectebant, perpendicularia (qualis *siphon* Experimento nostro trigesimo sexto describitur, ad inveniendam gravitatis *Mercurii* & *Aquæ* proportionem:) huic tubo *Hydrargyrum* infundebatur ad altitudinem aliquot digitorum, cumque in ambobus cruribus æqualem: tunc inclinato tubo, donec *Hydrargyri* pars maxima in unum crurum decideret, alterius cruris orificium digito meo obturabam, erectoque rursum tubo, licet *Mercurius* cogere nonnihil in crure obturato ascendere, quia tamen digitus mens Aëris fugam præcludebat, Argenti multo humilior in crure obturato, quam in altero, detinebatur, sed si cita digiti mei remotione meatum incluso & aliquantum compresso Aëri patefacerem, præponderans in altero crure *Hydrargyrum* plures cum *Mercurio* in hoc aperto crure Vibrationes ciebat, priusquam iste liquor in utroque crure ad quietum *Æquilibrium* se componeret. Cujus rei rationem in promptu est ex eo deducere, quod nuper fuit traditum; nec tamen in hoc casu obtendi potest Aëris violenter distenti *Ennucleus* ad *Mercurii* vibrationes efficiendas.

CAPVT II.

Alia quædam difficultates contra Funicularem Hypothesin obijciuntur.

(T^{ERTIO} ,) At, fieri potest, quamvis Examiner noster sufficienter non probaverit suam *Hypothesin*, eam tamen sua natura esse vero similem, ut, quæ talis, amplexum mereatur. Quare quædam nunc annotabimus, adverteamusque ex multis iis, quæ, nostro quidem iudicio, eam valde reddunt improbabilem.

Et primo, cum Autor noster agnoscat, Hydrargyrum, Aquam, Vinum, aliosque liquores, unum æquæ ac alterum, in tubis exacte superius sigillatis descendere, si Cylindrus, liquorem continens, pondus *Mercurialis* 29¹/₂ digitorum *Cylindri* excedat; nec subsidere ulterius, quam donec Cylindro Hydrargyri altitudinis istius æquiponderet, cum, inquam, Examiner noster, ingeniosi Domini *Paschalii*, aliisque Experimentis inductus id admittat; non potest non mirum videri, idem præcisè, quicumque demum liquor fuerit, pondus esse potentiamve eos in *Funiculum* extendendi; etiam si Aqua, exempli gratia, & Argentum Vivum fere quatuordecies se invicem ponderositate superent, & alioquin naturas admodum discrepantes habeant; quamvis etiam complures alii Liquores, uti Oleum, & Aqua, texturis icidem valde differentiibus consent. Atque hoc tanto magis mirandum, quoniam Autori nostro (in suis ad Experimentum nostrum trigesimum primum Animadversionibus) visum est tantum discrimen facere inter corporum variae consistentiæ, fluidorum puta, & firmorum, aptitudinem in *Funiculum* se extenuandi, ut nolit humanas ullas admittere vires, quæ aliquem talem, duorum Marmorum complanatorum divulsione, producere valeant, si superficies eorum tam exquisitè se contingant, ut omnem omnino Aërem excludant, licet eodem in loco Ratiocinatio ipsius clare satis doceat (quod Experimenta alioquin præstat) coherentia Marmora, quamvis longe diducilius, vj possit separari, ac, iuxta ipsum, partes superficiales in *Funiculum*, qui Vacuum præveniat, distendi.

Iam vero Adversariorum ejus *Hypothesis* nullatenus hac implicatur difficultate. Etenim cum externi Aëris pondus sit illud, quod Liquores in tubis superius sigillatis suspensos tenet, nil refert, cujus naturæ texturæve sit suspensus Liquor, dummodo pondus illius idem sit cum Cylindro *Mercuriali*, Aërio æquiponderante: quemadmodum, si libra Plumbei sit in una laece, non tolletur *Æquilibrium*, sive id, quod ponitur in altera, sit Aurum sive Hydrargyrum, sive Lana, sive Plumæ dummodo pondus

aus ejus præcise Libram æquet.

Deinde notare est, Explicationem, quam Autor noster de *Funiculo* suo tradit Capite decimo (ubi illum suscipit exponendum) multo magis admirationem ciere, quam satisfacere, nec ullâ ejusmodi parallela Naturæ operatione probari, cujus veritatem Adversarii ipsius non sint (idque merito) in dubium vocaturi. Cum è contra *Pondus & Elaterium* Aëris ex indubitatis ejusmodi Experimentis possint inferri, quæ Controversiam nostram præsentem non spectant. Aëris quippe Gravititas bilance potest ostendi; & Elaterium ejus tam aperte se elerit in Sclopetis Pneumaticis, aliisque instrumentis, ut Adversarius noster (uti jam supra, occasione data, inculcavimus) id non inficietur; Sed, ut Explicationem *Funiculi* ejus ab ipso allatam expendamus, duo vult, quæ notemus,

Primo, * *Argentum, dum replet totum tubum non merè tangere ejus summum*

tatem (ut primo aspectu videtur) sed eidem quoque firmiter adherere. Patet hoc (subjicit) Experimento illo in primo Argumento Capituli tertii de tubo utrinque aperto. Verum quid huic probationi sit respondendum, facile ex eo colligetur, quod ad istud Argumentum responsimus. Et quod

Autor noster addit, ut probet, Digitum adhærere Argento sibi subdito, non autem ipsi tubo; videlicet, *

quia, licet illi tubi orificium Oleo,

aliave materiâ adhesionem impediende, inungatur, non minus tamen firmi-

ter adhærebit digitus, quam prius; ad id Responsio ex eodem loco deduci

potest: neque forsân ratiocinatio ejus magnopere satisfaciet illis, qui

perpendunt, corpora per Trusionem satis facile ad tantam cohæsionem

deduci posse, quanta in casu nostro inter tubum & digitum intercedit,

non obstante, quod eorum alter Oleo sit inunctus; quique etiam con-

siderant, digiti ad tubum adhæsionem deprehendi in casibus, ubi in-

clusi Mercurii superficies digito non est contigua, sed multis pollicibus

infra eum subdit. Quoad illud, quod de ratione adjicit, quare Aqua

& Hydrargyrum suctione ascendant, jam ante docuimus, quid ei sit

respondendum, cum ascensum istum pressionis externi Aëris adscripsi-

mus; ita ut opus non sit ad Funiculum confugere, vel una cum ipso, hoc

in loco, imaginari, quod, quia in ejusmodi casibus nihil est præter

Aquam, vel Argentum, quod Aëri succedat (quod tamen non est proba-

tum facile, tenuioris Æthereæ substantiæ respectu) ideo

Aëris (ut verbis ejus utamur) sic tubo inclusa (que aliàs tam facile se-

parantur) nunc tam fortiter sibi agglutinentur, ut validissimam (uti videri-

mus) consiciant catenam, quâ non solum Aqua sed ponderosum illud Arg-

entum sic in altum trahatur. Qui modus contorquendi paululum Aëris ra-

refacti, in finem adeo validum quam sit probabilis, Lectori judicandum

permitto, & interea ad alterum Autoris nostri Notandum pergo, quod

*hoc modo proponit; **

Rarefactionem, sive extensionem corporis ad occu-

pandum majorem locum fieri non solo calore, sed etiam distensione, seu vi

41.

*diffusiva, sicut è contrà, Condensatio non solo frigore perficitur, sed etiam compressione, uti innumera passim docent exempla. Ac verum est, obviumque, Condensationem corporum, ea voce laxo sensu accepta, compressione æquè ac frigore fieri posse. Sed optem, clarius eum explicasse quid hic per istam rarefactionem intelligat, quam vult fieri distensione, seu vi diffusiva cuius innumera esse exempla ait. Quantum quippe colligi ex tribus illis Exemplis potest, quæ subjecit, solus est Aër, qui ita extendi est aptus, uti, juxta Hypothesin ejus, Argentum Vivum & ipsos Lapides extendi necesse est. Nec mihi liquet, quomodo probari queat, vel Aërem sic posse eo usque extendi, ut, juxta Experimentum Magdeburgicum, locum repleat, plus quam bis milles eo, quem prius repleverat, majorem. Etenim eundem Aerem in hoc, inque duobus ejus prægressis Exemplis, adæquate plus loci replere uno tempore, quam alio, nonnisi probat Aquæ in evacuatam Globum vitreum irruptione, ad eum pene totum implendum; quod, ait, fieri per dilatatum Aërem, qui, seipsum contrahens, Aquam secum attollit. Quæ Explicatio, quantum probabilitate ei cedat, quod Aqua in ejusmodi casibus pressione Atmosphæra sursum impellatur, paulo post (quando Rarefactionis & Condensationis ejus modum excutiemus) occasio dabitur examinandi. Interim una cum ipso consideremus Explicationem, quam, præmissis duabus supra citatis Observationibus, nobis de Funiculo suo tradit; * Cum, per primum Notandum, Argentum ita ad hæreat tubi vertici, & per secundum, Rarefactio fiat per meram corporis distensionem, ita rem se habere, ut Argentum, descendens à vertice tubi, assixam ei relinquat superficiem suam extremam sive supremam, eamque consue suo pondere extendat, extengetque, donec facilius sit aliam superficiem similiter relinquere, quam priorem illam ulterius extendere; secundam igitur relinquit, eamque eo modo descendendo extendit, donec facilius sit iteram adhuc separari, quam illam secundam extendere ulterius; & sic deinceps donec tandem vitæ amplius non habeat superficies sic separandi, & extendendi, neque donec perveniat ad altitudinem digitorum duntaxat 29', ubi quiescit, ut Capite primo dictum est. Huculque Examinatoris nostri Explicatio: ex qua facile est dignoscere, ipsum eo redigi, ut latis mirum, exemploque carentem, Funiculi sui producendi modum assignet. Etenim, ne Animadversiones nostras in primum Notandum ejus, quibus nititur Explicatio, repetamus, rogandus mihi est, quæ vi, ad meram Hydrargyri à tubi vertice separationem, novum, quod tradit, corpus producat; vel saltem, qui constet, Mercurium tale quid, ut ipse vult, post se relinquere. Neque enim sensus materiam ejusmodi ad tubi verticem percipit, nec est ea ad Phenomena explicandum necessaria, ut supra vidimus. Id quoque mirandum, nudum Mercurii descendens pondus potis esse ad superficiem in corpus extendendum. Insuper, precario videtur*

* Pag. 41.

43.

detur affirmari, ita non successive unam superficiem post aliam rein-
qui, quemadmodum Autor concipit: nec liquet ullatenus, quomodo,
licet aliquid Argenti in tenuem subtilemque substantiam mutaretur, hæc
tamen substantia in *Funiculum* miræ adeo naturæ contextatur, ut vix
ullum pondus (quantum quidem ex ejus Doctrina constat) rumpere
eum valeat; ut, reclamantibus omnibus aliis *Funiculis*, extendi possit,
nec tamen fiat tenuior; utque alias easque admodum alienas habeat
proprietas, quarum nonnullas infra erit occasio commemorandi.

Quoad illud, quod Autor noster hisce verbis subnectat; * *Eodem ita-* * Pag 43.
que serè modo separari videntur hæc superficies ab Argento descendente, & in 44.
tenuissimum quemdam Funiculum per descendens pondus extendi, quo per
calidorem in accensa Candela separantur hujusmodi superficies à subiecta cera,
aut sebo, & in tenuissimam flammam extenuantur. Vix notatu dignum, quem-
admodum flamma illa plusquam millies sine dubio majus spatium occupat,
quam antea occupaverat pars illa cera, ex qua conficitur; ita prorsus & hic
existimandum, Funiculum illum plusquam millies majus spatium occupare
quam prius occupaverat illa Argenti particula, ex qua sit exortus: uti etiam
sine dubio contingit, quando talis particula à subiecto igne in vaporem con-
vertitur. Licet hoc sit unicuique Exemplum, quo illustrare conatur Funi-
culi sui generationem, vix tamen (arbitror) expectat, ut illud esse apposi-
tum sentiamus. Præterquam enim, quod Agens conspicuum potensque
hic intervenit, Ignis scilicet actualis, ad separandum agitandumque partes
Candelæ; præterquam etiam, quod manifesta ibi est ceræ, sebove in
flammam versæ, absumptio præter hæc inquam, admittendum nobis non
est, materiam cremabilem, in flammam conversam, reapse implere
(non dico cum Autore nostro) plusquam millies, sed plusquam du-
plo majus genuinum spatium, quam cera, ex qua exorta fuit. Dicit
quippe potest, flammam parvæ, vel nihil est aliud quàm Corpusculorum isto-
rum aggregatum, quæ in extrema Candelæ superficie jacebant, vique in-
tensi caloris in minutiores dividebantur particulas, vehementer agita-
tas, eoque à suo quasi in plano positu redactas, ut se invicem abigerent,
talemque circumcirca Ellychnium figuram, uti fieri solet in Candelæ-
rum in libero Aëre ardentium flamma, efformarent. Nec consequens est
necessarium, spatium, quod flamma videtur occupare, neque Aërem,
neque Ætherem, continere, neque quidquam aliud, nisi istius flammæ
partes, eo quod non possit oculus ullum ibi corpus aliud dignoscere:
etenim, etiam fumus, à candelæ nuper extinctæ fungo sursum latus, ob-
scuræ columnæ habet speciem, quæ oculo ad quandam distantiam, consi-
stere ex fumo videtur; cum tamen tot Aërea aliaque invisibilia ei im-
miscantur Corpuscula, ut, si omnes istæ fumæ partes, quæ tanto cum
ostentu in Aëre se spectandas præbent, conglobatæ essent & contiguæ,
forte ne quidem capitelli Aciculæ magnitudinem æquarent: quod ex

magna patet fumorum quantitate, qui in vasis Chymicis requiri solent ad unam Spiritus guttam componendum Ac propterea non male cadit in rem nostram, quod Examiner ad prius exemplum suum roborandum, particulæ Hydrargyri conversionem in vaporem, iguem ipsi supponendo, adducit, Si enim talis est *Mercurii* Rarefactio, neutiquam est probabile, eam ejusmodi *Funiculum*, de quali ipse loquitur, esse confecturam, cum fumos istos *Mercuriales* ex compluribus Experimentis constet esse *Mercurium* discerptum, inq; minutas partes disiectum, quolice corpus plus obtineat superficiei, quam tenebat prius, non tamen plus veri genuinique spatii replet; quoniam, si omnia spatiola particularia, dispersis istis Corpusculis repleta, in unum reducerentur (uti Corpuscula ipsa sæpè reducuntur in Operationibus Chymicis) unum duntaxat spatium totale adæquarent, totius *Mercurii* ante Rarefactionem spatio æquale. Verum hæc contra ipsius Explicationem Objectiones non omne id exhauriunt, quod contra Adversarii nostri *Funiculum* ipsum mihi dicendum suppetit.

Insiper quippe rogo, unde sibi *Funiculus* ille tales hamulos, uncinosque, similive figuræ partes comparaverit, ad omnia corpora contigua, etiam maxime lævigata, qualia sunt Vitrum, & tranquillæ superficies Hydrargyri, Aquæ, Olei, aliorumque fluidorum, firmiter prehendum: & quo pacto tenues & invisibiles unci, non modo in tenuissimis corporibus inveniant innumeram adeo anularum, & amentorum, quæ præhendant, multitudinem, sed adeo præhendant firmiter, ut non modo altum valeant Cylindrum valde ponderosum istius metalli *Mercurialis* attollere, sed etiam fortium Vitrorum parietes tantâ vi introrsum trahere, ut in plurimas partes dissiliant. Atque nonnihil etiam mirum est, Aquam, aliaque fluida corpora (cujus partes tam facile solent esse separabiles) mox, quando *Funiculus* ille superficialia Corpuscula semel præhensa tenet, naturam corporum consistentium æmulari, & eorum unumquodque, massarum ad instar, integrum sursum trahi; quamvis in exhausto etiam Recipienti conspiciantur, tam ex undulatione sua, quam ex eo, quod à bullis, ea libere permeantibus, moventur, multisque aliis signis, corpora fluida permanere.

Difficile quoque intellectu videtur, quomodo attenuata hæc substantia tam validum introrsum Elaterium acquirat, ac Examiner per totum suum Librum ei adscribit. Nec rem ipsius conficiet, deponere à nobis, permutationis ergo, Elaterij Aëris ad extra Explicationem, cum ipse, æque ac nos, agnoscat, cum tali Elaterio instructum esse. Scio illum, dum attenuatam hanc substantiam *Funiculum* appellat, aperte videri indicare eam Elaterio sub ad intra esse præditam, eadem ratione, qua Fides Testudinaræ, Funesque vehementer extensi suum obtinent, At non est exigua inter ea disparitas. Etenim, cum in Funibus requi-

ratur.

ratur vel contorfio, vel peculiatis aliqua & artificialis componen-
tium partium textura; Rarefactio Aëris (si concederetur) haud inclu-
dit, vel infert huiusmodi partium structuram, qualis ad facienda cor-
pora Elastica requireretur. Ac si *Cartesianum* de Elateriorum causâ Pla-
cicum admittitur, tunc substantia nostra extenuata, cum Poros non ha-
beat, qui à *materia subtili* (cui insuper Autor noster Vitrum statuit im-
pervium) pervadantur, elatere destituetur. Atque, utut sit, cum Fides
Tessudinum, Funes, &c. oporteat, quando introrsum contrahuntur,
Poros suos vel replere, vel coarctare, augerique in crassitie, prout mi-
nuuntur in longitudine; Examinatoris nostri *Funiculum* plurimum
discrepare ab illis est necesse, cum Poris careat, qui partes se con-
trahentes recipiant, seque ipsum contrahat quoad longitudinem,
absque crassitie augmento. Nec obtendi jure potest, hanc sui ipsius
Contractionem fieri *ob fugam Vacui*, quoniam, licet illa non fieret,
Vacuum non consequeretur. Ac, si dicas, ipsam fieri ut
corpus præternaturaliter extensum ad naturales suas dimensiones
seipsum restituat; Responsum habe, Me non adeo pronum ad-
mittere Actiones propter finem in inanimatis, proindeque cogni-
tione destitutis corporibus, ideoque indubitata quædam Exempla,
de istiusmodi Operationibus producta, lubens viderem. Utut sit, mihi,
qui in inquisitionibus Physicis Causas potius Efficientes, quam Finales
specto, facile non est concipere, quomodo Aër sese expandendo (in
quo casu vis ejus, uti vis aliorum corporum Rarefactorum, maxime
videtur *extrorsum* tendere, uti in Pulvere Pyrio, *Aëlipilis*, calefactis
Thermometris, &c. videre est) tam prodigiosam acquirat potentiam,
contigua corpora *introrsum* movendi. Nec nihil videtur valde proba-
bile, quando, exempli causa, marmoris politi pars in *Funiculum* exten-
ditur, *Funiculum* istum tam vehementer sui in marmor *attrahere* ambi-
re. Optarem similiter, Autorem nostrum clarius explicasse, qua ratio-
ne fiat (quod ubivis sumit pro concessio) ut externi Aëris accessus tan-
topere tamque subito *Funiculi* sui tensionem relaxet; quoniam, cum il-
le sit (juxta ipsum) reale & Poris destitutum corpus, non est adeo in-
tellectui obvium, quomodo alterius corporis præsentia tam facile & in-
tantum usque gradum possit contrahere. Sed observabo potius, im-
probabile admodum esse, spatium illud, quod Adversarius noster re-
pletum esse *Funiculari* sua substantia contendit, plenum esse exiguis,
isque vehementer admodum extensis *Funiculis* qui corporum omnium
contiguorum superficies mordicus prehendant, easque violenter sem-
per trahere introrsum conentur. Etenim in Experimento nostro vigesi-
mo sexto retulimus, *Pendulum* in exhausto nostro Recipienti in motum
actum tam libere tamque tenso ultro citroque se vibrasse, ac, quan-
tum quidem nos percipere potuimus, in patenti Aëre se commo-
villet

visset ; imo , Horologii portatilis bilanx inibi libere celeriterque hinc inde movebatur : quod difficulter concipitur ista corpora præstare posse , si *medium* , ex innumeris vehementerque tensis *Funiculis* constans , ipsis esset perpendendum . Qga occasione adjicere possumus , nonnihil mirum esse , hos *Funiculos* , ita horum corporum per ea trajectu secios , ruptosve , tam prompte partium suarum reunionem ; & sine ullo alio negotio redintegrationem recuperare . Hoc quoque , ceu peculiare quid mirandum notare in Autoris nostri *Funiculo* possemus , In hoc scilicet casu duas divisas cujusque rupti *Funiculi* partes , sese , aliorum ruptorum *Funium* ad instar , non contrahere , & à se invicem resilire ; sed (ut modo dicebamus) illico se redintegrare ; cum è contra , quando in Experimento *Torricelliano* tubus , contentusque in eo *Mercurius* , *Mercurio* restagnanti in Aërem sublevatur , *Funiculus* tam vehementer se contrahat , ut penitus evanescat ; adeo ut ascendens Hydrargyrum ad ipsam usq ; tubi summitatem feratur . Hæ , inquam , pluresque aliæ difficultates urgeri hac occasione possent ; verum , sat multas earum hac vice nos memorasse autumantes , tempestivum nunc putamus ad Dissertationis nostræ residuum pedem proferre .

CAPVT III.

Rarefactionis Aristotelicæ , ab Adversario propositæ , examen.

AT non est hoc omne , quod improbabilem reddit *Hyperbesim* Examinatoris , Etenim , præter illa jam memorata , quæ eam *intellectu* valde *difficilem* reddunt , necessario talem supponit Rarefactionem & Condenstationem , quam , fateor meam , & que ac plurium aliorum consultorum Virorum , *intelligentiam* fugere .

Ad vim Objectionis hujus eo melius dijudicandum : paucis nobis est præmittendum , Corpus vulgo dici *rarefieri* , seu dilatari (Vocabulum enim illud sensu capio laxiori , quam multos alios facere scio , ob rationem mox significandam) quando majores acquirit dimensiones , quam idem corpus prius habebat , & *condensari* , quando in minores reducitur dimensiones , hoc est , in minus spatium , quam ante possidebat ; Vti quando sicca spongia , prius aquæ immersa , in molem intumescit multo majorem , & tunc fortiter compressa inque eo statu retenta , non in minorem modo locum redigitur , quam quem occupabat prius , quam comprimeretur , sed & in minorem , quam quem occupabat prius , quam etiam humectaretur . Insuper & hoc mihi præmittendum Rarefactio , ut & Condenstatio , cum sint inter maxime obvia *Phænomena* Naturæ

tur, tres esse (& , quantum nobis quidem constat , non nisi tres modos eam explicandi. Nam, *vel* dicendum, nobis cum Atomorum & Vacui Assertoribus, Corpuscula, ex quibus rarefactum corpus constat, ita à se invicem secedere, ut nulla alia substantia inter ea se ingerat ad cesserat spatia, quæ incontigua inter Corpuscula relinquuntur, replenda: *vel*, cum pluribus ex priscis & modernis etiam, inprimis *Cartesianis*, affirmandum, Nova hæc intervalla, inter rarefacti corporis particulas producta, non nisi Poros esse dilatatos, eodem, quo Pori tumide Spongiæ per imbibitam aquam, modo, repletos subtili quadam substantia *Ætherea*, disjunctas inter Particulas se insinuante: *vel* denique, imaginandum, cum *Aristotele*, & maxima sequacium ejus parte, unum idemque corpus non majus modo spatium in Rarefactione, & minus in Condensatione, *obtinere*, sed adæquatè & exactè *replere*, adeoque, quando rarefit, ampliores dimensiones, absque eo, ut vel ulla Vacuitates inter componentia ejus Corpuscula relinquat, vel novam ullam extraneamve substantiam quamcunque inter ipsa admittat, acquirere.

Iam vero ultima hæc (& , ut nonnulli eam appellant, *rigorosa*) Rarefactionis via est, ad quam in *Hypothesi* sua Adversarius noster recurrit: licet, fateor, ea mihi adeo videatur intellectu difficilis, ut, ullumne possit ejus beneficio *Phænomenon* explanari dubitem; cum, rem aliquam *explanare*, sit, eam, ab hoc vel illo, in Natura notiori, quam est ipsa, deducere.

Cui animus est, *Aristotelicam* hanc Rarefactionem amplissime discussam legere, ad erudita se conferat *Gassendi*, *Cartesij*, & *Magnani* scripta, qui plurium insignium absurditatem eam insinularunt. Sed, quoad meipsum, contentus ero hac vice, duobus, tribusve in ipso Autore nostro, etsi non simul, occurrentibus locis uti.

Supponamus igitur, quod in Experimento *Magdeburgico* toties (sat licet gratis opinor) ad *Hypothesin* suam probandam urget; Supponamus, inquam, facilioris considerationis gratia, non dilatatum Aërem, qui (ut ipse tradit) dimidium circiter spatij. pollicem possidebat, ex centum constare Corpusculis, vel (si illud Vocabulum hoc in casu displicet) centum partibus, (nil quippe refert, quem numerum designemus) nec à quoquam negabitur, uti tota Aëris portio, sive aggregatum centum horum Corpusculorum, toti, quod replet, spatio est adæquatum, ita unamquamque harum centum partium, quæ illud constituunt, similiter spatio suo peculiari adæquate esse commensuratum, quam hic partem integri spatij centesimam esse supponimus. Hoc præmissis, cum Autor noster alibi doceat, *

* pag 160.

verbi gratia duplo majorem, necesse est, ut qualibet ejus pars locum quoque duplo majorem occupet, inuitat nos, ut subjungamus, in tota Globi capacitate (qui, juxta ipsum, spatium ab Aëre non-expanso occupatum bis

Ce milies

millies superabat) esse itidem oportere bis millenas spatij partes, quæ singulæ singulis præmemoratis centesimis Aëris partibus commensurentur; proindeque, quando affirmat, dimidium istum Aëris pollicem totam Globi cavitatem possedisse, si nolimus (ut ipse non vult) vel Vacuitates, vel intervenientem aliquam substantiam subtilem in Aëreorum partium intervallo admittere, permittat nobis oportet, ut concludamus, unamquamque Aëris partem bis mille spatij partes adæquatè replere. Iam vero, audacter docere, hoc non modo esse *naturaliter possibile* (non enim hic disceptamus, quid Divina possit Omnipotentia) sed revera & regulariter fieri in Experimento *Magdeburgico*, *Carlesianis*, siue dubio valde *absurdum* videbitur, reliquisque illis Philosophis, qui Extensionem nonnisi ratione statuunt à Corpore differre, proindeque acquiri, & interire, sine Materie additione vel detractioe, neutiquam posse, *mirumque* non dubito, reliquis illis Lectoribus apparebit, qui expendunt, omnes passim Physicos Extensionem, ut inseparabilem, & ut immediate manantem à Materia; & Corpora, ut necessario ad commensuratum spatium relata, spectasse. Neque video, si una portio Aëris facile eo redigi potest, ut exactè impleat spatium, bis millies illud superans, quod prius *solummodo* replebat absque novæ utilius substantiæ additione, non video, inquam, qui Materia, in unaquaque harum bis mille spatij partium contenta, ulterius redigi non possit ad alias bis mille replendum, & sic deinceps, quandoquidem unumquodque horum de novo repletorum spatiorum, corpore exactè repletum præsumitur, nec ullum spatium, proindeque nec illud, quod replebat Aër non rarefactus, magis esse plenum, quam adæquate potest. Cumque, juxta Adversarium nostrum, non fluida modo Corpora, ut sunt Aër, & Argentum Vivum, sed ipsa etiam solida & dura, ut Marmor, istiusmodi, de quo sermo est, distensionis sunt capacia, cur non fieri possit Mundus nescio quot millenis vicibus, quam nunc est, grandior absque eo, ut vel quid Vacui suas inter partes admittat, vel etiam unius novæ Materie Additamento augeatur? Quod ipsum adeo mihi est arduum conceptu, ut subinde dubitaverim, annon, siquidem probari possit, in exhausto, de quo loquimur, Globo nullas intus esse Vacuitates, nec ulli Materie subtili ingressum ab extra permitti, annon, inquam, foret intelligibilius supponere, Deum novam creasse Materiam, quæ in Aëris veniret societatem in Cavitate replenda, quam eundem omnino Aërem adæquate bis mille spacia replere, quorum unum ipsi exactè, etiam quando compressus non erat, commensurabatur. Complures enim præclari Physici, tum prisce, tum moderni, qui rationibus Naturalibus inducti credunt, Animas hominum creari & infundi, admittent tanquam consentaneum intellectui, Deum, emergentibus occasionibus, crebro substantias creare. Novi autem, plures eorum

non

non itidem intelligibile existimatos, absque immediata ipsius interpositione, de novo augeri revera Dimensiones posse, nisi vel admittantur Vacuitates, vel Materia addatur.

Et sane quando has aliasque considerabam difficultates, quæ Rarefactionem illam; quam Examiner noster per totum suum Librum supponit, comitantur, inveniebamque, ipsum ad ea, quæ de Rarefactione docet, nos subinde remittere; non poteram non ea Capita, quæ innuebat, avidus adire. At, evolutis illis, deprehendebam, illibatas manere istas difficultates, arduumque admodum esse vel acuto ingenio, Thematicis alicujus elucidationem ultra, quam fert genius ejus, exporrigere. Quod ipsum dico, ne, dum profiteor scriptum ipsius mihi non satisfacere, vituperare me virum quis cogitet, propterea quod non præstet quod forte præstare nequit, & quia abstrusas ejusmodi Notiones *planas* non reddit, quæ vix (si ullatenus) sunt *intelligibiles*. Atque sane, uti Argumentum hoc modeste satis tractavit, ita alicubi ejus scribendi modus mihi est obscurior: quod dico, non ut vitio ipsi vertam, quod de materia tam difficili scripsit stylo suspensio & ambiguo, sed ut parem mihi ipsi excusationem, si non rectè semper mentem ejus conjectavi.

Duo sunt, quæ in Rarefactionis, quam persuasum it, gratiam adducit Prius, Rarefactionis *Phænomena* non posse vel per Vacuitates, vel per *Æthereæ* substantiæ subingressum explicari; Posterius, geminum esse modum rigidam illam Rarefactionem explicandi, quam ipse propugnat.

Objectiones ejus contra *Epicureum* & *Cartesianum* explicandæ Rarefactionis modum nonnullæ sunt speciosæ magis, quam plurimæ earum, quæ adversus ipsas urgeri solent; non tamen adeo, ut responsiones satis commodè non admittant. Verum, dum quædam ex Argumentis illis facilia videbantur, quibus ab illis respondebatur, qui *Hypothese* quam illa impugnant, patrocinantur, priusquam reliqua penitus examinassent, mihi, fortè de his Capitibus mentionem apud Virum Ingeniosum, infra in hoc Tractatu pluribus memorandum, mentionem facienti, ipse dicebat, se illa eousque impensius, quam reliqua, considerasse, ut *Hypotheses* quasdam excogitaverit, quibus Rarefactionis *Phænomena* vel secundum Hyperaspistas Vacui, vel secundum sectatores *Cartesii* possint explicari; adjiciens, sed etiam Exemplum Rarefactionis Autoris nostri, quod ille sibi ex eo quod accidit in *Rotâ Aristotelicâ*, suppediatum obtendit, examinasse. Quare, satis superque dissentius multifariis Avocationibus, contentiæque meæ de Rarefactionis & Condensationis modo Declarationem in alium Tractatum reservans, Lectorem ad ingeniosas, de hoc Argumento Conjecturas remittam, quas Autor earum huic Dissertationi annexere statuit, & hoc diutaxat generatim adjiciam,

ciam, Quod, cum Examinatoris hac occasione ratiocinium hoc sit, Admittendum esse suum Rarefactionis modum, eo quod neuter duorum reliquorum commodè possit explicari, Adversarii ipsius æquo jure arguere possunt, alterutrum ex modis suis esse admittendum, cum modus ipsius tot difficultatibus manifestis implicetur. Illique munire suam assertionem possunt, ostendendo, incommoda, ipsius de Rarefactione Hypothesi connexa, non posse superari; à non intelligibili quippe ipsius rei genio exorta: cum illa, quibus reliquæ viæ subjacent, non nisi exinde manare videri queant, quod nondum homines dicerint, quodnam Figurarum Motuumque minutarum Particularum genus ipsas attemperare omnium optime possit, ut Corpus, ex iis constans, convenientis Expansionis capax reddatur.

Post Autoris nostri adversus duos Rarefactionis modos Objectiones, quorum alter à *Vacuistis* proponitur, alter à *Cartesianis*, aliisque, qui corpora subtilissima, ipsumque Vitrum, Ætherez seu subtili Materiæ pervia esse admittunt; explicare *Modum* aggreditur, quo rigida illa, quam docet, Rarefactio pericitur: & præfatus explicationem modi, quo singulæ rarefacti corporis partes extenduntur, dependere à qualitate partium, in quas corpus ultimatè resolvitur; rectèque observans, necessum esse, ut illæ vel vera sint indivisibiles, vel in infinitum usque divisibiles, conatur Rarefactionem *Aristotelicam* juxta ambas hæc Hypotheses explicare. Verum, licet duas ita vias proponat Rarefactionem suam probandi, attamen, præterquam quod adversis inter se frontibus pugnant, de iis adeo obscure loquitur & ambigue, ut minus facile videatur dignoscere, utri earum velit adhærere, quam quod vix ipse in alterutra ipsarum acquiescat.

Et primo, postquam tradidit quomodo explanari possit Rarefactio, si Corpora in infinitum divisibilia admittamus, ipse talem cudit Objectionem adversus partium in continuo infinitatem, ad quam tam obscuram constringitur responsio, in reponere, ut eam intellectum meum fugere profitear, arbitrerque, non modo maximam Lectorum non præjudicatorum partem tam parum, ac ego, in responsione illa acquieturos, sed Autorem etiam ipsum non miraturum confessionem meam, quandoquidem eodem in loco responsionem non nihil obscuram esse agnosceit, conaturque eam exinde excusare, quod in ista Hypothesi vix habere se aliter res possit.

Quapropter solummodo adjiciam hac occasione, mihi non liquere, etiam ejusmodi divisibilitatem *continua*, qualis hic supponitur, Rarefactionem illam, quam ipse propugnat, probaturam. Etenim, sint *continui* partes integrantes magis minusve finitæ vel infinitæ numero, unaquæque tamen pars, cum sit substantia corporea, aliquam spatij partem ipsi commensuratam habeat, oportet; & si totum corpus, verbi gratia

tia, ad usque magnitudinem duplam rarefiat, tunc quælibet pars ad duplam itidem dimensionem extendetur, atque tum locum, quem occupabat prius, tum alterum ipsi æqualem, adeoque duo loca replebit.

Alterum Argumentum, ad hætenus memoratam Rarefactionis explicandæ rationem comprobendam adductum, est, Quod complures eruditi Viri, quos inter duos nominat, *Aquinasiem & Suarezium*, docuere, eandem rem corpoream naturaliter esse posse, & de facto sæpe esse in animabus Brutorum revera indivisibilem, & virtualiter extensam. Verum, quamvis utrumque hunc, Autorem, ob insignem eorum Eruditionem Scholasticam & Metaphysicam, eo, quo par est, cultu prosequor; attamen nescire Examinator nequit, nec prolixum consicere posse Scriptorum, & veterum, & recentiorum, syllabum, æquæ bene saltem, ac sunt *S. Thomas Aquinas & Suarezius*, in Physicis versatorum; quorum *nonnulli*, naturaliter hoc esse possibile, *diseritè* negarunt; *alii* vero, in eadem se esse sententia prodiderunt, dum talia posuere principia, quibuscum hoc de *virtuali* indivisibilium Corpusculorum extensione Placitum nullatenus potest consistere. Ac nullus licet Autor hætenus eam oppugnasset, ego tamen, qui non discepto quid *hic* vel *ille* senserit, sed quid rationi sit consentaneum sentire, nihilominus eam nunc rejicere non vererer, nec dubitarem, me plurimos ex optimis Physicis ejusdem opinionis affectas reperturum, & inter eos ipsum fortè Examinatorem, qui (quomodocunque hæc confessio cum tribus sequentibus Libri sui Capitibus consonet) tradit paginà, 160. quod, *Iuxta probabiliorè sententiam, hujusmodi Virtualis extensio rei corporeæ concedenda non est, utpote soli rei spiritali propria.*

Sed, ut finem tandem imponam tædiozæ huic Investigationi, quam in *Aristotelicam* Rarefactionis modum (qui adeo obscurus est, ut vix vel proponi, vel examinari, paucis queat) instituimus, non mihi summam intrepidè affirmare, utrum ex duobus eam explicandi modis (per Atomosne, an per Partes in infinitum divisibiles) Autor noster amplectatur. Sed quicunque demum sit, ostendisse me arbitror, haud intelligibiliter ipsum eam explicasse: atque id eo minus vereor existimare, quod ipse tam sit ingenuus, ut (sub finem sui de duplici hoc modo-fermonis) de opinione, quam præfert, hunc in modum loquatur; *Præstat communi & receptæ bælenis in Scholis sententia insistere, quæ licet difficultates quidem non clarè solvat, iis tamen aperte non succumbit.* Adeo ut in hoc de Rarefactione discursu, ad quem Autor tam crebrò in prægressa Libri sui parte nos remisit, tanquam eum, qui probaturus esset Doctrinam, quæ ibi maxime videbatur improbabilis, ipse duntaxat in locum probabilis *Hypothesis*, gratis rejectæ, Dogma substituerit, quod ipse affirmare non auit commodè posse à difficultatibus, quibuscum colluctatur, liberari; quamvis non dubitem, alios Lectores, præsertim Physicos, eum

existimaturos urbaniter admodum obscuram hanc Doctrinam tractasse,
dum ait, quod *Difficultatibus non aperte succumbis*.

* pag. 163.

Quoad alterum Rarefactionis explicandæ modum, supponentem scilicet, Corpus ex partibus constare indivisibilibus; cum non putem negaturum, Objectionibus, quas adversus illum prius formavimus, pondus inesse. Etenim, secundum hanc *Hypothesin* (quam quis crederet ipsum præferre, cum ea sit, quam in tribus quatuorve posterioribus Libri sui Capitibus in rem suam vertit.) * *Necessario fatendum est* (inquit) *nam eandemque partem poni in duplici loco adequatè: Cum enim indivisibilis sit, locumque occupet majorem quam prius, necesse est, ut tota sit in quolibet puncto totius loci, sive ut per totum illud spatium virtualiter extendatur.* Adeo ut, quando paginâ proximâ asserit, per Virtualementem hanc partium extensionem facile solvi posse Difficultates, quæ per tot secula Philosophorum exercuerunt ingenia, concedat mihi (quem juvat intelligibilia loqui, nec *admittere*, quod nequeo ipse intelligere) copiam rogandi, ut mihi exponat, *Virtualis hæc extensio* quid sibi velit, quoque pacto Difficultates eas, quas supra Rarefactioni *Aristotelica* impingebam, è medio tollat. Ad faciliorem hujus rei considerationem, nuper à nobis suppositum resumamus in *Magdeburgico* videlicet Experimento dimidium pollicem Aëris non dilatari ex centum constare Corpusculis; Rogo, qua ratione horum Corpusculorum Indivisibilitas apta ea reddat ad Rarefactionem ejusmodi, qualem imaginabatur Autor, explicandi. Quid enim hoc in casu, eorum præstat indivisibilitas, nisi quod minus reddat intelligibile, quomodo plusquam centum possit spatii partes replere; Facile est prævidere, ipsum responsurum, Ea virtualiter extendi. Verum, ne hic in dubium vocem, quomodo Indivisibilitas eorum capacia ea reddat istiusmodi Extensionis; Rogo, num per Virtualementem Atomum alicujus Extensionem, corporea ejus substantia revera (adæquatè puto) majus repleat spatium, quam prius, vel non; (alterutrum enim horum est necessarium): Si replet, tum vera est, ac realis, non vero mere virtualis extensio: quodque talis Extensio rem non conficit, ex eo, quod supra adversus Rarefactionem *Peripatericam* sumus argumentati, evincetur; idque ipsum fateri videtur Adversarius, dum Extensionem hanc Virtualementem comminiscitur, ad incommoda illa evitanda, quibus suam de Rarefactione Doctrinam alias exponi planum foret. Sed, si dicatur, Atomum virtualiter extensa, corpoream illius substantiam majus spatium non replere, quam prius; non est nisi effugium inaniloquum, quod incautum forte Lectorem morabitur, consulto autem vix satisfaciet. Rogo quippe, quo pacto id, quod substantiæ non est, possit locum replere; quaque ratione Extensio hæc impropria & Metaphorica, salvare Rarefactionis *Phænomena* queat; uti, quomodo dimidius Aëris digitus, in prædicti

Globi

Globi summitate, absque extensione corporea totum Globum, bis millies magnitudinem ipsius, quando Aqua exsucta est, æquantem, possit, replere, atque in inferiore Globi parte operari. Quæ postrema verba propterea adjicio, quoniam Autor noster non modo docet (pag. 91. & 92.) totum Globum impletum esse tenui quadam substantia, quæ, se contrahens, Aquam, cui Vasis collum immergebatur, violenter rapiat; sed in pari casu, grande suum Argumentum, quo probet, in deserta Tubi parte in Experimento *Torricelliano* non esse *Vacuum*, inde petit, Quod digiti attractio nonnisi à *reali* aliquo corpore provenire possit, Quare, donec Examinator planum fecerit intellectui, quomodo Virtualis extensio, prout Corporeæ opponitur, efficere possit, ut Atomus aliqua duplo, imo bis millies, plus spau repleat, quam prius; hoc Extensionis Virtualis Placitum à Physicis non præjudicatis elumbe nimis habitum iri autumo.

Sunt sane duo Argumenta, quæ Adversarius noster ceu dogmatis sui probationes affert. Prius est, (posteriori quippe paucis abhinc paginis partim à me, partim ab ipso Autore, jam responsum fuit) In Scholis passim doceri, saltem *divinitus* (ut loquitur) tale quid, quod ipse propugnat, fieri posse, proindeque Corporis naturæ non adversari. Verum, quamvis illi, qui vel norunt me, vel quæ de rebus Theologicis scripsi legerunt, facile, spero, credent, neminem esse me proniorem ad *agnoscendam* & *venerandam* Divinam Omnipotentiam; attamen in illustribus quibusdam Scholis docent, id rei ipsius naturæ repugnare. Atque, viros sic sentientes, proindeque illud non ut Divinæ Omnipotentiaæ objectum spectantes, posse (quidquid ille dicat) absque *impietate* diversum ab ipso, circa talis, ac ipse statuit, Rarefactionis possibilitatem, sentire; Autor noster æquum forte judicabit concedere, si meminerit, quod ipse paucas post paginas ait: * *Cum Tempus sit Ens essentialiter successivum, ita ut ne divinitus quidem possint due ejus partes simul existere*, &c. At, ne nunc disputemus de Potentia, quam lubentius adoro, quam in examen voco, dico, Litem nostram non in eo versari, quid *Deus possit facere*, sed quid fieri possit ab *Agentibus Naturalibus*, supra Naturæ sphaeram non elevatis. Etenim, licet *Deus* creare possit & annihilare, *Natura* tamen neutrum potest: atque ex vere Philosophantium sententia arbitror, nostram *Hypothesin* non alio indigere compendio, quo primas obtineat præ *Hypothesi* Adversariorum, quam quod in nostras res explicantur per cursum Naturæ ordinarium, cum in altera ad miracula sit recurrendum.

* Pag. 176.

Verum, quamvis Autoris nostri *Rarefactionem* explicandi modus adeo, ut dictum, sit improbabilis, non tamen omittendum hic mihi annotare, *Funiculum* ipsius *Condensationem* supponere, quæ non minus manifestis implexa difficultatibus mihi videtur. Etenim, cum doceat, Cor-

pus posse condensari absque eo ut vel ulla habeat Vacuitates, in quas compressæ partes se recipiant, vel Poris sit instructum, subtili ulla, & cedente, quæ ex iis exprimi queat, Materia repletis; consequens erit partes corporis condensandi immediate se invicem tangere: quo supposito, rogo, quomodo corpora, jam contigua, ad ulteriorem reduci possint proximitatem, nec tamen se mutuo, saltem in nonnullis ipsorum partibus, penetrent. Adeo ut mihi non liqueat, quo pacto perfici Examinatoris Condensatio possit absque *penetratione dimensionum*, quam omnium seculorum Philosophi nullatenus in Natura admittendam iudicaverunt. Et ipse Autor noster alicubi in eandem loquitur sententiam, ubi ad Quæstionem, unde fiat, quod parietes, accensum pulverem concludentes, disrumpantur? * Respondeo (ait) *hæc omnia inde accidere, quod pulvis ille sic accensus, & in flammam conversus, longè majus spatium nunc occupet, quam prius: unde fit, ne cum totum cubiculum antea fuerit plenissimum, disrumpantur sic parietes, ne destr. corporum penetratio.* In Experimento *Magdeburgico* ait, (ut jam antè vidimus) totam Globi capacitatem tenui admodum substantiâ esse repletam. Verum, ne nunc examinemus, quam proprie illud appellet Corpus *ratum*, quod, juxta ipsum, nec Poros intercipit, nec ullam aliam substantiam heterogeneam, cujus major vel minor absentia introduxit Corporis magis vel minus *densi* appellationem; ne, inquam, huic insistamus, pensitemus, ante Aquæ in exhaustum Globum admissionem, fuisse ibi, secundum ipsum, bis mille dimidios pollices substantiæ alicujus, quæ quomodo-cunque producta fuerit, aut illuc pervenerit, *verum* erat & reale Corpus; & post Aquæ admissionem, in eodem Globo, præter Aquam ingressam, non amplius quam dimidium Corporis pollicem remansisse. Quoniam igitur Autor noster non statuit (quod si statueret, facile posset everti) illos mille nongentos nonaginta novem semi pollices Materiæ, qui nunc non apparent amplius, corpus Aquæ trajecisse quia etiam non admittit, eam per Vitri Poros evadere, rogo, quid ex tanta Materiæ copia fiat? Etenim, eam esse redactam in nihilum, nimio pollet ingenio, quam ut asserat (neque, si assereret, fidem ullam impetraret;) dicere vero, mille & tot centenas partes Materiæ in unicam illam spatii partem, quæ unum illum Aëris semi-pollicem continet, sese recepisse, fidei parum minus meretur: spatium enim illud Corpore prius perfecte plenum supposebatur; quomodo autem Corpus magis plenum quam perfecte plenum esse possit, quis intelliget? Verbo conficiam: Iuxta Autoris nostri Condensationis modum, duo, vel forte duo millia Corporum compingi in spatium possunt, quod ab eorum uno seorsim est adæquate repletum. Atque, si hæc non est *Dimensionum pene ratio*, quid ea sit, cupio edoceri; & dum id fiat, ulli non præoccupato Physico judicandum permitto, sitne *Hypothesis* aliqua, quæ

* Pag. 159.

rem supponi postulat adeo universim Naturæ impossibilem existimam, *probabilis*, an minus; & annon Doctrina illa, quæ tradit, eandem omnino Aëris portionem, quæ nunc absque violentia in spatio semi-pollicari continetur, mox bis milles majus spatium occupare, atque dehinc illico in bis millesimam spatij nuper occupati partem rursus sese contrahere, Corpus in Spiritum vertat, eorumque Notiones confundens priori attribuat discriminantes & minimè omnium intellectu faciles proprietates alterius. Et hoc Argumentum, fateor, tanti apud me est ponderis, ut vel hoc solum ab admittenda me arceret *Hypothesis* Examinatoris: si tamen feliciori cuidam Contemplatori contingat adeo esse oculato, ut viam excogitet, clareque proponat, Rarefactionem & Condensationem hæcenus oppugnatam, mihi intelligibilem reddendi, verisimile non est, cum me obfirmatum reperiturum. Nec est equidem causa sufficiens, quare illius in conatu isto successus *Hypothesis* Adversarij nostræ redderet potlorem, siquidem ille non probaret eam vel *necessariam*, vel saltem *sufficientem*, sed aliquibus duntaxat Argumentis responderet, quæ ad probandum eam *intelligibilem* non esse tendunt. Atque plura stare à partibus nostris Argumenta, quam ea quæ ad Rarefactionem & Condensationem referuntur, partim ex eo patebit, quod jam disseruimus, partim exinde, quod nobis nunc est subijciendum.

CAPVT IV.

Consideratio (faciens ad præsentem Controversiam) illius, quod accidit in Torricelliano, aliisque Experimentis, in verticibus & ad radices Montium faciendis.

Adhuc itaque par superest Animadversionum, Examinatoris *Hypothesis* opponendarum, quæ, licet ob sermonem superiorem videri possint supervacaneæ, nobis non sunt prætermittendæ, quod ejusmodi Argumenta contineant, quæ non modo adhiberi queant contra doctrinam Adversarij, sed per plurimum conferent ad nostram confirmationem.

Vltius igitur mecum expendo, quod cum *Hypothesis*, quam nunc impugnatum eo, sit nonnisi inversio quædam *nostra*, supponensque, Elaterem sive motum Restitutionis in Aëre introrsum tendere, uti, secundum nos, ipse vergit extrorsum; fieri nequeat, quin, si vera esset ipsa suppositio (qualem eam non esse, probasse me puto) complura ex *Phænomenis* speciose satis per eam explicari possint, cum iidem motus

in corpore intermediato, queant, in multis casibus, perinde produci, siue trudi illud, siue trahi supponamus; dummodo uterque conatus eodem tendat. Sed tum satis nobis fieri potest, utrum tribuendus sit effectus Pulsioni, vel Tractioni, (ut vulgoloquuntur, quamvis reapse posterior reduci posse videatur ad priorem) si reperire Experimentum possimus, in quo ratio sit, ut talis sequatur effectus, si *Pulsio* sit causa quaesita, non vero, si ea sit *Tractio*. Atque ejusmodi Experimentum *Crucis* (ut cum Illustri nostro *Verulamio* loquamur) nobis ex insigni illa Observatione Domini *Paschalis*, à celebri *Pecqueto*, & ex eo ab Autore nostro * memorata: videlicet, Experimento *Torricelliano* facto ad radicem inque diversis stationibus admodum excelsi Montis (altitudinis 500 sexpedarum sive 3000 pedum) se invenisse, postquam 150 sexpedas ascendisset, Argentum Vivum digitos 2 $\frac{1}{2}$ infra stationem, quam ad Montis radicem habebat, descendisse; in ipso autem Montis vertice ad tres fere digitos infra dictam solitamve stationem subsedisse. Vnde liquet, Argentum versus *Atmosphæra* summitatem sublatum tanto magis ad imum delabi, quanto locus est altior, in quo fit observatio: cujus rationem liquidam reddit nostra *Hypothesis*, scilicet, quo propius ad summitatem *Atmosphæra* accedimus, eo brevior est leviorque Aëris, restagnanti *Mercurio* incumbentis, Cylindrus; proindeque eo minori *Mercurii* Cylindrici ponderi Aër ille æquilibrare, ipsumque suspensum tenere valebit. Et quoniam hoc insigne *Phænomenon* tam manifeste nostram consequitur, non vero Adversarii *Hypothesin*, hoc Experimentum dirimere inter ipsas litem videtur; cum hoc in casu obtendere nequeat Examinator, (uti ad decimum septimum nonnullaque alia Experimenta nostra facit) Argenti in tubo descensum fieri non à pressionis Aëris externi diminutione, sed à præternaturali externi illius Aëris (in Recipienti) Rarefactione, siue Distensione, quando, dum seipsum nititur restituere, etiam subiectum sibi Argentum restagnans sublevare conatur. In præsentī quippe casu nostro, violenta ejusdem Aëris dilatatio non apparet, qualem in pluribus Machinæ nostræ *Phænomenis* ei visum est sibi imaginari.

Non est igitur, quod magnopere quis miretur, si Adversarii ipsius, ut observat, plurimi faciant hoc Experimentum, ut probent, *Mercurium* in tubo sustentari externi Aëris resistentiâ. Nec putem, ipsius ad Argumentum inde ductum Responsiones eam vim habere, ut pro cogenti illud habere desinant. Etenim ad Objectionem, quam apud eos tantū esse momenti notat, nonnisi hæc duo reponit, quæ, siue sigillatim, siue junctim sumpta, longe absunt, ut satisfaciant.

Et primò quidem suspectam habet ipsam Observationem, quod, facto simili Experimento in alio Monte, non quidem tam sublimi, Eventus

non

non responderit expectationi. Verum, licet tantum abfim, ut improbem, ut potius laudem curiositatem ejus, qua Experimentum ipse fecit, idque imprimis, quod novum esset, & magni ponderis; licet etiam placeat mihi ipsius Modestia, qua Errorem potius suspicatur in modo Observandi, quam Expertoris sinceritatem tradendi: attamen, cum alicubi Errorem esse sit necesse, ille potius in Observationem Examinatoris (Observationem ejus dico non fidei defectum) quam in eam, quam Dominus Paschalius fecit, mihi est devolvendus. Præter enim laudes eas, quibus eruditus Gassendus, Experimenti Narrator, ornat Virum illum ingeniosum (Dominum Paschaliuum) cujus nutu illud fuisse factum supponit: idem Gassendus retert, similem Observationem quinquies fuisse iteratam, partim intra Sacellum, partim Aere libero, & nunc quidem stante, nunc silente Venio. Quæ circumstantiæ satis superque diligentiam arguunt in Experimento in Arvernia faciendam adhibitam: maxime cum has Observationes duobus aliis, in distantibus Montibus Anglia factis, possum confirmare; quarum alteram mihi comparavi à Virtuoso Domino I. Ball, quem rogaveram, ut Experimentum hoc in Monte quodam Devoniam, in cujus clivo habitabat, faceret: alteram vero in Lancastria ab ingenioso Domino Rich. Townley factam. Quas Observationes cum utralque plenius commemoraverim in mea ad Physico-Mechanicum Tractatum Appendice, jam non repetam: hoc duntaxat in rem nostram præsentem notasse contentus, quod utcumque proportio descensus Hydrargyri variet, juxta differentem vicini Aëris consistentiam, aliaque ejus Accidentia, in particularibus Experimenti facti locis, ac temporibus; omnes tamen Observationes in eo conveniunt, quod proprius Atmosphæra summitatem Hydrargyrum magis subsidit, quam ab ea remotius. His omnibus duo adjiciam, Hypothesin nostram plurimum confirmantia. Unum est, quod modo dictus Dominus Townley, pluresque alii ingeniosi Viri, qui ei tum aderant, animum inducebant experimentum Torricellianum ita in Montis cacumine perficiendi, ut determinatam Aëris quantitatem in tubo reliquerent, priusquam ejus orificium subter Mercurio, restagnanti aperiretur, notantesque quousque tanta Aëris illius quantitas Cylindrum Mercurialem deprimeret, observabant similiter, ad Montis radicem Aërem inclusum tantundem deprimeret Mercurium non valere. Vnde colligimus, Cylindrum Aëris, in vertice Montis breviorē leviorēque, non tam fortiter Aërem inclusum premere, ac ambiens Aër in Montis imo faciebat, ubi Cylindrus Aëreus longior & gravior erat. Verum, propterea quod, licet Experimenta in locis valde sublimibus facta, sint insignia, magnique, in Controversiis circa Aërem momenti, valde tamen pauci exiis, qui faciendis ejusmodi Experimentis sunt idonei, reperiuntur, qui opportunitate gaudeant in excelsis Montibus ea faciendi, nos, Viro ingenioso ju-

vante, tentamen aliquod aggrediebamur, in quo ipse erat, *Atmosphaera* pondus ad sensum differens, in multo minori, quam obvi cujusque Montis, altitudine, deprehendere. Sed, communis tubi loco, Thermometro quodam utebamur, ut inclusus Aer ad eventum reddendam notabilem conferret, ob rationem paulo infra commemorandam: *Mercurii*que vice communem Aquam in tubo ad Thermometrum pertinente adhibebamus, ut leves mutationes in pondere seu resistentia *Atmosphaerae* Aëri incluso opposita, dignosci magis possent. Instrumentum, quo utebamur, constabat solummodo ex latipede & angusti colli Vitro (AB) & gracili tubo Vitreo (CD) ad utramque extremitatem apertis: qui tubus ita erat locatus, ut fundus ejus fere, sed non plane, fundum tangeret Vitri majoris (AB) intra cujus collum (A) probe compacto erat cæmento defixus, quod & tubum suo in loco firmabat, & omne Aëris interni (II) cum externo (KK) commercium, nisi mediante tubulo (CD) impendebat. Eligebamus vero hoc Vitrum (AB) solito capacius, ut dilatationis inclusi Aëris (II) effectus eo magis esset conspicuus. Tunc convenienti Aquæ quantitate (HH) in hoc Vitrum intromissa, illud in plumbatum excelli Abbatiae *Westmonasteriensis* Templi tectum asportabamus, ibique paululum Aëris, ad Aquam ad superiorem partem tubi sublevandam insuflabamus, ut, ea supra Vasculum (AB) eminente, eo præcisius diversas Aquæ stationes, quam secus liceret, notare possemus. Post, cum ad mediocre temporis spatium, in tecto restare Vitrum sivissemus, ut Aër internus (II) ad eundem statum, & quoad frigus, & quoad pressionem, cum externo (KK) reduceretur, statione Aquæ (F) notatâ, Vas per longum funiculum ad imum mari demittebamus, ubi quidam præsto erat ad id recipiendum, qui cum passus illud esset in pavimento consistere, nobis clamore suo significabat, eam unum circiter pollicem infra notam (F) à nobis signatam subsedisse: ex quo, eo jussu, ut notam secundæ huic stationi ejus (E) apponeret, Vas rursus sublevabamus: eo quæ quiescere aliquamdiu passu, Aquam reascendisse ad vel prope primam notam (F), quæ revera uno circiter pollice alteram (E) supereminebat, observabamus. Atque hoc ipsum eodem vespere, simili fere successu, iterabamus: quamvis, post duos tresve dehinc dies, flautibus fortiter in plumbato tecto Ventis, Experimentum adeorité, ut prius, succedere non reperiremus; Aqua tamen manifestè semper ad muri fundum magis subsidebat, quam erat in summitate; quod ut mere tribuam discrepanti superioris & inferioris Aëris, quoad Calorem & Frigus, temperiei, causam non video, cum, juxta æstimationem generalem, sublimior Aëris regio; *cæteris paribus*, sit frigidior, quam est humilior: quod ipsum potius majorem inclusi Aëris in tecti summitate expansionem inhiberet, quam promoveret. Sed, ut eo melius evitarem Errors, Objection-

Page 38
De fens



Page 62



fig. 4





fig. 5



fig. 6





Objectionesque præoccuparemus, consultum judicabamus, Experimentum intra Tempus tentare, Xyltumque, qui ejusdem cum tecto plumbato est altitudinis, ingrediebamur : at, superiore tubi parte per casum diffracta, visum fuit rem ita ordinare, ut Aquæ in tubo remanentis superficies (G) uno circiter pollice superficiem Aquæ in Vase superemineret. Et tunc, supra dicto meo Cooperatore Vitrum demittente ut primum quasi pavimento insisteret, in genua provolutus ego, ut, quousque subsideret, conspicerem, deprehendi, eam non modo ad eandem cum altera Aqua humilitatem decidisse, sed externum Aerem adeo eam depressisse, ut, dum ego spectatorem agerem, ille infra tubi fundum perumperet, & per Aquam in bullis ascenderet: quo facto, cum Vitrum rursus sublevaretur, Confœderatus meus asserbat; Aquam manifeste admodum reascendisse. Verum, quia ob infortunatam Vitri alicujus fracturam impediebamur, quo minus, uti instituti nostri erat, observaremus, quid eventurum, tam in Thermometro, ita confecto, ut *Atmosphæra* pondus vel pressio nullam in eo mutationem efficeret, quam in alio, cujus inclusus Aer erat in summitate (cum è contra in eo, quo nos utebamur, inclusus Aer in imo esset ;) & quia in Experimentis nostris una alterave accidebat circumstantia, quæ non adeo erant exsortes difficultatum, ut alterius examen rem mereri non existimemus, statim, accuratiorem hujus Experimenti narrationem (quomodo scilicet successerit cum Hydrargyro loco Aquæ, una cum capacitate Vasis (AB) & diametro tubi (CD) variisque aliis circumstantiis, addito eventu curiositatis illius, quæ ducebatur (successu, ut videbatur, admodum felici) Experimentum *Toricellianum* in supra dicto plumbato faciendi, tumque tubum una cum stagnante *Mercurio* in pavementum usque demittendi, ad crescentem *Mercurii* altitudinem observandam) in supra memorata ad Epistolam, quam defensum ivimus, *appendice* tradere. Atque interea temporis nobis sufficiet, Experimenta hæcenus allegata satis manifestum reddere videri, *Atmosphæram* magis *cæteris paribus*, prope Terræ superficiem, quam in partibus Aëris sublimioribus gravitare. Plumbatum quippe tectum illud, ubi nostra experiebamur, factâ mensuratione, deprehendebatur in altitudine perpendiculari nonnisi septuaginta quinque pedes à Terra distare. Cui hoc duntaxat in præsentiarum adjiciemus, quod cupidi aliquando observandi, quantum poteramus, circa subsidentis Aquæ proportionem ad diversarum ejus à terra stationum altitudinem, de industria Vas à tecto per gradus, ita ut notabiliter non calefieret, ad parvam aliquam fenestram deportantes, quam ad dimidiam circiter descensus viam esse conjectabamus, ibi percipimus, Aquam jam ad grani hordacei circiter longitudinem subsedisse, non obitante quod, nequidquam adhibitâ curâ nostrâ, Vas tantillum tortè à corpore latoris calefactum fuerit, quandoquidem circa id tem-

pus, quo ad imum muri perveneramus, Aqua fere ad notam altissimam consiltebat; postquam vero datum Vasi fuerat ad tempus quiescere, gradatim ad infimam relabebatur. Atque hæc dicta sunt de eorum primo, quæ in Doctrinæ nostræ gratiam commemoranda habebant.

Alterum, quod in *Hypothesis* nostræ confirmationem adducam, est Experimentum illud (quod, licet sit supervacaneum, magis tamen cogens esse videtur, magisque præoccupandis Evasionibus aptum) ab eodem Domino *Paschalis* factum, Harpastum scilicet languide inflatum à Montis radice ad ejus verticem portandi. Id quippe magis magisque turgescibat, quo altius portabatur, adeo ut penitus quasi tensus in Montis fastigio appareret, gradatim vero rursus flaccesceret, prout deorsum ferebatur, essetque ad inum Montis æque flaccidum ac prius. Hoc, inquam, cum ita contigerit, Experimentum præsto est ad nostram *Hypothesin* probandam, in quo ad ullum Corpus violenter & præternaturaliter dissentum recurri nequit, quale illud esse obtenditur, quod in deserto tubi spatio in Experimento *Torricelliano* remanet.

Alterum, quod Examiner contra Argumentum, à Domini *Paschalis* Experimentis ductum, assert, est, quod si admittatur, rem ita se habere, non tamen inde recte inferatur, ideo sic magis *Mercurium* in vertice Montis descendisse, quod Cylindrus *Atmosphericus* ibi esset levior, minusque potens Argentum vivum sustentare: Sed dici potest (inquit) * *ideo sic in vertice Montis magis descendisse, quod ibidem esset Aura frigidior, aut ex alio Temperamento, hujusmodi descensum causante.* Verum enim vero rem non conficiet hæc solutio. Frigus enim Aëris ambientis (quod tamen non memorant Expertores) contraheret potius rarefactam in tubo substantiam, adeoque altius *Mercurium* traheret; vti Autor noster ipse nos docet, * *Contractio per Frigus Funiculo, Aquam in Thermometris tempore frigido ascendere.* Et cum unica, quam subjicit, Explicationis tam improbabilis probatio, ab Experimento nostro decimo octavo sumatur, in quo tradimus, Argentum aliquando sensibilibiter tempore frigidiori magis descendisse, quam alio tempore longe mitiori: Respondeo, Experimentum hoc decimum octavum vix magis ab ipso, quam adversus ipsum stare. Etenim, ut ibidem annoto, Argentum descendisse tempore frigido, ita interdum tempore calido etiam descendeat, ascendeatque frigido. Et valde mirum est, in omnibus Observationibus, in diversis regionibus diversoque tempore factis, semper ita accidere, ut Cylindrus *Mercurialis* prope summam *Atmosphæra* minuatur, quam cum est ab ea remotior, si externi Aëris resistentia ad sustentandum eum nil conferat. Et magis adhuc mirum, Harpastum simili modo turgescere, & flaccescere, prout in loca fertur, ubi vel brevior vel longior Aëris columna ei incumbit.

In procinctu jam eram ad residuum hujus secundæ partis Tractatus nostri

nostri pergere; verum, cum ex quo Capitis hujus facerem initium, casu in Experimentum aliquod, nuper ab Industrio quodam * Medico (quem vellicasse dicitur curiositas complura ex Machinæ nostræ Experimentis iterare) in Epistola ad Ingeniosum quendam ipsius * Amicum & meum transmissum inciderem, deprehenderemque valde id idoneum esse ad nostrum nuper relatum, & *Vestimonasteris* factum Experimentum confirmandum, istiusque esse genii, ut nos in hac *Anglia*, plaga opportunitate destituamur, tale quid, ob Montium satis altorum defectum, experiri, illud ex concessa mihi venia hoc loco inferam: idque eo libentius, quod, uti Montes per Experimenta in iis facta de illo, cujus Autore est *Torricellius*, insignem nobis probationem præbuerunt de Aëris pondere; ita & aliquam de ejusdem Elaterio possint suppeditare: in qua non spero, *Phænomenon* de descensu Aquæ ulli ipsius attractioni, à violenter distento Aëre externo factæ, tributum iri. Et, quoniam non à nobis factum fuit Experimentum, sed ab alio, propriis ipsius verbis illud tradam, quæ hæc sunt: „Hoc 15. *Octob.* 1661. Ther-
„ mometrum bipedalis circiter longitudinis accipiebamus, eoque ad
„ *Halesfaxii* Montis radicem deportato, Aqua in scapo tredecim pol-
„ lices Aquam in Vase supereminebat. Dehinc, ipso sic inpleto, una
„ cum Stylobate, protinus in Montis Verticem sublato, Aqua ad pun-
„ ctum (D) descendebat, uno scilicet pollice & quarta ejus parte infra
„ eam stationem, quam ad radicem dicti Montis obtinebat; quod (ut
„ ipse recte colligit) Aëris Elastrum comprobat: internus quippe Aër
(A C) qui eandem cum externo vim, & extensionem, ad Montis radicem obtinebat, majorem prodebat Elasticitatem, quam Aër montanus ibi, * proindeque seipsum per spatium (CD) ulterius extendebat.

Simile Experimentum intelligo eundem Ingeniosum Doctorem nuper iterasse, majoremque, quam prius, descensum Aquæ repernisse. Et, licet Viri quidam, harum rerum studiosi, mirum existimaverint, in Monte, *Alpibus* & *Apenninis* multo humiliore, tam brevem Cylindrum tam levis, ut est Aqua, Liquoris, in tantum descendere, mihi tamen nulla se offert ratio, vel ipsius Experimento, vel nostro *Vestimonasteris*, ut nuper diximus, facto ex hoc fundamento diffidendi, quin mirandi potius, Aquam non subsidisse humilior, si modo notabilem aliquam altitudinem Mons obtineat. Ipsorum quippe suspicio hoc videtur Errore niti, ac si, quoniam Argentum in Experimento *Torricelliano*, sic facto, ut de industria nullus in tubo Aër relinquatur, non ultra pollicem unum, si quidem eo usque, in dicti Montis vertice subsidebat, Aqua, quæ fere quatuordecies est levior, non ultra decimam quartam spatii istius partem deberet descendere; cum in Experimento *Torricelliano*, supremum desertumque tubi spatium parum vel nihil Aëris intra sese relictum

* Doct.
Henrico
Poëvier.

* Dom.
Croon, ex
eruditiss.
Professori-
bus collegii
Gresha-
menſis.

* Vide Fi-
guram ſe-
cundam.

* Fortaſſis
hæc Gel ſi-
milis Ger-
ba, prode-
bat preſi-
ſionem.
omiffa ſunt.
Aër enim
montanus
ibi videtur
pondere ſuo
potius, quàm
Elaſticitate
operatio-
nem ſuam
pergreſſe.

relictum continebat, Thermometri vero pars correspondens Aëre erat instructa, cujus pressio à pressione *Atmosphæra* ad Montis radicem parum deficiebat, proindeque multo major esse debet, quam ejusdem *Atmosphæra* pressio in Montis fastigio, ubi Cylindri *Atmosphærici* gravitas (quæ pressionis est causa) multum diminuatur, oportet, eo, quod multo factus sit ille brevior, atque ex Aëre minus compresso constet.

Atque hæc dicta sunt de prima duarum istarum Animadversionum, quibus secundam hujus Tractatus partem claudere pollicebar. Hoc duntaxat, antequam progrediar, mihi rogandus est Lector, ut notet, quod licet hic unum, tantum selegerem ex novem illis Experimentis, quæ Examinator noster undecimo & duodecimo Capitibus, ceu opposita ab Adversariis enumerat; per hoc tamen non significem, me in ipsius horum *Phænomenum* Explicationibus acquiescere; sed ea duntaxat cum nonnullis aliis, quæ de Siphonibus & Experimentis *Magdeburgicis* tradit, iis discutienda relinquam, quorum ea examinare magis interest, cum sit mihi satis sufficienter enervasse *Funiculum*, quem Expositiones ipsius supponunt, & fundamenta ritè ejusmodi Experimenta explicandi elucidasse.

CAPVT V.

Duo Experimenta nova de mensura Virtutis Elasticæ Aëris compressi & dilati.

Alterum, quod circa Adversarii nostri *Hypothesin* expendi vellem, est, quod est, *supervacanea*. Etenim, cum non neget inesse Aëri gravitatem aliquam, & Elaterium, sed affirmet, * id non sufficere ad talia præstanda, quale est *Æquipondium* cum Cylindro *Mercuriali* digitorum 29 2 uti nos docemus id præstare posse; nunc conabimur; per Experimenta studio facta manifestum reddere, Aëris Elaterium longe plus posse præstare, quam nobis est opus ei adscribere*, ad Experimenti *Torricelliani Phænomena* salvanda.

* Pag. 11.

Accepimus itaque longum tubum Vitreum, qui manus peritz atque lampadis adminiculo eum in modum in imo curvatus erat, ut reflexa pars ad tubi reliquum fere esset parallela: atque orificio hujus brevioris cruris Siphonis (si ita appellare totum Instrumentum fas est *Hermeticè*, ut loquuntur, sigillato, longitudo illius dividebatur in pollices (quorum quilibet in octo partes subdividebatur) per porrectam ambriam Chartaceam, quæ, his insignita divisionibus, ei in longum foli-
cite

licite agglutinabatur : tum vero , infusa tanta quantitate Hydrargyri , quæ sumceret ad Arcum sive inflexam Siphonis partem implendam , ut *Mercurius* in plano consistens , in uno crure ad chartæ divisæ fundum , & in altero ad eandem præcise altitudinem , sive lineam Horizontalem , attingeret ; sollicitè curabamus , crebra tubi inclinatione , sic ut Aër ab uno crure in alterum , juxta *Mercurii* latera , libere mearet , curabamus , inquam , ut Aër , ultimo in breviori Cylindro inclusus , eandem cum reliquo Aëre ambientelaxitatem consequeretur . Hoc facto , Hydrargyrum infundere in longius Siphonis crus incipiebamus , quod suo pondere premens illud , quod erat in crure breviori , gradatim inclusum Aërem coarctabat ; hacque *Mercurii* infusione continuata , donec Aër in crure breviori per condensationem eo redigeretur , ut nonnisi dimidium ejus , quod prius possidebat (*possidebat* , dico , non *replebat* ;) oculos in longius Vitri crus cui iidem umbra papyracea , sive in pollices & partes divisa , erat agglutinata , conjicientes , observabamus , non sine voluprate , *Mercurium* in longiori ista tubi parte , alteri , qui in breviori continebatur , ad viginti novem pollices supereminere . Iam vero , hanc Observationem & optimè convenire cum nostra *Hypothesi* & eandem confirmare , facile is intelliget , qui animum adverterit , nos docere , & Domini *Paschalii* nostrorumque in *Anglia* amicorum Experimenta probare , quod , quo pondus , Aëri incumbens , est gravius , eo fortior est conatus ejus sese dilatandi , proindeque ejusdem potentia resistendi , (uti alia Elateria fortiora sunt , quando majoribus ponderibus inflexa .) Hoc enim perpenso , constabit , apprime id cum *Hypothesi* congruere , quod , uti , juxta eam , Aër in isto gradu densitatis , & respondente mensura resistentiæ , ad quam incumbentis *Atmosphæra* pondus cum redegerat , poterat æquivalere & resistere *Mercurialis* viginti novem circiter digitorum Cylindri pressioni , uti Experimento *Torricelliano* docemur ; ita hic idem Aër , ad densitatis gradum , duplo circiter majorem , quam erat prius , redactus , Elaterem obtinet duplo , quam ante , fortiorem : uti ex eo liquet , quod sustentare valet , & resistere viginti novem pollicum Cylindro in tubo longiori , una cum Cylindri *Atmosphærici* pondere , istis viginti novem *Mercurii* pollicibus incumbente , atque , uti modo ex Experimento *Torricelliano* inferebamus , ipsis æquivalente .

Impediebat nos fortuita tubi fractio , quo minus isthoc tempore Experimentum prosequeremur . Sed cum accuratum hujuscemodi Experimentum magni futurum esset ad Doctrinam Elaterii Aëris momenti , & necdum ab ullo (quod sciam) fuerit factum : atque cum sit etiam opinione facti difficilius , tam ob difficultatem procurandi curvatos tubos rei idoneos , quam accurate judicandi verum locum superficiæ *Mercurij* protuberantis ; non ingratum Lectori fore autu-

* Vide Fi-
guram
quintam.

mo, informari, post nonnulla alia Tentamina, quorum unum faciebamus in tubo, cujus crus longius erat perpendiculare, alterum vero, Aërem continens, Horizonti parallelum, nos tandem tubum * Figurâ in Schemate effigiatâ instructum obtinuisse; qui tubus, quamvis insignioris crassitie, tam longius erat, ut Cylindrus, quem brevius illius crus constituēbat, simbriam chartæ admitteret, quæ prius in duodecim pollices eorumque quadrantes divisa fuerat, crusque longius aliam admitteret Chartæ simbriam, aliquot pedum longitudinis, pariterque divisam: Tum Hydrargyro, ad curvam Vitri partem implendam infuso, ut ipsius superficies in alterutro crure eadem consisteret linea Horizontali, ut nuper docuimus, plus usque *Mercurij* longiori tubo infundebatur; & diligenter notantibus, quousque *Mercurius* ascendisset in tubo longiori, quando ascendisset ad ullam ex divisionibus in tubo breviori conspiciebatur, diversæ Observationes, quæ istum in modum continenter factæ, & prout factæ, scripto traditæ fuerunt, Tabulam sequentem nobis suppeditarunt.

Tabula

Tabula Condensationis Aëris.

A	A	B	C	D	E
48	12	00		$29\frac{3}{16}$	$29\frac{2}{16}$
46	$11\frac{1}{2}$	$01\frac{2}{16}$		$30\frac{9}{16}$	$30\frac{6}{16}$
44	11	$02\frac{4}{16}$		$31\frac{15}{16}$	$31\frac{12}{16}$
42	$10\frac{1}{2}$	$04\frac{8}{16}$		$33\frac{3}{16}$	$33\frac{1}{7}$
40	10	$06\frac{12}{16}$		$35\frac{5}{16}$	35
38	$9\frac{1}{2}$	$07\frac{14}{16}$		37	$36\frac{15}{16}$
36	9	$10\frac{1}{16}$		$39\frac{4}{16}$	$38\frac{7}{8}$
34	$8\frac{1}{2}$	$12\frac{8}{16}$		$41\frac{10}{16}$	$41\frac{11}{17}$
32	8	$15\frac{1}{16}$		$44\frac{3}{16}$	$43\frac{11}{16}$
30	$7\frac{1}{2}$	$17\frac{15}{16}$		$47\frac{1}{16}$	$46\frac{3}{5}$
28	7	$21\frac{3}{16}$		$50\frac{10}{16}$	50
26	$6\frac{1}{2}$	$25\frac{1}{16}$		$54\frac{1}{16}$	$53\frac{10}{17}$
24	6	$29\frac{11}{16}$		$58\frac{11}{16}$	$58\frac{1}{8}$
23	$5\frac{3}{4}$	$32\frac{3}{16}$		$61\frac{2}{16}$	$60\frac{18}{21}$
22	$5\frac{1}{2}$	$34\frac{15}{16}$		$64\frac{1}{16}$	$63\frac{6}{11}$
21	$5\frac{1}{4}$	$37\frac{11}{16}$		$67\frac{1}{16}$	$66\frac{4}{7}$
20	5	$41\frac{7}{16}$		$70\frac{11}{16}$	70
19	$4\frac{3}{4}$	45		$74\frac{3}{16}$	$73\frac{12}{19}$
18	$4\frac{1}{2}$	$48\frac{12}{16}$		$77\frac{14}{16}$	$77\frac{2}{3}$
17	$4\frac{1}{4}$	$53\frac{11}{16}$		$82\frac{12}{16}$	$82\frac{4}{17}$
16	4	$58\frac{3}{16}$		$87\frac{4}{16}$	$87\frac{1}{2}$
15	$3\frac{3}{4}$	$63\frac{15}{16}$		$93\frac{1}{16}$	$93\frac{1}{11}$
14	$3\frac{1}{2}$	$71\frac{1}{16}$		100	$99\frac{6}{7}$
13	$3\frac{1}{4}$	$78\frac{11}{16}$		$107\frac{13}{16}$	$107\frac{2}{11}$
12	3	$88\frac{7}{16}$		$117\frac{2}{16}$	$116\frac{2}{3}$

Additum ad 29 $\frac{1}{2}$ facit

AA. Numerus æqualium spatiorum in breviori crure, quod continebat eandem portionem Aëris diversimodè extensi.

B. Altitudo Cylindri *Mercurialis* in longiori crure, qui Aërem comprimebat in istas dimensiones.

C. Altitudo Cylindri *Mercurialis*, qui æqui ponderabat pressioni *Atmosphærae*.

D. Aggregatum duarum proximarum columnarum B & C, pressionem exhibens ab incluso Aëre sustentatum.

E. Quanta illa pressio esse debebat juxta *Hypothesin*, quæ supponit, Pressiones & expansiones in proportionem esse reciprocas.

Ad meliorem hujus Experimenti intelligentiam, non abs re fuerit, sequentia observare:

1. Quod, cum tam procerus esset tubus, ut commode eo uti non possemus in Conclavi, coacti fuimus cum super scala quadam, satis tamen luce collustrata, collocare, tubo ita funiculis, securitatis causâ, suspenso, ut capsulam mox dicendam vix tangeret.

2. Inferior & incurva tubi pars in quadrata capsula lignea erat collocata, ampla satis, & profunda, ad prævertendam, *Mercurii* jacturam, qui ad latera forte, in transfusione ex Vasi in tubum, decideret, & etiam ad *Mercurium* omnem recipiendum, si forte tubus frangeretur.

3. Quod bini fuimus in Observatione facienda, quorum alter notare ad inum Templi tenebatur, quando *Mercurius* ascenderet in Cylindro breviori, alter infundere ad summitatem longioris, cum uni soli difficile sit, & molestum, utrumque præstare accuratè.

4. Quod Hydrargyrum *sensim* infundebatur, juxta Observatoris, qui infra erat, nutum, cum multo esset facilius, plus infundere, quam quidquam deplere, si forte nimium simul & semel esset intusum,

5. Quod sub Operationis initium, ut eo dignosceremus planius, ubi restitaret de tempore in tempus Hydrargyrum, usi fuimus parvo quodam speculo, commodè posito, ut ad oculum, quod cupiebamus discernere, reflecteret.

6. Quod, Aëre sic compresso, ut in spatium, quadrante ejus, quod prius occupabat, minus, compingeretur, experti fuimus, utrum Linteaminis aquâ madefacti frigus cum tunc condensaret. Atque interdum contrahi tantillum videbatur, sed non ita manifeste, ut ei superstruere quidquam ausimus. Dein experiebamur similiter, Caloræ, tam forti compressione non obstante, ipsum dilatare, flammaque Candelæ ei parti admotâ, ubi compressus erat Aër, sensui magis obviâ debeat operationem Calor, quam prius præstiterat Frigus; adeo ut vix dubitarem, Aëris expansionem, non obstante pondere, cum opprimente futuram fuisse conspicuam, ni metus Vitrum intempestive frangendi à Calore augendo nos abegisset. Iam vero, licet haud inficiemur, in Tabella nostra quædam non ita ad amussim respondere ei, quod forte Lector ex ante memorata *Hypothesi* posset expectare; Variationes tamen tanti non sunt, quin probabiliter satis adscribi queant tali alicui *Experimenti* defectui, qualis in curiosis ejusmodi Experimentis vix potest evitari. Verum ut ut sit, donec Experimenta ulteriora me planius edocuerint, non mihi sumam determinare, utrum insinuata Theoria universaliter & præcisè oblineat, vel in Condensatione Aëris, vel in ejus Rarefactione, an minus: cum hîc nonnisi hoc urgeam, quod (ut sit)

Experi-

Experimentum jam factum caput rei, cujus gratiâ hoc loco id afferro, satis superque probet; cum ex eo clarescat, quod, uti Communis Aër, ad dimidium forte extensionis suæ spatium reductus, duplo circiter fortius, quam prius habebat, Elaterium obtinuit, ita hic tantopere compressus Aër, ulterius in arcu hujus spatij dimidium compactus, Elaterium exinde duplo, circiter fortius, quam quod novissime obtinebat, acquisiverit, proindeque quadruplo fortius eo, quo Aër communis est instructus. Nec causa est ulla dubitandi, quin, si nobis praesto fuisset major Hydrargyri copia, & validus admodum tubus, ulteriore inclusi Aëris compressione eo reducere ipsum potuerimus, ut procerioris longe graviorisque *Mercurii* Cylindri pressioni æquiponderasset. Etenim necdum forte quis novit, quam prope capax sit Aër compressionis infinitæ, si vis comprimens ex æquo augeatur. Adeo ut Adversario nostro hic pateat, Aëris Elaterium, quem adeo vilipendit, non modo resistendo esse ponderi viginti novem, sed in quibusdam casibus plusquam centum digitorum *Mercurii*, idque sine *Funiculi* ipsius adjumento, cujus in hoc nostro casu partes sunt nullæ. Atque ut ostendamus, nos (paulò superius) non inconsulto incumbentis Cylindri *Atmospherici* pondus, seu ponderis, ab Aëre incarcerato pressi, partem, memorasse, subjungemus hoc loco, nos curasse, cum Cylindrus *Mercurialis*, in longiore tubi crure, altitudinem centum circiter digitorum attigerat, ut quis ad patens orificium sugeret; ex quo (uti expectabamus) *Mercurius* in tubo notabiliter ascendebat, Quod insigne *Phænomenon* Examinatoris nostri *Funiculo* adscribi nequit, cum, fatente ipso, non valeat ille *Mercurium* attrahere, si Cylindrus *Mercurialis* viginti novem vel triginta digitos *Mercurii* excedat. Quocirca hanc ejus rationem nos reddemus, quod, pressione Aëris incumbentis ex parte ademptâ per sui in Suctoris dilatatum pectus expansionem, incarceratum Aerem eo ipso potentem redditum sese manifestè dilatandi, *Mercuriumque*, ipsum comprimentem, repellendi, donec virium æqualitatem, hinc validus compressi illius Aeris Elater, inde procerus Cylindrus *Mercurialis*, una cum contiguo Aere dilatato, acquirerent.

Jam vero, si iis, quæ hæcenus sunt à nobis tradita de Aeris Compressione, nonnullas de spontanea ipsius Expansione Observationes addamus, tanto patebit, melius, quantum *Mercurialium* horum Experimentorum *Phænomena* à differentiis dependeant mensuris virium, quas in Aëris Elatere, pro variis ipsius gradibus Compressionis & Laxitatis est deprehendere. Verum, priusquam hoc aggrediar Argumentum, lubens agnosco, me Experimenta, illa, quæ feceram de Expansionis Aëris mensuratione, ad nullam certam *Hypothesin* reduxisse, quando Ingeniosus ille Dominus *Richardus Towneley* me docebat, se, ex Physico-Mechanicorum meorum Experimentorum lectione convi-

ctum, causam ejus rei esse Aëris Elaterium, conatum fuisse (& utinam alii Viri Ingeniosi in ejusmodi conatibus exemplum ejus imitarentur) supplere, quod ego omiseram, reductionem scilicet ad exactam ællimationem, quantum virtutis Elasticæ Aër suâ sponte dilatatus amittit, secundum mensuras suæ Dilatationis. Adjiciebat, se cœpisse, quæ ipsi in hanc rem occurrerant, consignare in quadam Dissertatiuncula, cuius mihi postea monstrare initium voluit, quod debitum in me cupidinem ciet, ut ad finem perducatur. Verum, cum nec sciam, nec (ob magnam domiciliorum nostrorum intercapedinem) mihi nunc sit commodum inquirere, num ipsi visum sit, Dissertationem suam nostræ Appendici annectere, vel seorsim, vel plane non, in publicum emittere; cumque necdum, quod quidem sciam, commoda Vitra obtinuerit, Tabulam ullatenus accuratam Decrementi virium dilatati Aëris conficere: præsens institutum nostrum nos allicit, eam, quæ sequitur, Lectori exhibere, in qua ab eodem Viro juvabar, cujus, ceu Scripti de Rarefactione Autoris, mentionem faciebam Capite prægresso: quem propterea hac occasione commemoro, quia, quando primum me audiebat, de Domini *Torvænlei* suppositionibus circa proportionem, secundum quam Aëris Elaterium per Dilatationem minuitur, verba facientem, mihi significabat, se anno præcedenti (nec diu post Tractatus mei *Pneumatici* publicationem) Observationes in eandem sententiam fecisse, quas bene satis cum Domini *Torvænlei* Theoria consentire agnoscebat: & similis erat cum eadem consensus quorundam Experimentorum (ut eorum Autori mihi significare placuit) circa idem tempus à Nobilissimo illo Philosopho, & Illustrissimo Mathematico, Vice-Comite *Brounckero*, factorum, ex cujus ulterioribus in hanc rem Inquisitionibus, siquidem iis vacare per negotia ipsi licuerit, harum rerum Curiosi vere accurata sibi possunt polliceri.

Tabula

Tabula de Rarefactione Aëris.

A	B	C	D	E	
—	—	—	—	—	A Numerus æqualium spatiorum in summitate tubi, qui consine- bat eandem portionem Aëris.
1	00 $\frac{10}{8}$	Subtractum à 29 $\frac{1}{2}$ remanet	29 $\frac{3}{8}$	29 $\frac{3}{8}$	
1 $\frac{1}{2}$	10 $\frac{1}{8}$		19 $\frac{1}{8}$	19 $\frac{1}{8}$	B. Altitudo Cylindri <i>Mercurialis</i> , qui una cum inclusi Aëris Elatere æquiponderabat pressioni <i>Atmo-</i> <i>sphærae</i> .
2	15 $\frac{1}{8}$		14 $\frac{3}{8}$	14 $\frac{7}{8}$	
3	20 $\frac{1}{8}$		9 $\frac{1}{8}$	9 $\frac{11}{16}$	
4	22 $\frac{1}{8}$		7 $\frac{1}{8}$	7 $\frac{7}{16}$	
5	24 $\frac{1}{8}$		5 $\frac{1}{8}$	5 $\frac{19}{20}$	C. Pressio <i>Atmosphærae</i> .
6	24 $\frac{7}{8}$		4 $\frac{7}{8}$	4 $\frac{23}{24}$	
7	25 $\frac{4}{8}$		4 $\frac{1}{8}$	4 $\frac{1}{4}$	D. Complementum B. ad C, exhi- bens pressionem ab incluso Aëre suscitantam.
8	26 $\frac{4}{8}$		3 $\frac{6}{8}$	3 $\frac{11}{12}$	
9	26 $\frac{3}{8}$		3 $\frac{1}{3}$	3 $\frac{11}{36}$	
10	26 $\frac{6}{8}$		3 $\frac{0}{8}$	2 $\frac{39}{40}$	E. Quanta esse debebat illa pressio secundum <i>Hypothesin</i> .
12	27 $\frac{1}{8}$		2 $\frac{5}{8}$	2 $\frac{23}{48}$	
14	27 $\frac{4}{8}$		2 $\frac{1}{8}$	2 $\frac{1}{8}$	
16	27 $\frac{6}{8}$		2 $\frac{0}{8}$	1 $\frac{64}{55}$	
18	27 $\frac{7}{8}$		1 $\frac{6}{8}$	1 $\frac{47}{72}$	
20	28		1 $\frac{6}{8}$	1 $\frac{9}{86}$	
24	28 $\frac{1}{8}$		1 $\frac{4}{8}$	1 $\frac{23}{96}$	
28	28 $\frac{1}{8}$		1 $\frac{3}{8}$	1 $\frac{1}{18}$	
32	28 $\frac{4}{8}$		1 $\frac{1}{8}$	0 $\frac{119}{128}$	

Ad

Ad dilucidandum hoc de debilitata expansi Aëris virtute Experimentum, præter rem non erit, particularia quædam notare, præcipuè quæ faciendi Experimenti modum spectant. Id vero (ob causas nuper memoratas) super scala collustrata fecimus, adhibita capsulâ papyro obductâ, ad disabentem forte *Mercurium* recipiendum. Atque quia Vasorum ejusmodi, qualia in Experimento *Torricelliano* solent adhiberi, usus, inmanem exacturus esset, & in paucis locis vix parabilem. *Mercurii* copiam, tubo Vitreo sexpedalis circiter longitudinis utebamur; id quippe *Astometricè* ad unam extremitatem sigillatum, nostro instituto æquè serviebat, acsi Experimentum in *Dolio*, vel Scrobe, septuaginta digitos altâ, fecissemus.

Secundò, In promptu etiâ habebamus gracilem tubum Vitreum, calami Cygnei circiter amplitudinis, & utrinque patulum; juxta cujus longitudinem strictus Chartæ lemniscus, in digitos & octonas digiti partes divisus, erat agglutinatus.

Tertiò, Gracili hoc tubo, in tubum majorem, *Mercurio* fere repletum, intruso, Vitrum intumescentiam ejus ad summitatem tubi juvabat, *Mercuriusque*, ad inferius tubi orificium subiitans ipsum implebat, donec Hydrargyrum, in eo inclusum, eandem præterpropter cum circumstantis in tubo *Mercurii* superficie planitiem obtineret.

Quartò Relictâ, quantum poteramus proxime conijcere, parte tubi gracius, digito tantillum majori supra stagnantis *Mercurii* superficiem, proindeque non repletâ, prominens orificium sigillatoriâ Cera fusâ diligenter erat obthuratum; ex quo tubum aliquantis per missum faciebamus, ut Aër, calore Cera nonnihil dilatatus, rursus frigidatus ad solitam suam densitatem reduceretur. Tum vero, supradicti lemnisci Chartacci adminiculo observabamus, annon tantillum magis vel tantillum minus digito Aëris inclusissemus; atque in alterutro casu errorem corrigere tenebamur parvulo foramine, calente acu in cera factò, & postmodum rursus obthurato;

Quintò, Iusto sic Aëris digito incluso, gracilem tubum pedetentim sublevabamus, donec Aër ad usque digitum, sesquidigitum, digitos duos, &c. esset dilatatus, inque digitis & octonis partibus longitundinem Cylindri *Mercurialis* notabamus, qui, ad quemlibet gradum expansionis Aëris, supra stagnantis in tubo *Mercurii* superficiem impellebatur,

Sextò, Finitis Observationibus, mox Experimentum *Torricellianum* in supradicto magno, sex-pedalis longitudinis, tubo faciebamus, ut Cylindri *Mercurialis* altitudinem, pro ista particulari die & hora nosceremus: quam altitudinem 29 $\frac{1}{2}$ digitorum reperiebamus.

Septimò, Observationes nostræ, juxta hunc modum factæ, Tabulam præcedentem nobis suppeditavit, in qua forte reperta non fuisset differentia

differentia hic consignata inter vim Aëris, ad duplum priorum ipsius dimensionum expansi, & quanta præcise ista vis esset secundum *Hypothesin*, nisi digitus Aëris inclusus Accessionem aliquam, durante Experimento accepisset: de quo cum ex modo dicta differentia nobis suboriretur suspicio, tubum Hydrargyro rursus immergendo, deprehendimus, inclusum Aërem circiter octonæ partis dimidium se dilataste, quod ex Aëris quibusdam bullulis *Mercurio*, in tubo stabulanti, inhaerentibus, procecidisse conjectabamus. (Adeo proclive est, in Experimentis tam curiosis ni *aspiciant* delinquere!) Rem etiam experti fuimus cum duodecim digitis Aëris, ad dilatationem conclusi; verum ingratis quibusdam Avocationibus à premendis istis Experimentis præpediti, alibi (Deo dante) ex aliis Notis & Experimentis aliis quasdam Tabulas accuratas circa hanc materiam consignabimus: quibus forte iuvabimur ad quid certi statuendum, spectandane sit *Atmosphæra* (uti fieri solet) ceu limitata ac circumscripta Aëris portio; an vero strictiori sensu, quam prius, *Atmosphæra* & *Aerea pars* mundi pro terminis quasi æquipollentibus sint accipiendæ: an denique alia quædam significatio voci *Atmosphæra* sit largienda, Extensionis & Finium ejus respectu, (quoad quippe Elaterium & Pondus ejus, non illa per hæc Experimenta in dubium vocantur, sed evincuntur.) Sed hæc, ut diximus, ad *Appendicem* nostram referre libet, & consueque consuetum nostrum de *Aëre* & *Atmosphæra* loquendi modum retinere.

Interim (ut ad Experimenta nostra ultimo memorata revertamur) præterquam quod tantilla variatio, magna ex parte, imputari possit difficultati hujusmodi Experimenta exacte faciendi, & partim forte alicui in tubi Cavo, vel in ipsa etiam Vitri crassitie inæqualitati, præter hoc, inquam, proportio inter diversas inclusi Aëris, non dilatati & dilatati, pressiones, maxime quando insignis erat Dilatio, (quando enim Aëre nonnisi ad quadruplum prioris suæ extensionis intumescibat, Cylindrus *Mercurialis*, etsi viginti tres fere digitos altus, nonnisi quadrante digiti ab ea differebat altitudine, ad quam juxta *axiomaticæ Mathematicæ* debebat decedere) proportio, inquam, satis cum eo congruebat quod ad suggerendam hancce super tota materia cogitationem possit expectari, videlicet, Quod, siue tradita *Hypothesis* exacte obtineat, siue non (de eo enim, ut supra dixi, nil ausim fidenter determinare, donec penitus rem expenderem) attamen cum digitus Aëris, quando primum includebatur, non cum alia pressione includebatur, quam ea, quam ab incumbentis Aëris pondere obtinebat, nec magis comprimeretur, quam reliquus Aër, quem spirabamus, & in quo movebatur: cumque etiam hic digitus Aëris, ad duplum priorum ejus dimensionem expansus, potis esset, Cylindri *Mercurialis*, quindecim circiter digitos alti, ope, ponderi *Atmosphæra* æquiponderare,

* *Augmen-
tum scilicet
ex Aëre &
Mercurio
quindecim
digitorum.*

* quod ipsum, externi Aëris pondere super *Mercurium* stagnantem gravitante, sursum in tubum impellere & sustentare valebat plus quam viginti octo digitos *Mercurii*, quando internus Aër ex insigni illius expansione minus debilitatum habebat Elaterem ad ullam, quæ *alicujus* esset *momenti* (dico, *alicujus momenti*, quippe necdum fuit adeo dilatatus, ut non aliquam exerceret) resistentiam faciendam: eum, inquam, hæc ita se habeant, patet, liberum hunc nostrum Aërem ferè tam fortiter comprimi à pondere incumbentis Aëris, ac comprimeretur à pondere *Cylindri Mercurialis*, viginti octo vel triginta digitos altius proindeque in eo laxitatis & libertatis statu non esse, quem vulgo fingere solemus; & Agentis cujusdam *Mechanici* ad instar operari, cujus Virtutis decrementum strictiorem obtinet proportionem ad ipsius incrementum dimensionis, quam hæcenus fuit animadversum.

Non est mihi nunc immorandum pluribus enarrandis Considerationibus, quæ in prægressis de Aëris Compressione & Expansione Observationes possent institui: partim quod vix devitare potuimus aliquam in tradenda parte Historica prolixitatem, partim quod autumo, satis jam nos dixisse ad id, quod instituti nostri erat, ostendendum; videlicet, ad solvenda *Phænomena Hypothesi* Adversarii nos nequaquam indigere: quod quandoquidem evicimus, non parvi id esse in præsentī controversia momenti, patebit ej, qui secum reputaverit, duo primaria, capita, quæ eruditum nostrum Examinatorem ad rejiciendam nostram *Hypothesin* inducebant, esse, Naturam horrere *Vacuum*, & quamvis Pondere aliquo & Elatere sit instructus Aër, ea tamen ad nota *Phænomena* explicandum non sufficere, proindeque ad *Funiculum* ejus esse confugiendum. Iam vero, uti supra vidimus, eum non tam solidè refellisse, quam fidenter rejecisse *Vacuum*, ita nunc planum fecimus, Elaterem Aëris parem esse majoribus rebus præstandis, quam quas ipsi adscribere ex nostra *Torricellianorum* & Machinæ nostræ Experimentorum Explicatione tenemur. Quare, cum, præter varias difficultates, quæ *Hypothesin* à nobis impugnatam gravant, eamque inprimis, quod vix, si u latius quidem, est intelligibilis, addere possimus, quod non est necessaria, polliceri nobis audemus, ejusmodi Lectores, qui non abiciuntur sua erga *Aristotelem* Scholasticæ Peripateticæ veneratione, vix esse rejecturos *Hypothesin*, quæ, præterquam quod intellectu est facilis, jam quoque est probata sufficiens, solummodo ut Dogma amplèctantur, quod ejusmodi supponit Rarefactionem, & Condensationem, qualem complures præclari Naturæ Consulti repudiarunt, eo quod intelligi non posset, etiam tunc, quando nullus alius modus ipsis erat cognitus (qui quidem esset probabilis) ad *Phænomena*, per ipsam explicari facta, solvendum.

PARS III.

In qua objectionibus, adversus Domini Boylei Explicationes particularium Experimentorum allatus, respondetur.

ATque jam ad tertiam & postremam Defensionis nostræ partem pervenimus; in qua expendendum nobis, quid Examinatori nostro visum fuerit, adversus nonnulla Tractatus nostri *Physico-Mechanici* loca objicere. Verum quamvis hæc videatur sola Pars, cujus mea speciatim interfit; eam tamen, si non brevissimam, facillimam saltem penſi nostri partem forte deprehendemus: *partim*, quia non excipit Autor noster contra Experimenta ipsa, prout nos ea tradidimus, (quod ipsam ab Adversario, qui in quibusdam locis de iis loquitur ceu testis oculatus, non est spernendum testimonium, materiam facti recto fuisse traditam;) *partim* vero quoniam diversa sunt Experimenta, quæ, una cum ipsorum Explicationibus, consultum judicavit Examinator intacta relinquere, proindeque nobis, ut idem faciamus, concedit: *partim* denique, quia (quoad nonnulla ex experimentis istis, in quæ animadvertit) non sibi sumit ostendere, Explicationes nostras perperam inde deductas, vel Principiis nostris incongruas esse; sed tantum, posse vel melius vel æquè bene *Phænomena* ex *Hypothesi* sua explanari, cujus veritatem se demonstrasse supponit, una cum falsitate nostræ, in reliquis Libri sui partibus, imprimis tertio, quarto, & quinto Capitibus. Adeo ut, post jam dicta ad vindicandam, quam tuemur, *Hypothesin*, & ad rumpendum Autoris nostri *Funiculum* commentitium, nobis opus hauderit, datis ejusmodi occasionibus, particulares ejus Assertiones & Explicationes examinare. Cujus moniti (sic spes est) Lector dignabitur recordari, & hoc pacto multæ repetitionis supervacaneæ molestiam sibi & nobis prævertere. Quare, illum hoc facturum statuentes, haud immorabimur examinandis primo & secundo Corollaris, quæ, Capite decimo septimo, *Recipienſis* nostri per Antliam nostram evacuandi modo annexi: nec quidquam ad tertium & ultimum ipsius Corollarium diceremus, nisi quod ex re deducimus Lectorem rogare, ut notat, quod secundum ea, quæ isto loco docet, Quo amplius Aër rareſcit, eo fortius se valeat contrahere.

Defensio primi & secundi nostri Experimenti.

Atque, ut jam ad Caput ejus decimum octavum progrediamur, cui Titulum præſigat *De Experimentis Boyleianis*, reperiens juxta id, quod nuper notabamus, ipsum contra primum Experimentum nihil objicere, nisi quod, si quis digitum suum foramini Valvæ, Aëre extantato,

applicuerit, Expertor sentiet cum dolore suo *Embolum* non introrsum *trahi* ab Aëre externo, sed, quemadmodum digitus, ab interno introrsum *trahi*. Verum hoc *Phanomenon* de digiti intrusione in Cavitatem, ubi nullam reperit resistentiam, cum jam supra, juxta *Hypothesin* nostram, fuerit explicatum, opus non erit nostram de eo Explicationem repetere: quamvis hoc *Phanomenon*, perperam intellectum, Adversario nostro complures exsequentibus ipsius Animadversionibus, quin & magnam partem Libri ejus, suppeditaverit. Similiter Objectio ipsius contra secundum Experimentum, cum sit ejusdem cum ea, quæ in primum afferebatur, ingenii, nonnisi responsionem eandem requirit: non enim id casum variat, quod ad hoc Experimentum adjicit, *Hoc esse discrimen manifestum inter Pressionem & Suctionem, quod Suctio efficiat hujusmodi adhesionem, Pressio autem minime*; cum hoc dicere, nil sit nisi affirmare, non probare.

Tertium Experimentum.

Id, quod Autor noster contra Experimentum tertium it exceptum, debuisset enunciasse intelligibilius. Etenim cum de sermone, in quo plura trado particularia, dicat solummodo, *Nullatenus satisfacit, ut legenti constabit*; nolim adeo esse in Lectorem injurius, ut suspicer, ipsum hanc Assertionem probatione cassam pro Confutatione rationali accepturum; imprimis cum, tertio illo Experimento recogitato, nil inveniam, quod cum mea non congruat, utut dissentiat ab Adversarii *Hypothesi*. Verum, ut Explicationem illam expendamus, quam in locum substituit Doctrinæ nostræ, quam rejicit, eam his verbis tradit; *Hoc quoque Experimentum Principiis nostris optimè convenit: cum enim per ipsam Emboli depressionem Aër in cavitare brachii inclusus separetur ab eodem brachio, descendatque simul cum Embolo (ut, de Aqua simul cum Argento Vivo descendente, Capite decimo tertio vidimus) sit, ut in tota illa depressione nova semper ab Aëre illo descendente superficies diripiantur simul, & extendantur, ut ibidem de Aqua est explicatum: Cum itaque aquæ faciliè diripiantur & extendantur hujusmodi superficies in fine depressionis, ac initio; mirum non est, quod eadem utrobique sentiat depressionis difficultas.*

Quo ipso, licet impugnare sibi proponat istam tertii Experimenti partem; quam non ipsius, sed eruditorum quorundam *Facustarum* Opinionem opponebam: attamen (ne memorem, ipsum videri perperam nonnihil sententiam meam intellexisse) nihil omnino ad meam contra ipsos illationem enervandam affert, sed, ejus loco, suæ ipsius Opinionis defensionem proponit, quæ veritatem supponit infirmitatæ ejus *Hypothesis*, atque vel non satisfacit, etiam juxta ipsam, vel certè disconvenit cum eo, quod ipse paulo ante nos docuit. Manifestum enim est, quo magis

magis Embolus est depressus, eo magis exhaustum esse Aëre Cylindrum. Et in tertio ejus Corollario (quod nuper cupiebamus à Lectore observari) de Aëre in *Recipiente* loquutus, (idemque casus est de Aëre in Cylindro) pluris quam semel affirmat, *Eò magis extendi ac rarefieri Aërem relictum, quò plus inde exhaustiur, majoremque proinde acquirere vim sese contrahendi.* Cum hic nobis persuasum eat, pauxillum illud Aëris interni, in Obstructorii brachio inclusi, tam fortiter Embolum retrahere, five, quod in casu nostro idem est, depressioni ipsius resistere quando Embolus etiamnum prope abest à Cylindri summitate (proindeque quando inclusus Aër nonnisi parum est dilatatus) ac quando eodem Embolo ad inferiorem Cylindri partem detruso, eandem remanentis Aëris portionem permulto magis distendi necessum est.

Quartum Experimentum.

In Experimento quarto, de intumescencia Vesicæ ad ambientis Aëris remotionem, servataque remotionis istius proportionem, Auror nosster nihil objicit contra Explicationem de ipsa à nobis allatam, tribuentibus eam Elaterio Aëris in Vesica inclusi, ipsumque, prout ambientis Aëris pressio debilitatur, distendentis: at conatur id etiam explicare modo suo, cui ait hanc circumstantiam aptissimè congruere, quod remanente in *Recipiens* Aëre externo, Vesica statim detumescit; siquidem (inquit) per hujusmodi externi Aëris ingressum laxatur Aër internus, quo Vesicæ latera ab invicem extrorsum trahuntur. Quæ explicatio sitne genuina magis, quam nostra, (quæ Vesicæ detumescentiam pressioni Aëris, in *Recipiens* intromissi, tribuit) Lector judicet, qui pensitavit quæ supra adversus examinitoris *Funiculum*, ejusque ad Aërem admissum Relaxationem, objecimus.

Quoad rationem porro ab ipso adjectam, Quare Vesica perforata non sic intumescat, nimirum, quod per minimum quodvis foraminulum inclusus Aër à rarefacto Aëre ambiente exsugatur; Lectori, patitur non studioso, expendendum relinquimus, utra harum genuina magis sit Explicatio; nostrane (adversus quam nil, quod objiciat, habet) an ipsius, ad quam dilucidè explicandam tenetur (juxta ea, quæ supra notavimus contra *Funiculum* ejus disputantes) nobis ostendere, cujusmodi sint illi *Funiculi*, qui licet, juxta ipsum, firmiter annexi interno parieti *Recipientis* atque *superficie* Vesicæ, necessum est præcisè æque fortiter unum trahant ac alteram, ad quantumvis se exporrigant extra Vesicam longitudinem, comparate ad istos, qui intra Vesicam ita trahunt, ut: ejus parietum diductionem impediant. Experientia quippe monstrat, rugas in perforata Vesica, quasi nulla omnino esset tractio, remanere.

Ac licet posset describere, quo pacto ejusmodi queat *Funiculus* con-

texi, nostra tamen Explicatio hoc probabilitatis gradu illam, quæ ab ipso affertur, superat, Quod, cum ipse non neget; Aërem esse Elatere & Pondere instructum, uti nos negamus, *Funiculum* ipsius aliam habere existentiam, præter imaginariam, cumque ipse agnoscat Aërem Vesicæ circumjectum Machinâ exhaustiri; ut ostendamus Nos, nihil requiri eo amplius, proindeque haud esse necessarium *Funiculum* ad parietes Vesicæ diducendum; confirmare Explicationem nostram possumus supra memorato Ingeniosi *Paschalii* Experimento qui, flaccidum Harpastum à radice ad cacumen celsi Montis secum ferens, id ipsum deprehendit intumescere pro ascensus sui ratione, proque decremento ponderis pressioniq; Aëris ambientis, similiterque, prout descendebat, rursum detumere. Nec tamen hoc in casu recurrendum est ad Aeris vi rarefacti *Funiculum*, ad Harpasti latera quaquaversum diducendum. Verum, utut suam defenderit Explicationem Examinator, suffecerit nobis, nihil ipsum adversus nostram objecisse.

Quintum Experimentum.

Contra causam, quam circa quintum Experimentum assignamus, nihil quoque objicit; nisi quod Vesicæ rupturam vi contractivæ Aeris in Recipiente rarefacti adscribit. Quocirca, Lectorem ad illud remittentes quod jam de proximo Experimento diximus, cum Autore nostro sextum septimumque, cum quibus ipsi lis non est, prætermittimus, & ad octavum progrediemur.

Octavum Experimentum.

Hoc est illud, in quo narramus, Vitrum quoddam *Recipiens*, non globulare, fuisse diffractum per maximæ partis Aëris interni exhaustio-nem, quâ debilitata ejus pressio reddebatur impar infractæ externi Aëris pressioni resistendæ. At hanc Explicationem animosè rejicit Examinator his verbis; *At pressio non videtur credibile; molliissimum hunc Aërem tam vehementer Vitrum (tanta præsertim crassitudinis, quanta ibidem dicitur) undique sic comprimere, ut illud perfringat.* Quasi magis esset credibile, paululum Aëris inclusi (qui, juxta eum, tot gradibus est rarior, quam communis) potentius in Vitrum agere, quam Aërem externum, quam ipse fateretur Corpus esse grave, quique non modo à superficie Terræ ad celsissimorum Montium verticem porrigitur, sed qui (uti non improbabiliter argui ex eo potest, quod alibi tradidimus) accumulari, nihilo, quod sciamus, in contrarium obstante, super *Recipiens* potest aliquot centenum milliarium altitudinem, quinimo ad nescio quot millenium milliarium, si modo *Atmosphæra* non sit limitata Aëris portio, sed ad parcem cum ipso altitudinem exporrigatur.

Quoad Explicationem, quam substituit hisce verbis; *Verius itaque respondetur,*

respondetur, ideo sic fractum esse illud Vitrum, quia per exhaustionem illam latera ejus vehementius sint attracta, quam ut, ob figuram illam resistendo minus idoneam, resistere poterint. Cum enim inclusus Aer lateribus Vitri firmissimè adhareat, nihil aliud eris, Aerem illum sic exhaurire, quam sagere, latera Vitri introrsum flectere: ex eo, quod jam asseruimus de Funiculo, Lector facile intelliget, quid sit respondendum. Nec ullam nobis viam hic ostendit Autor noster, quâ fiat, ut imaginaria ejus fila adeo tenaciter Vitri hæcant lateribus, ut introrsum ea trahant, non obstantè illâ resistantiâ, quâ ob compactam Corporis texturam frangi renitentur.

Nonum Experimentum.

Explicationem nostram Experimenti non excipit valde duriter; eâ quippe breviter recitatâ, Objectionem suam aduersus eam ita proponit; Sed profectò nimis longè videtur hoc à veritate recedere; potestque vel inde solum refutari; quia, si tanta sit pressura Aeris, sic per tubum illum in phialam descendantis, ut ipsam phialam perfringat, deberet profectò inclusam Aquam cui immergitur ille tubus, valde quoque ante fractionem phiala commovere, bullulasque in eadem excitare, &c. ut constet, si quis, insufflando per illum tubulum, Aquam vel mediocriter sic premat. At certum est, Aquam antequam frangatur sic phiala, nec tantillum moveri; ut experienti constabit.

Verum, fateor ego, me, his omnibus nequidquam obstantibus, estimare, Explicationem nostram magis esse veram, quam ab Autore nostro bene perpensam. Aqua enim in phialam, quæ frangebatur, infusa erat (ut clarè indicatur in principio Narrationis nostræ) ex consilio speciali (complura equidem alia in Machina nostra experiebamur, non adeo cum immediato respectu ad Elaterem Aeris, quam ut ejusmodi Experimenta in aliis quibuldam Scriptis nostris in rem vertamus.) Atque hinc, in secundo Actu, in eodem Experimento à nobis commemorato, Aqua omittebatur. Verumtamen hæc Aqua, Vitri lateribus pressioni Atmosphære expositis, totam istam pressionem sibi habebat incumbentem ante evacuationem Recipientis; adeo ut nullo hujusmodi opus esset novo Aeris insufflatu, ut Autor noster imaginatur, ad efficiendam phialæ fractionem, cum in rem illam satis esset pressionem aduersus superficiem ejus convexam per Recipientis exhaustionem fuisse sublatam, pressione contra superficiem concavam tantâ remanente, ut unquam ante. Quapropter non est nobis opus penitus agere quod dicit Examiner; Quod; licet clausus supernè fuisset tubulus ille, eodem tamen modo fracta sine dubio fuisset phiala. Etenim, cum in ejusmodi casibus Aer (ut sæpè docuimus) concluditur cum tota Atmosphæra pressione sibi inuidente, æque fere facile potis est Vitrum frangere, quam si esset apertum,

Atque

Atque idcirco in Experimento tricesimo sexto commemoramus Vitri tenuis, *Hermistice* sigillati, fractionem, ad recessum Aeris ambientis. Attamen, quam audacter etiam loquatur noster Autor, visum fuit mihi Particulam *fere* inferere, quod in tricesimo nono Experimento observaremus, tennes ejusmodi phialas (& crassæ nolunt frangi) ad ambientis Aeris remotionem pati solere aliquantulum diductionis, quâ Aeris in phiala Elaterium posset in aliquibus casibus (in *aliquibus* dico) eousque debilitari, ut eam frangere non valeat, nisi à pressione *Atmosphæra*, quæcum habet commercium, quæque ipsi incumbit, juvetur. Insuper, quando phiala incipit actu frangi, tam urgens externi Aeris, super cedentem intra phialam Aerem, pressio juvare possit ad Vitri partes vehementis disjciendum.

Cum omnia Experimenta, à nono ad decimum septimum exclusive, Examiner noster linquat illibata, nos una cum ipso ad Considerationem decimam septimam pergemus.

Experimenti decimi septimi Defensio.

In hoc commemoramus, quomodo, cum faceremus Experimentum *Torrecillianum*, stagnantem *Mercurium* una cum tubo, & suspensio Cylindro *Mercuriali* (viginti novem circiter digitorum) in *Recipienti* nostro inclusimus, ut, *Ære* ad libitum exhausto rursusque super stagnantem *Mercurium* intromisso, proindeque pressione ejus debilitatâ & auctâ, clarius evinceremus, quam Experimentis hæctenus factum, suspensionem Cylindri *Mercurialis*, ejusque altitudinem, à majori minorive *Aëris* pressione dependere. Verum, adversus nostram Explicationem hujus Experimenti, (cui feliciter cecidit, multos convicisse *Viros ingeniosos*, iisque fecisse satis) Examiner nihil particulare objicit, ad suum *Funiculum* etiam hic confugere contentus. In duas tamen ex nostris Observationes visum ipsi fuit animadvertere.

Prior est, Quod licet Hydrargyrum *Recipienti* esset modo nuper dicto inclusum, illud tamen suspensum non descendisse; unde cum dixisset, me inferre, illud jam sustentari non ab *Atmosphæra Equipondio*, sed ab *Elaterio* *Aëris* in *Recipiente* inclusi; ipse hoc duntaxat subjicit, *Sed Reliquis sanè insertur Cylindrum illum nihil ibidem antea præstitisse.* Verum, an non hoc sit dictum *gratis*, Lectori colligendum ex eo permittimus, quod supra in secunda hujus Defensionis parte de *Aëris* *Elaterio* disseruimus, inprimis ex illo Experimento, unde liquet, *Elaterium* istud *posse* aliquando multo altiori *Mercurii* Cylindrum sustentare.

In *posteriori* Observatione, cujus mentionem facit ex nostris, compendit facit Explicationem nostram de *Mercurii* in tubo descensu & ascensu per debilitatum roboratumque Aeris *Elaterium*. Verum, haud vituperatâ nostrâ Principii illius ad *Phænomena* applicatione, ait, satis se jam

jam refutasse Capite quarto Principium ipsum, (quod quam recte pralliterit, jam vidimus) proindeque ipse de hac re sic philosophatur: Dico igitur, (inquit) *Argentum per illam exhaustionem sic in tubo descendere, quod deorsum trahatur ab Aëre, qui incumbit Argento restagnanti: siquidem incumbens ille Aër jam per exhaustionem valde rarefactus & extensus, sese vehementer contrahit, & contrahendo conatur etiam subiectum sibi Argentum restagnans è vaseculo elevare, unde fit, ut (Argento illo restagnante minus jam gravitante in fundum sui vaseculi) Argentinum, quod est in tubo, descendat, ut per se patet. Adeoque mirum non est, quod, ingrediente postea Aëre externo, rursus Argentinum ascendat, cum per illum ingressam vis illa, sic elevans Argentinum restagnans, debiliatur. At, hæc Explicatio cum supponat Funiculum, quem jam ostendimus esse fictitium, Lector facile colliget, quid de illa sit judicandum, ex iis, quæ jam tradita fuere. Quare id duntaxat subijciam, istâ Explicatione, si admitteretur, rationem solummodo reddi istius partis Experimenti nostri decimi septimi, quæ Hydrargyri infra usitatam altitudinem descensum, ejusque ad ipsam readscensum spectat. Sed, quoad id, quod aliquanto plus Aëris in Recipientem intrudendo, Mercurium, ad insigniorem, quam sustentari in Experimento Torricelliano solet, altitudinem impulsimus, fateor, me non capere eam, quam de eo rationem reddit verbis sequentibus (quæ immediatè iis subnectit, quæ ex ipso novissime recitavimus, quæque totum id absolvunt, quod ad insigne hoc Phenomenon explicandum adhibet:) Atque hinc etiam redditur ratio interius, quod ibidem quoque notatur; nempe, quod per violentiam intrusionem Aëris externi in Recipientem ascenderet Argentinum notabiliter supra digitos 19¹. Nam sicut per extractionem Aëris Argentinum infra stationem detrahitur; sic etiam per intrusionem novi supra eandem elevabitur. Etenim hoc loco non video, ipsum non potius rem facti repetere, quam ullam, quo modo perficiatur, rationem reddere. Ac si quis in ipsius gratia dicat, iuxta eas Principia argui posse, ad Aëris adventitii in restagnans Hydrargyrum per stationem, Funiculum in tubo, qui antea attrahere non valebat ultra digitos 19¹ jam valere id attrahere altius; Rogo, ex qua causa novu hic Aër ita adversus Mercurium restagnantem premat, eumque, qui e in tubo, impellat, sustentetque? Non id fieri dices ex ejus Pondere; tantum quippe Mercurii, ac potest ita supra solitam stationem sursum impelli, plurimis vicibus ponderabit amplius, quam Aër in Excipulum intrusus. Quare restat, additum Aërem Mercurio addito, vi sui Elateris, æquiponderare. Ac, si etiam expendamus, dubitandi rationem nullam esse (reputantes inprimis id, quod supra tradidimus, factò Experimento de compressi Aëris vi ad sursum impellendum Mercurium) nos, in vasis nostri fracturam fuissent veriti, intrudendo plus Aëris in Recipientem, impellere eum sursum potuisse ad tubi summitatem, ibique*

Gg. suspensum.

suspensum tenere, vix negabimus, quod, supposito, esse non posse *in Rerum natura* talem *Funiculum*, qualis est nostri Examinatoris, solius Aëris incumbentis pressio sufficiens futura sit respondentis *Mercurii* Cylindro sustentando; quodque sine ulla attractione restagnantis Hydrargyri per Aëris violenter distenti *Funiculum* in *Recipiente*, Argentum in tubo in qualibet altitudine, majori minorive, sustentari queat, modo triginta digitos excedat, ex ea solum causa, quod pondus ejus præcise valeat contigui Aëris pressioni æquiponderare.

Nescio, annon addere mihi fas sit (ut ægrè me omittere testor, quod aliqui existimare possint pro Adversario meo facere) dici in Examinatoris gratiam posse, ipso nobiscum paginâ undecimâ agnoscere, vim in Aëre recuperandi debitam sibi extensionem, si quando in minorem redactus fuerit locus, quam ejus dispositio postulat? solvi ex hoc Principio posse *Phænomena*, de quibus lis est, dicendo, Aërem *Recipiente* violenter compressum, recentis Aëris in idem vas intrusionem, suo expansionem suam debitam recuperandi conatu premere *Mercurium* restagnantem, aliquidque illius sursum in tubum impellere. Verum hæc Explicatio, licet cum eo conveniat, quod Auctor noster docet in loco, à Notis in Experimentum nostrum decimum septimum, de quo nunc disceptatur, valdè distanti; mihi tamen hætenus non liquet, quomodo ex eo, quod ab ipso assertur in his Notis, *Phænomeni* ratio reddatur, uti particula *Hinc* eam indicat. Alias vero opus mihi non est de hac Explicatione litigare, cum, absque recurso ad *Funiculum* ad *Mercurium* additum sustentandum, *Phænomeni* solutio ex eodem datur Principio, quod à me adhibetur.

Experimentum decimum octavum.

Examinator noster in sua in Experimentum decimum octavum Animadversione, recitatâ meâ conjecturâ de causa, cur Cylindrus *Mercurii* tempore Hyemali in tubo ascenderit descenderitque, aliquando imitando adscensum & descensum Aquæ in Thermoscopio, subinde tamen contrarium plane præstando, subjungit, Experimentum hoc satis valide impugnare Cylindri illius *Atmosphærici Hypothesein*, clareque ostendere, Argentum ab eo minimè sustentari; Nam (inquit) *si hic ab eo sustentatum fuisset debuisset potius frigidior tempore ascendere, quàm descendere, eo quod Aër tunc multò densior esset & gravior. Itaque non sustentatur Argentum ab Aëris equipondio, ut assertur.* Atque eodem Argumento concludit, neque Argentum per Aëris Elaterium sustentari. Verum in suis in hoc Experimentum Animadversionibus nimis fuisse videtur ad reprehendendum proclivis; neque enim Conjecturam meam bene refellit, nec vel speciosam ullam in ejus locum surrogat. Et quoad Objectionem ejus sic respondeo.

Primo, Eam non concludere : quia , uti interdum *Mercurius* in tubo surgebat calidiori tempestate, & subsidebat frigidiori ; ita aliis temporibus ascensum potius & descensum Aquæ in Thermoscopiis æmulabatur.

Secundo, Licet verum sit, Frigus solere hanc vel illam Aëris portionem condensare , Aë. isque portionem reddi posse Condensatione ponderosiores ; id tamen ambientis Aëris sit respectu , qui suam retinet laxitatem , in quo Aër condensatus ponderatur. Sed necdum probavit Autor noster , quod si frigus hyemis incumbentem *Atmospharam* totam condenseret , ea tunc sensibilibiter magis , quam prius , super Argento restagnante sit ponderatura. Vti Lanæ libra non variabit pondus suum , ad sensum , licet pili , ex quibus componitur , aliquando in solutiori , aliquando in conspiciatiori serie committantur.

Tertio, hæc Obiectio cum Doctrina ipsius non magis congruit , quam cum Conjectura mea : etenim *pagina 50* , ubi rationem nobis reddit , juxta sua Principia , ascensus & descensus Aquæ in Thermoscopio , eumque cum suspensione Hydrargyri comparat , ait ; *Hinc fit , quod , contra hoc Funiculo per frigus , Aqua illa tempore frigido ascendat , descendat autem tempore calido , eo quod per calorem Funiculus ille dilatetur*. Adeo ut , juxta Examinatorem ipsum , Argentum debebat ascendisse frigido tempore , & descendisse calido. Iam , licet Cogitata mea circa difficile illud *Phænomenon* , de quo lis est , nonnisi ut Conjecturam proposuerim , proindeque lubens sim mutaturus sententiam , vel subveniente ulteriori luce , vel meliori informatione ; non tamen video , cur postponenda sit Opinioni Examinatoris , qui , quamvis rejiciat Explicationem nostram , non tamen aliam in ejus locum substituit , quam quæ colligi ex hisce verbis poterit : *Ego certe non dubito , quin dentur hujusmodi occulta Causa quibus Funiculus ille subtilis , quo in tubo suspenditur Argentum (ut dictum est Capite decimo) modo producat , modo abbrevietur , &c. sique Argentum nunc demittat nunc elevet*. Etenim , cum reddiderimus probabile , copiosos Fumos , interdum subito in Aërem ascendentes inque eo sursum deorsum se volventes , interdum sensibilibiter alterantes (si dignis Autoribus habenda fides) refractionem ipsius , eumque aliz quædam causæ , in Experimento nostro decimo octavo memoratæ , alterare possint Aëris , restagnanti *Mercurio* incumbentis , densitatem & gravitatem ; autumo , Lectorem magis intelligibile & probabile judicaturum , alterationes alias , quam sunt istæ , quæ producuntur à Calore & Frigore , accidere posse *Atmosphera* incumbenti , quæ liberum habet cum vicino Aere commercium , exindeque aliquando magis referri potest , aliquando magis desitui Expalationibus adventitiis ; quam quod ejusmodi alterationes *Funiculo* contingant incluso in Vitro , quod , juxta Autorem nostrum , vaporibus omnium subtilissimis

est impervium, & circa quod ne quidem ullam conjecturam offert; quo nemini alio accidere possit, ut interdum contrahatur, interdum dilatecur.

Experimentum decimum nonum.

In hoc Examinator brevem duntaxat hanc Animadversionem tradit: *In decimo nono ostendit, Aquam eodem modo per exhaustionem Recipientis descendere, quo in præcedente descendere ostenderat Argentum Vivum; cujus enim eadem sit ratio, non est cur amplius ei insistamus, Quibus verbis cum nil novi nilque peculiare offerat, quo ullam ostendat in Explicatione nostrâ incongruitatem cum nostris Principiis, quæ probè cum novis Experimenti Phenomenis conveniunt; lubentes judicium Lectori permittimus de Hypothesibus ipsis, ultra earum sit probabilior; nostrane, quæ solummodo requirit, ut Aër in Recipienti æqualiter resistat Aquæ & Mercurii Cylindro, quando tantum æquale est eorum pondus, licet æquales non sint ipsorum altitudines; an vero Examinatoris, quæ exigit, ut (juxta quod antea alicubi notavimus) tam discrepantis naturæ & texturæ Corpora, uti sunt Hydrargyrum & Aqua, idem solummodo præcise pondus roburve requirant ad ea in Funiculum tenuandum.*

Experimentum vigesimum.

In suo Examine hujus Experimenti me inferre vult Autor ex Phenomenis, quæ reperit, non modo Aerem, sed & Aquam Elatere esse instructam. Sed, quamvis haud suspicor, eum ex proposito sententiam meam perperam accipere; attamen ex eo, quod in hoc & sequentibus Experimentis trado, Lector satis intelligere potest, me dubitanter admodum de Elaterio in Aqua esse loquutum; quin etiam, me *paginâ 134* * discretè docuisse, posse intumescentiam ejus (quoad magnam partem saltem) proficisci ab exiguis Aëris particulis, quas esset sententia mea pallium in Liquoris istius corpore stabulari.

* In Editione Anglica quem sequitur Autor.

Verum, cum Bullarum in Aqua apparitionem hanc rei adscribam, quod factâ portionis Aëris, Aquæ incumbentis, exhaustionis præfatio residui multum est debilitata, unde fiat, ut exiguæ Aeris particule, in Aqua delitescentes, in Bullas se expandant; ipse hanc Explicationem rejicit ut manifestè falsam: *Nam (inquit) si ita fieret, deberent profectò hujusmodi Bullule non è fundo vasis sic ascendere (uti tam in hoc, quam in sequentibus Experimentis, in quibus de istis Bullis agitur, semper asseritur) sed è superiori parte Aquæ, ubi minus premuntur, ut per se est manifestum.* Verum, qui hic adeo sit in asserendo impavidus, fateor, me, Objectione ipsius nequidquam obstante, necdum videre: ad paginæ quippe proximæ calcem ait; se negare nolle, quin latentes in reliquis Aquæ partibus Aeris particule (prius de illius fundo fuerat loquutus) possint per suum Rarefactionis modum in Bullas ampliari. Quodque nos Bullarum

ascensum

ascensum speciatim, etiam ex ipso Aquæ fundo, memorabamus * exinde fiebat, quod illa circumstantia peculiarem mereri notam videbatur: non autem (ut ille videbatur imaginari) quasi Bullæ non etiam à superioribus Liquoris partibus oriantur, cum id circa medium pag. 192. notavimus. Ac sæpe observabamus in hoc & sequentibus * Experimentis, ascendentes Bullas fieri grandiores, quò erant summitati propiores. Quod cum nostra *Hypothesi*, in qua conspicua ipsarum in ascendendo intumescencia magis tribuitur diminutioni pressionis Aëris incumbentis, quam decremento ponderis incumbentis Aquæ (cum, incumbente huius Liquoris superficiei *Atmospharâ*, Bullæ ascendentes vix insensibiliter in valis, non profundioribus. quam nostra sunt, grandescant) liquidius congruit, quam cum Explicatione ab Examinatore allatâ, his verbis; *Respondeo, Aquam per illam Aeris exhaustionem non sponte sic ascendere, sed sursum volenter trahi, ac elevari à rarefacto illo Aere sese contrahente. Quem admodum enim Aqua aliqualem patitur compressionem (uti experientia constat) ita & aliqualem quoque hic patitur distensionem. Atque hinc clarè patet, cur potius à fundo Vasis, quam à parte Aqua superiore oriantur huiusmodi Bullæ. Cum enim vehemens illa Subtilis concitetur Aquam è fundo phialæ elevare, nascitur ibidem subtilis quadam materia, quæ in Bullas conversa sic ascendit, uti Capite decimo quinto in quarto Experimento dictum est. Etenim, quidquid ipse opinetur, non adeo clarè hinc liquet, quo pacto solus Funiculus conatus elevandi Aquam ex phiala, cui remanet, conatu illo non obstante, contigua, generet in quibusdam partibus fundi Vitri, non vero in aliis, materiam adeo subtilem, ut ille tradit. Et pitem, Lectorem optare, æque ac ego, ipsum intelligibilius explicuisse, quomodo mira hæc materiæ subtilis generatio fiat, Arbitrorque, etiam expectari, ut exponat, cur & in nostro casu, & in Experimento *Toricelliano*, Bullæ tam insigniter grandescant, quando Liquoris summitati propius accedunt, si, prout ille nostram de hac Circumstantia Explicationem rejicit, effectus Suctionis, de qua ille loquitur, major sit super inferiore Liquoris parte, quam superiore, cui soli nihilominus Funiculus ejus, qui sursum trahere Liquorem dicitur, est contiguus.*

Cum Autor noster nullam formet Objectionem specialem contra decem Experimenta sequentia, nos etiam illa præteribimus, & cum ipso ad considerationem Experimenti trigesimi primi progredimur.

Experimentum trigesimum primum.

In hoc, postquam Autor noster nostram de causa illa conjecturam recitavit, cur duo Lapides Marmorei, bene admodum complanati, tam firmiter cohereant, ut, elevato superiori, ascendat quoque inferior, approbat modum meum Conjecturam illam examinand. Verum, cum

* In eadem Editione Anglica.

* Vide etiã in Experimento 41. hæc loca, — *Tanta, quæ sunt in superiori aqua parte ista bullatio, &c.* Et paulo post — *Effervescencia ad superiorem aqua partem transmutata fuit &c.*

dicam ego, rationem, ob quam, licet Lapides conjunctos tenuerit ambientis Aëris pressio, separati tamen non fuerint exhausto *Recipiente* (ne tunc quidem, quando quatuor Vnciarum pondus Lapidi interiori appendebatur) esse posse, quo ob rimulam aliquam *Recipientis* sufficienter evacuari Aër nequiverit; ille contra ait, cum fiducia ipsi solenni, *Certum esse, sententiam hanc vel hoc solo Experimento satis refelli.* Verum minus forte pronuntiasset audacter, si omnia fecisset de Marmorum adhesionem Experimenta, quæ tradimus non fecisse in luccincta, quam de *Fluiditate & Firmitate* edidimus, Historia. Examinator quippe noster loquitur, ac si totum, quod Aëri in ejusmodi Experimentis adscribimus, munus esset, inferius Marmor una cum paucarum forte Vnciarum pondere sustentare: cum è contra, si Aër omninò secludatur, quo minus Lapides inter vel tantillum irrepant, possit (juxta nostram *Hypothesin*) sustentare Pondus vel plane prope æquale Columnæ Aëris, quæ inferioris Lapidis basin latitudine, & longitudine altitudinem *Atmosphæra* æquet, vel ponderi Columnæ *Mercurii* ejusdem crassitie, & triginta circiter digitorum longitudinis: cum binæ hæ columnæ per Experimentum *Toricellianum* sibi invicem consent æquiponderare. Et propterea, quoniam in decimo septimo Experimento, *Recipiente* nostro, quousque poteramus, exhausto, satis remanebat Aëris ad sustentandum in tubo Cylindrum Hydrargyri, unius circiter digiti longum; & quia, quo latiora sunt Marmora contigua, eo majus pondus, inferiori altum, potest ab Aëris resistentia sustentari (ut ei est obvium, qui *Hypothesin* expendit, utque Experimento probavimus in Tractatu prius memorato) non est, ut quis miretur, Aërem in Excipulo resistentem valere inferius Mariorum, cujus Diameter duorum prope digitorum erat, atque pondus quatuor Vnciarum, sustentare; cum pondera duo ista, pondere Cylindri, *Mercurialis*, Diametri ejusdem, & unius digiti longitudinis, sint inferiora. Et, licet non valeret, non tamen certi sumus, æque probe evacuatum fuisse *Recipiens*, cum caperemus Experimentum trigessimum primum, quam cum capiebamus decimum septimum. Atque (ni admodum me decipit memoria) idem erat Marmorum par, quando, spectante eximio cœtu Virorum Illustrum, superius Marmor elevabat inferius, pondere licet plusquam 430 Vnciarum gravatum.

Quod Explicationem attinet, quam substituit Examinator de nostro *Phænomeno*, nescio, an Lectores multi in eo acquiescent: etenim, ne Objectioni illi immorer, quam ipse notat, quod scilicet juxta illum distensus in *Recipiente* Aër debebat coherrentia Marmorum divellere, Explicatio ejus supponit, dari *Vacuum* naturaliter non posse; unde infert, quod *Necesse erat, ut Lapis ille non aliter descenderet, quam relinquendo post se remanentem hujusmodi substantiam, qualis ab Argento Vivo, aut Aqua sic descendens, relinqui solet.* Verum quando addit, causam adhesionis tam

nis tam

nis tam pertinacis, quamprehendimus in casu nostro, esse, quod talis substantia longe difficilius separetur à Marmore, quam ab Argento Vivo, aut alio quovis Corpore fluido est precaria ista Assertio. Atque licet centies forsitan huiuscemodi Experimenta ceperim circa Lapidés diversæ magnitudinis, nunquam tamen deprehendere potui, eos suâ cohæsiōe majus sustentasse pondus, quam quod est columnæ *Atmospherica*, prementis contra inferiorem. Quæ notabilis est Circumstantia, multo melius nostræ, quam Adversarii, congruens Explicationi. Et quando ita pergit; *Unde existimo planè, si perfectè complanata fuerint duo Marmora sic conjuncta, ita ut nullus omnino Aër inter utrumque medietes, non posse ea ullis humanis viribus divelli: Spero, opus huiusmodi esse, Lectori dicam, quod, live hoc consonet cum eo, quod proxime docuerat de subtilis substantiæ separabilitate etiam à Marmore, live non, Assertio tam audax & improbabilis patrocinium requirit probationis multo fortioris, quam est illa sola, ab ipso hisce verbis subjecta, *Ita etiam confirmat Exemplum, quod ibidem adducit Autor de Lamina aenea, Tabulae quidam marmorea ita adherens, ut à lacerioso Iuvene, de suis viribus gloriantes, non potuerit per anulum, centro ejus affixum, inde elevari.* Et enim est sane magnam discrimen inter robur Viri, Machinæ adjuvamento destituti, & vires extremas Humanæ Potentiæ. Et certe, juxta *Hypobesum* nostram, nulloque habito recursum ad Naturæ à l'acno abhorrentiam, clara satis res est: etenim, Laminâ insignioris alicujus Latitudinis suppositâ, columna *Atmospherica* ipsi incumbens, eoque instanti, quo Tabulæ superficiem simul & semel deserit, cum ipsa elevanda, merito unius hominis vires excederit, imprimis in incommodo situ constituti; siquidem per cohæsiōem duorum Lapidum marmoreorum, diametri duntaxat circiter tripollicaris, meis ipsius manibus supra nullè trecentas Vncias sublevabam.*

Experimentum trigesimum secundum, & trigesimum tertium.

Adversus Explicationem horum duorum, quorum Examen conjungit Autor noster, nil peculiare objicit, sed sat habet, ea per *Funiculum* suum explicuisse: quare nec nobis erit opus, ullam circa eam defensionem peculiarem struere, maxime si Lectori placeat, ex eo, quod ipsius ad Experimentum tertium Animadversioni opponebamus, huc referre, quantum ad præsentem nostram Controversiam jure pertinet. Conatur equidem Autor noster suam Explicationem probare, dum ait, distensum in exhausto Cylindro Aërem elevare Embolum, una cum pondere annexo, Eodem ferè modo, quo vidimus in *Cucurbitulis* dorso agrotantis applicatis, in quibus, extinctâ jam flamma rarefactus Aër se contrahens carnem tam vehementer, uti videmus, elevat, attrahitque intra *Cucurbitulam*.

At Phæ.

At, *Phænomenon* illud explicatu satis est facile in *Hypothesi* nostrâ, dicendo, quod, cessante illo calore, qui Aëris inclusi pressuram roboret, Elaterium ejus nimis enervatur, quem ut diutius pressioni Aëris ambientis valeat resistere; qui exinde carnem ægri vicinamque sanguinem in Cucurbitulam intrudit, eodem fere modo, quo supra dicebamus digiti pulpam in desertam tubi Vitrei in Experimento *Torræcelliani* cavitatem intrudi.

Experimentum trigesimum quartum, quintum, & sextum.

Ad hæc cum Autor noster nil reponat, nisi hæc verba; *In his tribus nihil peculiariter occurrit hic explicandum, cujus ratio ex jam dictis non facile pateat; nobis etiam fas erit ea prætermittere, & progredi ad*

Experimentum trigesimum septimum.

Apparentiæ Luminis, vel Candoris, in hoc Experimento memorati, fatetur Examiner, probabilem satis causam nos assignasse, dum eam in vehementem ac subitanam inclusi Aëris commotionem refundimus: Et sane, licet quædam eorum, quæ circa difficile hoc *Phænomenon* hæsitans proponebam, etiamnum pro meris habeam conjecturis, licetque ipse suam Explicationem annectat, non video tamen, quin vel coincidat cum nostrâ, vel eâ non sit potior. Etenim ei, quod dixeram ego de partium Aëris commotione, ipse solummodo addit, in duobus tribusve locis diversis quod sint violenter distentæ; quod quomodo Explicationem *Phænomeni* juvat, mihi obvium non est. Et quando subjicit, *Existimo autem, dicendum potius, candorem illum esse lumen quoddam reflexum, quam innatum, eo quod (ut testatur Autor,) in tenebris non appareat, sed solum de die, aut accensa candelâ: Autumo, Lectorem attentum facile percepturum, Opinionem ipsius quasi geminam esse cum eo, quod ego super eadem ratione proponebam atque fundabam. Præcipuam vero in abstruso hoc Phænomeno difficultatem, quæ scilicet non nisi interdum id deprehendamus, Examineris nostri Explicatio intactam relinquit.*

Experimentum trigesimum octavum, & nonum.

Adversus hæc Autor noster Objectiones peculiare non struit.

Experimentum quadagesimum, & quadagesimum primum.

Sed in suis in hæc Animadversionibus, postquam dixit Lectori, me videri subitam inclusorum Animalium extinctionem tribuere nimis subtilitati Aëris, in Excipulo resistentis, perque recessum illius, qui

qui erat exhaustus; ad respirationem inepti, satis audacter subjicit; *Se-*
rum impossibile videtur, ut hujusmodi Animalcula ob solum defectum crassi-
oris Aëris tam cito moriantur: Sed aliam rationem non reddit, nisi quod
 tamcito moriuntur; quod non est amplius, quam quod in verbis modo
 allegatis dixerat, & præterea quadam nititur hallucinatione, Etenim
 Animalcula, quæ memorat, erant Apes, Musca, & Eruca, eaque mi-
 nori *Recipienti* inclusa, quod subito poterat exhauriri: & hæc sane mo-
 tu privabantur intra spatium unius Horæ Minuti; at non erat id Minu-
 tum (uti sæpe ea voce in sermone *Anglico* utimur ad significandum)
 Momentum, sed Horæ pars sexagesima. Ac licet hæc Insecta tam bre-
 vi temporis spatio redderentur inmoti, non tamen tam cito extin-
 guebantur, ut ex Historia patet. Animalia sanguinea, quæ reverà
 moriebantur, necabantur tardius. Atque meminì, cum ex propo-
 sito sciscitaret Virum (cui solenne erat Aquam subire Machinæ admi-
 niculo, in qua reconditum Aërem secum ad Maris fundum deferre
 poterat) quamdiu posset subsistere, priusquam urinationi erat as-
 suetus, absque respiratione, spongiæve usu; ipsum * respondisse
 in principio durare se singulâ vice per duo aut tria circiter mi-
 nuta potuisse. Quod mihi suggerebant Opinionem, posse Vrinatores
 eo reduci, ut sub Aqua tamdiu durent vel à peculiariter apta Corporis
 fabrica, vel ab Exercitio graduati. Et proclivis sum credere, ipsum, ut
 solent homines, de duobus tribusve Minutis loquentem, intelligere il-
 lud, quod est multo reverà brevius tempus, quam ea valent, si exactè
 mensurentur. Etenim, factò de industria in duabus Talpis Experimen-
 to, quæ mihi simul vivæ afferebantur, earum una, parvo, non tamen
 adeo parvo, *Recipienti* inclusa, nonnisi duo inter & tria Minuta extin-
 guebatur, cum e contra altera, dehinc protinus sub Aqua demersa, non
 omnino unum cum quadrante Minutum durabat; quin plane cessaret
 ullum vitæ signum prodere. Ex quo Experimento patet, Impossibile
 non esse, respirationis carentiam extinguere Animal posse tam bre-
 vi temporis spatio, ac in Experimento, quod nunc defensum eo, me-
 moratur. Et certe vel debebat Autor noster probasse, non esse possibile,
 ex defectu Aëris Animal tam cito necari, vel meliorem aliquam *Pha-*
nomeni causam reddidisse. Quando enim nos docet, juxta Doctrinam
 suam supra memorata Animalcula tam subito fuisse necata, *Quia*
per rarefactum illum Aërem sese contrahentem extrahit sui eorum halitus:
 Non video, eum per hoc, siquidem *Phænomenon* aliter, quam nos ex-
 plicet, explanare melius; loqui quippe videtur, ac si existimaret, esse
 hunc *halitum* peculiarem quandam Animalis partem, in qua vita ejus
 hospitetur. Et præterea, perpendere non videtur, quod, cum juxta me
 æque ac juxta ipsum, Aër in pulmonibus contentus (supposito, hæc
 Animalcula instructa iis ullatenus esse) debeat magnam partem in *Reci-*

*Plura cir-
 ca hanc ob-
 servationem
 vide in Re-
 sponsione
 ad samfa-
 ctâ, ut illa
 proponitur
 a Dom.
 Hobbs:

piens migrare (sive enim id fiat ab *Eltatere* ipsius *Aëris*, qui in *Pulmonibus* hospitabatur, sive à magis rarefacti in *Recipiente* *Aëris* tractione, momentum in hoc casu nostro non habet) *Examinatori* incumbat, æque ac mihi, rationem reddere, quare *halitus* extenuatio vel recessus mortem inclusorum *Animalium* tam subitaneam afferat; cumquæ meam conjecturam damnet, aliam substituere rationem debuisset. Et quamvis subijciat hæc verba, iisque concludat; *Atque hinc quoque orta sunt vehementes illa convulsiones, quas ante mortem passas esse aviculas quasdam memorat ibidem Autor*; non tamen dubito, *Lectorem* judicaturum, præter rem non fuisse, si *Autor* *Tragica* hæc *Symptomata* ex sua *Hypothesi* deduxisset intelligibilius, in gratiam eorum, qui satis versati non sunt in *Anatomia* ac *Medicina*, ut, quomodo *Funiculus* ipsius producere hæc effecta valeat, intelligant.

Me quod attinet, uti *Experimento* quadragesimo primo mea de *Respiratione* *Cogitata* nonnisi dubitandus exhibebam, ita etiamnum sum alienus, in *Argumento* tam arduo impavide quidquam determinare.

Experimentum quadragesimum secundum, & tertium.

In duorum horum ultimorum ex *Physico-Mechanicis* nostris *Experimentis* *Examine*, *Autor* sat habet conari, *Phænomena* in iis, recitata explicare per *Aëris* rarefacti contractionem; qui *Aër*, juxta ipsum, *Aquam* ex *Phiala* sursum trahere conatur, quo ipso partes *Aquæ* vehementer distendit, uti in simili casu ad *Experimentum* vigesimum docuerat. Sed, quia ipsius in id *Animadversionem* jam consideravimus, licet allegata hæc *Aquæ* distensio non sit visibilis, quantum quidem nos observavimus) quando *Aqua* frigida, prius ab interperso *Aëre* privata, *Recipientis* inditur, etiam si *Funiculus* in eo quoque casu eum distendere deberet; adeo veremur *Lectoris* nostri patientiam crebrâ rerum earundem repetitione fatigare, ut animum induxerimus, ipsi judicandum permittere, utra duarum *Explicationum*, *Examinatoris*, an nostra, sit præferenda nec ipsi, nec nobis in negotium facessentes eas *Explicationes* propugnando, adversus quas *Adversarius* noster nullas hic *Objectiones* peculiarestruit.

Atque ita, divino favente Numine consideravimus, quæ visum fuit *Examinatori* vel adversus particulares nostras *Explicationes*, vel adversus *Hypotheses*, quas complures earum supponunt, in medium afferre. Quæ in tanto sui curatori prolixiorque, quanto eram pronior meipsum & alios ab aliarum deinceps hujuscemodi *Disputationum* molestia excusare. Spero, in *Responsionibus* meis nil asperi quidquam reperiri; nulla quippe mihi est cum *Autoris* persona debitaque exilimatione similtas; nec mihi erat animus, liberiore dicendi modo in refellendis ipsius *Objectionibus* uti, quam impavidus ejus complures earum proponendi modus,

modus, istis occasionibus, requirebat, ad præmunendum Lectores illos, quibus diversa nostrum scribendi ratio non est cognita, quique forsitan non observant, esse nonnullos, qui æque expendunt quod proponunt nonnisi cum dubitandi particula *Fortè*, aliquove simili distidentiz vocabulo, ac alii, qui sua multo securius literis tradunt. Et licet, à genio opinionibus propriis addicto procul, semper paratus sim eas cum melioribus commutare, siquidem de iis coarguar, (quod fieri posthac posse, non nego;) attamen iudicabit forsitan una mecum Lector, Examinatorem haud mihi causam suppeditasse, ullis earum me abdicandi cum Objectionibus, quas mihi opposuit, sufficienter fuerit responsum, cumque *Hypothesis*, quam loco nostræ substitutam vellet, (præterquam quod ex parte precaria est) res supponat, quas complures ex præcellentioribus seculi nostri Ingeniis (alias diversum sentientibus) se non posse admittere, quin ne quidem intelligere, profitentur: cum è contra Ponderus & Elaterium Aëris ab ipso Autore nostro non negentur; sintque demonstrabilia per Experimenta ejusmodi, quæ in Controversiam inter nos non vocantur. Quas res hic exhibeo in Veritatis, quam puto, patrocinium, non vero in eruditi mei Adversarii offensionem, cui liberum feram suffragium, quo defecisse potius in Electione, quam Tractatione Controversiæ existimetur. Quamvis, cum *hic* habeatur primus ipsius Liber, cumque proinde verisimile non sit, ipsum fuisse provocatum, vel per exstimulationem obstrictum, me, ullosve ex istis longe Illustrioribus Viris, quos inter Adversarios suos recensuit, lacessendi, ex ea severitate, qua Eximios Viros de ipsius conatibus, & speciatim de *Funiculo*, ejus, loqui novi, inducor, ut verear, illorum nonnullos, quos gratis impugnavit, pronos fore in ipsum stringendi, quod S. *Augustinus* in quosdam stringebat ex Adversariis suis, qui contra eum argute magis, quam solide disputaverunt; *In mala causa non possunt aliter, at malam causam qui eos coegit habere?* Nihilominus tamen concesserim, ut dicere jam cœperam, Adversarium meum credi tam bene Principia sua propugnasse, ac Argumenti ratio patitur: nec velim in Existimationis ipsius cedere dispendium, quod declaravi, totum ejus Librum à nullam earum Opinionum Explicationumve me divulgasse, quoniam cum ipsius & mea *Hypothesis* neutiquam compatiantur, id, quod ea, quæ ex contrariis nostris Suppositionibus inferimus, tam universe disconveniunt, indicio esse potius potuerit, unumquemque nostrum strictè Principiis suis congruenter suo fuisse philosophatum filo, quam alterutrum nostrum ab ea ratiocinatione deviasse.

EXPLICATIO RAREFACTIONIS.

à VIRO in precedentibus memorato, annexa.

PRæcipua Argumenta Autoris Libri cujusdam *De Corporum inseparabilitate*, quibus *Hypothesin* de Pondere & Elaterio Aëris conatur enervare, inquit locum ejus *Hypothesin* non intelligibilem Attractionis, à nescio quo miro *Funiculo* peractæ, substituere & stabilire, solummodo sunt quinque, quorum duo *impugnant* priorem, ita *propugnans* posteriorem. Eorum primum est, Ponderus & Elaterium Aëris non sufficere ad perficienda Effecta, quæ ipsis tribuuntur. Alterum, licet perfici ea possent ex *Hypothesi* concessâ modum tamen miri hujus ipsius Elaterii à Patronis ejus intelligibiliter non explicari posse. Iam vero, cum prius horum vix quidquam sit aliud, quam nuda Affirmatio, posterius autem speciem quamdam præ se ferat Demonstrationis, examinare illud conabor, prout id consignatum invenio Capitibus illius 10. 21. 22. 23. & 24. ; ad quæ (inprimis ad 23) Lectorem, satisfactionis ergo, crebrò remittit, obtendens inibi evincere, *Rarefactionem* aliter explicari non posse, quam supponendo, Corpus esse in 2, 3, 4, 10, 100, 1000, 1000000 locis uno eodemque instanti, & omnia ac singula horum locorum adæquatè replere.

Primò itaque *Negativa*, deinceps *Affirmativa* pro mira hac *Hypothesi* Argumenta examinabimus.

Negativa ipsius Argumenta Capite vigesimo reperio, ubi refellere conatur duos Rarefactionem & Elaterem Aëris explicandi modos, unum *Vacuistiarum*, *Plenistiarum* alterum.

Quod primum horum, deprehendimus, ipsum concludere eum impossibilem; primò, quod ante probasset, non posse esse *Vacuum*: quæ probatio, cum sit facta per Circulum (videlicet, Non datur *Vacuum* in tubo, quia Natura *Vacuum* horret; & Naturam videmus *Vacuum* horrere, quia illa *Vacuum* non patitur in tubo supra *Mercurium*, quin ad id evitandum continuò *Mercurium* in *superficies* attenuat Corpore ipsius nunquam diminuto) me transire patitur ad ipsius proximum, videlicet, Hunc modum esse falsum: quia in Vesicæ Cyprinæ Experimento Aër rarefactus est in dimensiones mille vicibus majores; quinimo; respectu Corporis Auri, 1000000 minus materia in æqualibus spatii continet. Atque

que hoc ait esse *Phænomenon*, quod impossibile est unquam per interspersas Vacuitates explicare. Iam vero, non posse *Vacui* Patronos, audaci huiusmodi assertionem, qualis hæc est, induci ad sua deferenda Principia, ex sequentibus intelliget Solutionibus, quas de omnibus ab ipso recitatis *Phænomenis* afferam, sponte sua ex *Hypothesi* illa manantes, quam impræsentiarum assumam. Supponamus igitur particulas Corporum, saltem Aëris, formam referre *Tæniæ* id est, esse longas admodum, graciles, tenues, flexibileque *Laminas*, intortas, conglomeratasque instar Funis, *Tæniæ*, Elateris Horologii portatilis, Circuli, & similis; supponamus, hæc esse omnino ejusdem longitudinis; quædam interim fortiori, alio debiliori Elatere instructa: supponamus porro, singula horum sic conglomerata innatum ejusmodi motum habere circulem, ut per ipsum sphaeram describere queant suæ ipsorum sphaeræ in diametro æqualem; juxta eum quasi modum, quo circum Globi alicujus Polos volutus Meridianus, suâ revolutione, sphaeram, ejusdem cum sua propria diametri, in Aëre describet. Motu hoc Circulari partes *Laminarum*, à motû sui Centro vel Axe recedere conantes, Elasticitatem extrorsum acquirunt, ei, quæ est in Horologiis versatilibus, similem. & sponte se dilatarent, donec in longitudinem essent diductæ, nisi quod, cum quaquaversum similibus sint circumdatæ, id facere absque earum remotione nequeant loco quippe sufficienti carentes ad ejusmodi motum exercendum. Quoque motus hic circularis est celerior, eo magis ab Axe recedere partes conantur, proindeque Elater earum sive motus extrorsum est fortior, Corpora hæc Elastica, sic figurata, sicque mota, ad omnia illa *Phænomena* producenda sufficiunt, quæ ipse impossibilia dicit explicatu. Et primo quoad Expansionis negotium, id per hanc *Hypothesin* ultro plane explicabitur: sic. exempli gratia, supponamus. Diametrum intortarum harum Aëris particularum (quæ cum Terræ sint vicinæ; ab omnibus premuntur numerosis particulis incumbentibus, quæ *Atmosphæram* constituunt, ab eaque sic contruduntur, ut parum admodum evolvere se queant) supponamus, inquam, harum particularum Diametrum esse ~~partem~~ partem pollicis; atque tunc prope referre figuram earum, quæ denotante quarto per A B C D exhibentur; atque has particulas, insigniori pressionis ambientium partium quantitate ablata, sese, in Gyrum sive Zonam, Diametri decies majoris, quam prius, diducere; id est, erunt jam ~~pollicis~~ pollicis in Diametro, inque forma apparebunt earum, quæ in figura per E F G H exprimuntur. Hæ Zonæ, circumrotatæ ut priores, sphaeram describent mole millies majorem, & hoc ipso à spatii illius ingressu quamlibet ex Zonis similibus arcebut. Hoc fieri, supposito, sphaeras istas se invicem semper contingere immediate; sed, ob motum ipsarum circulem, quotiescunque concurrunt, necessario à se invicem repelluntur, resiliuntque, adeoque majus adhuc spatium ad mo-

tum suum peragendum requirunt. Hoc supposito, nulla hic sunt Rarefactionis *Phænomena* (quod ad Objectionis ejus respondendum nunc sufficit) quæ non promte & intelligibiliter explicantur. Primo equidem, quoad Vesicæ Cyprinæ intumescantiam, si supponamus, minutas quasdam priorum *Laminarum* compressarum portiunculas in plicis ejus latitare, probeque conglomeratas vix sensibilem ullum locum occupare; hæc Vesica in Aëre videbitur parum admodum vel nihil in se continere, cum, Aëris pressione ab exterioribus ejus parietibus magnam partem ablata, Particulæ illæ prius latitantes sese tunc prodant, in Zonas multo majores se diducendo; adeo ut forte à spatii millies majoris ingressu sui similes ulla sæve alias crassiores Particulas, quales sunt Particulæ Vesicæ, valeant arcere. Iam quia Pori Vesicæ sunt ejusmodi, qui particulis Aëris non facile sunt pervii, ideo delitescentes hæc particulæ, cum in modum se expandentes, necessario Vesicæ latera distendunt, adeoque ea turgida servant, donec pressio Aëris, eas prius conglomerans, ad idem rursus circa eas peragendum readmittatur.

Deinde, quo ad Rarefactionem per Calorem, illa tam liquido sequetur ac prior, ex hac *Hypothesi*. Atomi quippe Ignis, magno numero irruentes, & motu valde rapido permeantes, non possunt non motum harum Particularum accelerare; à qua acceleratione Elater earum, sive Conatus extorsorum, augebitur, id est, illæ Zonæ forti valebunt nifu ad se expandendum ulterius, (novimus quippe, quo velocius ullum aliquod Corpus circulariter movetur, eo magis partes ejus recedere à motus istius Centro conari) unde, si locus suppetat, sequetur Rarefactio. Meatum Luminis quod attinet, cum si, secundum *Epicurum*, locali motu peculiarium Atomorum efficiatur, earum hinc inde motus per hoc medium minus impediuntur ab Aëre rarefacto, quam à condensato: quod Experimentiâ reapse constat.

Quoad tertiam ipsius Objectionem, à supposita ejus attractiva Aëris ita rarefacti virtute desumptam, ei promptum est respondere, negando, cum ullâ attrahendi vi esse instructum; ostendendoque, (uti jam factum) effecta illa, quæ ipse vult patrari attractione Aëris *inclusi*, reverâ fieri pressione *ambientis*.

Denique, *Phænomena* Experimentorum Illustrissimi *Baconis* satis sunt obvia, & facilia, quæ deducantur.

Proinde, concessis *Epicuri* Principiis, Atomos, sive particulas Corporum, motum habere innatum, datâque nostrâ, de determinato Aëriarum Particularum motu & figurâ, suppositione, omnia *Phænomena* Rarefactionis & Condensationis, Luminis, Soni, Caloris, &c. naturaliter & necessario sequuntur; Autorisque contra primum hunc Rarefactionis modum Objectiones momentum leve habebunt.

Alterum Rarefactionis modum quod spectat, per intrusionem scilicet

& interventum subtilis cujusdam Materię, five Ætheris in spatia à rarefactis Particulis deserta; qui est ille, quem *Pleni* Assertores proponunt; & hic damnatur ab Autore, & impossibilitatis notā inuritur. Quē vero hoc? *Primo*, quia est (inquit) impossibile, supradicta *Phænomena* de Vesica Cyprina per eum explicare, *Secundo*, quia impossibile est, rationem exinde reddere inpetuosi ascensus Aquę in exhaustum *Recipiens* admissi. *Tertio*, quia impossibile est, *Phænomena* Pulveris Pyrii explicare. Rationes ipsius, ad has tres Impossibilitates confirmandum, cum à mera deducantur hallucinatione, vel etiam ignorantia istarum *Hypothesium*, quę inventę fuerunt ab Opinioni istius Assertoribus, præteribo, sat habens explanare modum, quo hæc Impossibilitates in Possibilitates, si non Probabilitates, commutentur.

Via autem, quam insistant, erit acutissimi Moderni Philosophi Domini *Des Cartes*, in Operibus ejus *Philosophicis* publicata: videlicet, Aërem esse Corpus, ex longis, gracilibus, flexilibusque Particulis constans, à rapido *Globulorum Cælestium* motu, subtilique primi ipsius Elementi materiā agitatum & circumrotatum; à quo Elemento singuli eorum vires consequuntur, similes alias agitas Particulas ex suo Vortice propellendi protrudendique. Jam verò, quo hæc Corpora velocius circumaguntur, eo magis flexibiles eorum partes diducuntur & expanduntur, eoque vehementius quarumlibet aliarum ita agitarum Particularum in Vorticem suum ingressui resistunt; proindeque quo eorum motus est tardior, eo minor est eorum resistentia. Et quia immensus est harum Particularum circumactarum, sibi invicem incumbentium, numerus, singulęque Particulę peculiari suā gravitate sunt instructę, sequetur necessario, ut infimę (quibus ad tuendum suum Vorticem tantę pressioni est resistendum) multum admodum impediuntur à seipsis eoque expandendis, quousque id facerent, nisi quę ex circumambientibus istis agitatis Particulis viam obstruerent: utque, istis, quocunque modo remotis, vel illis ipsis rapido motu Particularum Vehiculorum suorum, primi & secundi Elementi, (qui motus, juxta istam *Hypothesin*, Caloris est effectus) celerius fortiusque circumgyratis, ipsę mox expandere se incipiunt, majoremque quam prius, Vorticem tuentur. Jam vero, ut modo promissum præstem, possibilem, si non probabilem, objectorum *Phænomenum* causam reddere conor. Et primo, quoad Vesicam Cyprinam; ubi Aër (inquit Autor) rarefit millies, id facile erit explanare, si supponas, paucas Aëris Particulas, quę (dum incumbentis *Atmosphęre* pressionem sustentant) inconspicuas in Vesica delitescunt (singulis earum nonnisi parvum Vorticem tuendi valentibus) *Mercurii* in Experimento *Torricelliano* subsidencia ab Aëris pressione liberari, earumque permanente motu eodem (eoque Transcursus Vehiculorum ipsarum nullatenus, vel parum admodum vel à Vitro, vel à Vesica impeditur) partes ipsarum, locum habentem ad se expan-

expandendum, ad tantas se diducunt Extensiones, quæ forte Vorticem reddent mole millies majorem, quam erat ille, quem modo excedere non valebant. Hinc Particulæ Aëris (tam crassæ cum sint, ut non facile Vesicæ poros pervadant) necessum est; ut Vesicæ latera ad summum distendant, & *Recipienti* implendo in Experimento *Magdeburgico* interserviant. Jam, cum hæ Particulæ per eandem Aeris pressionem reduci se patiantur ad eundem statum; in quo erant prius, id est, in parvum admodum locum contrudantur, hocque ipso exiguum valde Vorticem valeant tueri; intromissus in Experimento *Torricelliano* Aër, Aërem in Vesica stabulantem ad priorem suam conspuitatem reducit, quemadmodum, Aquæ admissio in Experimento *Magdeburgico*, istud *Recipiens*, rarefacto Aëre plenum, ad Avellanæ Nucis magnitudinem redigit. Jam vero Aqua, in Experimento hoc (posterius memorato) magno cum impetu irruit, utpote totâ *Atmosphæra* pressione propulsâ, & nonnisi exigua Aëris consueque rarefacti vi oppugnata.

Quoad Autoris Objectionem adversus hunc Rarefactionis modum, ex *Phænomenis* Pulveris Pyrii desumptum, respondere ei conabor, ostendendo, posse ea per *Cartesianam Hypothesin* explicari. Supposito enim, Terrestres istas Pulveris Pyrii partes primo quiescere, postea vero à rapido primi ipsius Elementi motu agitari, sufficiens erit prioris & posterioris, quoad Extensionem, statûs differentia: suppositoque, particularem hujus Pulveris constitutionem (emergentem) partim ex formis specificis Particularum Ingredientium ejus, Nitri, Sulphuris, & Carbonum ligneorum, partim vero ex proportionata commistione) eam esse, quæ facile *Materia* ipsius *subtilis* motui cedat; quamprimum ipsi ingressus, accensione ullius alicujus portiunculæ ejus, fuerit concessus, cita satis Expansio fiet. Quare Tinam aliquam, Pulvere Pyrio plenam, supponamus in loco quodam concluso collocatam, ipsiusque granis aliquibus Ignem actu applicari, quo fit (Textura Pulveris id postulante) ut ista grana ocius accendantur, hoc est, plures partium myriades, quæ prius quiescebant immotæ, Carbonum ardentium actione quasi dissipentur, inque statum redigantur, quæ facile à rapido *Materia subtilis* motu agitantur: in quo statu non ponuntur citius, quam agitentur exinde, & satis superque rotentur; unde istius partis Pulveris sic accensi ingens oritur Expansio. Singulæ enim illius partes, ita gyratæ & circumactæ, vi magnâ omnes contiguas Particulas expellunt protelantque, adeo ut unaquæque Particula millies plus loci nunc occupet, quam quo paulo ante egebat, proindeque illæ, quæ sunt extimæ, singulæ suam rectâ viam capissent inde ab illa portiuncula, sive grano, in quo quieverant, subitâ Particularum, sibi proxime intus adjacentium, expansione abreptæ: adeunt. quicunque Pulveris grano proportionive ipsis occurrere contigerit, priusquam motum suum amiserit, mox illa dissipent, inque ejusmo-

eiusmodi motum agant, qui eas ad recipiendam *Materia subtilis* actionem aptas reddat. Quæ *subtilis Materia* cum ubique sit præsto, nec in obeunda sua provincia segnis, protinus etiam eas, ut priores, agitat; adeo ut oculi nictu Particulæ totius Tinæ pulveris cum in modum conturbentur, motuque *subtilis Materia* necessario abripiantur tanto quaquaversum impetu, ut non modo levidensem illius carcerem ligneum disrumpant, levesque ambientis Aeris particulas removeant, sed & ingentes Trabes, quinimo, immentas accumulatas Massas compactissimarum è saxo structurarum: & vel ipsam Terram concutiant, sive quodcumque aliud ipsi obstitens, cuius adeo compacta sit textura, ut illius Particulis transitum per poros ejus non permittat. Hoc si intelligatur, non video *primò*, quid momenti tria Autoris Argumenta; ad Objectionem ejus probandam allata, habeant: non enim plura in eo loco sunt Corpuscula autè Pulveris accensionem, quam post; nec plus adest materiæ vel substantiæ, priusquam spatii latera, cedendo, exteriorum Corporum fluidorum successioni locum concedant; omnisque mutatio in hoc solo consistit, quod *Globuli secundi Elementi* (ut ipse eos vocat) suo loco expelluntur, & *primi Elementi Materia* ipsi succedit. Nec video ego, *secundò*, quid adeo caui habuerit hac Conclusionem superbiendi, *Hac abundè demonstrans, Rarefactionem per ejusmodi Corpusculâ nullatenus posse explicari.*

Examinatis hunc in modum primis Autoris Argumentis, Rarefactionem nullo alio modo, quam suo, posse explicari; alterum ipsius Argumentorum genus, quod suæ ipsius *Hypothesi* stabilizandæ offert, ejusdem fere esse sariæ repetiemus. Vti *primò*, Suum Rarefactionis modum non implicare Contradictionem. Si enim hæc Assertio, Corpus est reverâ & totaliter in hoc loco eodemque tempore reverâ & totaliter est in alio, hoc est, est in hoc loco, & non est in hoc loco, non sit contradictoria, quid sit contradictio, ignoro. *Secundò*, Quod docti quidam *Scholastici* ita statuerint: Cui respondeo, Doctiores aliter statuisse, *Tertiò*, Quod multa admodum plana Exempla ejusdem generis reperiantur in rebus aliis, quorum unicuique solum offert, illud scilicet de *Rotâ Aristotelicâ*, quod, examine factò, æque parum, ac ullum ex reliquis, ad rem facere deprehendimus.

De Rotâ Aristotelicâ.

MAgnum *Rotâ Aristotelicâ* Problema, per cujus explicationem à soallatam autumat non modo emas circa motum Localem solvere difficultates, quæ Philosophorum ingenia hæcenus valde exercuerunt, sed & Exemplum suggerere in confirmacionem intellectum fugientis *Hypotheseos* Rarefactionis, in qua est *Extensio seu correspondencia*

ejusdem rei ad locum nunc majorem, nunc minorem: factò extensive vel Paralogismum deprehendimus, vel alioquin nil aliud, quam quod isti Philoſophi dixerè, quibus id fixiſſe, cruceſim exiſtimat. De hoc Argumento agere incipit Capite ſuo vigefimo quinto, ubi, præmiſſa ejus Descriptione, Inſtantiam aſſert in Rotâ curtuli; Rem ante oculos ponis (inquit) Rotâ alicujus curtis, ejuſque Vinbo, ſeu Lignum illud craſſius & rotundum, cui inſiguntur radii, ſiquidem, dum progrediente curru ipſa Rotâ deferribis in ſubjectâ terra orbitam ſibi æqualem, Vinbo ille deferribis in ſubjecto Aëre orbitam (putem ipſum & hic & paulo ante intellexiſſe Lineam) ſe multo longiorem, uſque æqualem orbita rotis Rotâ, licet ipſe non niſi ſemel quoque fueris circumvolans. (Quoad id, quod ait, Vinbonem debere ſupponi per Aërem incedere, ſolidum vèro Platum nos tangere, necdum Rationis ejus vim intelligo: neque cauſam, cur id tradat, cum in rem ejus præſentem nihil conferat, niſi forte id ideo fecerit, quod bene rem non intelligeret.) Vbi, inquit, præcipua difficultas eſt, planum reddere quomodo Vinbo ita circa Axem vertatur, ut partes ſuas ſucceſſivè applicet Lineæ, duplo plures partes habenti; idque motu perpetuo ac uniformi, ne vel ad unum Inſtans interrupto. Quod quam ſit verum, quantumque habuerit cauſæ, mirari Problematis hujus ſolutionem per Exemplum Hominiſ quietiſcentis, & alterius ambulantis, jamjam videmus, quando ad ipſum Problema explanandum pervenimus: prius Hypotheſin & Explicationem illius examinaturi. Et quidem primò ſupponit, Tempus conſtare ex determinato numero Indiviſibilium (id eſt, talium, quæ nec prius nec poſterius in ſe includunt) quæ ipſe Inſtantia, appellat. Deinde ſupponit, præſentem localem ſeu Ubicationem cujuſlibet partis indiviſibilis, & virtualiter extenſa, eſſe quoque indiviſibilem, & virtualiter extenſam: Quæ ſuppoſitio, adeo nris verbis tradita, nil ſibi vult aliud, quam, Indiviſibilium ipſius extensionem, vel ſpatium, & ipſum quoque indiviſibile eſſe. At, quoad extensionem, ejus Virtualem, fateor, me, quid ſit, æque parum intelligere, ac ipſum adintellexiſſe plane credo; proindeque ad ſequentem illius Suppoſitionem pergo. Ea, numero tertia, hæc eſt, quod quo rarius eſt Corpus, eo magis habet Indiviſibilia ejus virtualiter magis extenſa. Hinc quarta eſt, quod, licet hæc Indiviſibilia, realiter ſint Indiviſibilia, eſſe tamen virtualiter in quotvis partes diviſibilia. Vnde quintum ſuum Principium deducit, quod; cum hæc Indiviſibilia ſint reverâ indiviſibilia & virtualiter extenſa, eas eodem modo moveri ſit neceſſe, quo moventur aliæ res indiviſibiles. & virtualiter extenſæ. Exempli ejus ſunt, motus Angeli, & indiviſibilis Fructus Ligni, quos, utroſque, ait, eſſe generis ejuſdem. Motum illum Angelorum quod attinet, cum nobis immediata non ſuppetat Revelatio, cumque Spiritus ejuſque actiones ſub ſenſum non cadant, neque dicitur modus tertius, quo informemur, phantaſmatum ejus fruitioni ipſum permitto. Verum.

rum, quoad motum ipsius Frusti lignei, stipatum eum absurdus & contradictionibus reperimus. Et primò quidem, indivisibilem eum vocat; at, quam ob causam, nescio: nec enim realiter nec mentaliter talis est. Non mentaliter talis, per quartum ipsius Principium, ubi ait, *Virtualiter esse in quorvis partes divisibilem*: quâ voce virtualiter idem intelligit, quod per mentaliter, vel nihil. Neque secundò, realiter talis est: tum quippe (secundùm, id, quod præcipue agit in Libro suo, ut potest colligi ex primis Frontispicii ejus verbis, *Traſſatus de Corporum Inſeparabilitate*) foret impossibile, ut quidquam in Mundo eſſet divisibile: ipse enim cum faciat *Continuum inseparabile*, asseratque, Corpora malle (nescio quomodo) extendi ultra suam ipsorum dimensionem in infinitum quam à se invicem separari; Corpus æque facile per dimensiones ullius alicujus Indivisibilis, quam inter duo indivisibilia transire poterit. Deinde, concedit in mira illa Extensione sive Rarefactione horum Indivisibilium, motum condensatæ Dimensionis temporarium; unde consequens erit, esse debere distincta loca seu *Vbi*, *Terminus* scilicet à quo, *Terminus ad quem*, & *Medium*. Adhæc, impossibile foret, Lineam in duas partes dividere, supposito, eam ex impari numero Indivisibilium constare; uti si 101 Indivisibilia Aëris vehementer rarefacti in pollicis longitudinem extenderentur, impossibile eſſet, pollicem in duas partes æquales dividere. Multo plura possem annotare, sed nimium pareret tædium, ea hic recitare. Quoad ejus partes indivisibilis Temporis, & ipsas necessario oportet esse in *quorvis partes divisibiles*, secus enim idem Corpus, vel idem Indivisibile, in diversis sit locis in eodem instanti necessum est. Verum, quia ipse concoquere potest, quinimo fidenter affirmare, hanc, & complures alias similes contradictiones & absurditates, eas commemorare nolo; putemque; melius honori suo consuluisse Autorem, si & ipse sic fecisset.

Quoad Caput ejus ultimum, ubi hæc Principia applicat ad *Rota Aristotelica* explicationem, non mihi hic vacat absurditates omnes consignare, quas quilibet, vel leviter Mathesi tinctus, observare potest: uti, Interdum dimidia indivisibilis pars Peripheriæ tangere potest partem indivisibilem Lineæ, interdum una tangere potest dimidiam, quartam, centesimam partem, integram, duas, tres, centum, &c. eodem instanti; imo, indivisibile Circuli potest esse totum in mille locis simul, & similia. Atque hoc pro grandi affert Argumento ad Rarefactionis Hypothesin stabilendam, obtendens, id multa *Ænigmata* magnaque difficultates comprehendere, cum res valde sit plana & facilis, nullisque obscuritatibus involvatur. Si enim, exempli causâ, supponamus Rotam ABCD moveri in directum ab AIC ad KLM, unoquoque ejus puncto eandem retinente, ad eam Lineam posituram, quam in principio motus eorum habebant, quodlibet ex punctis AEIGC in Plano,

vel in *Medio* quod pervadit, pertransibit, describetve Lineam, Lineæ IL æqualem, neque solum omnia puncta in Linea AIC jaccentia, sed & omnia & singula puncta totius *Aree* Circuli. Hoc eveniat necessarium est, si Diameter AIC moveatur sibi ipsi parallela: at si, dum sic moveretur progressionē æquali, moveatur similiter æquali circulatione, erit casus diversus. Tunc enim, primo, unumquodque punctum per hunc motum compositum describet in Plano, seu *Medio*, vel perfectam Cycloidem, uti cum Rota perfectam conficit revolutionem, dum una progressivè moveatur ab I ad L, vel Partem aliquam, uti cum Rota revolutionem suam non confecit; vel plus quam Totam, uti cum Circulus plus quam unam confecit revolutionem integram, dum in determinata sua longitudine moveatur. Considerabo hic nonnisi primum, utpote specialius ad rem meam præsentem spectans, cumque duo posteriora, datâ occasione, facile possint per illud explicari. Deinde, unumquodque punctum hujus Circuli, à motu suo composito varios acquirit Celeritatis gradus quoad ejus progressionem, juxta variam ejus positionem ad punctum, quod semper invenitur in quadam parte Lineæ, per circularis motus Centrum ductæ, perpendiculariter ad progressivum. Idque hunc in modum reperitur; Vt *Circumferentia* ad *Radium*, sic *Linea motus progressivi* ad *distanciam puncti à Centro*. Atque hoc fit, quia Linea progressionis æqualis est Circulo descripto super illa distantia, seu *Radio* quare unumquodque punctum Circuli hujus minoris, quando tangit perpendicularē, necessario, quoad motum illius progressivum, quiescit: Hæc itaque punctum motus hujus compositi erit Centrum. Jam vero, quia ad *Rotæ Aristotelicæ* explicationem non est opus ulla alia considerare puncta, præter illa quæ pertranscunt vel secant Lineam Perpendicularē, ipsa solummodo examinabimus. Sit igitur in Exemplo nostro, A Centrum sive Punctum immobile: Peripheria igitur ABCD æqualis erit Lineæ IL vel AB, juxta nostram *Hypothesin*. Jam vero, quia punctum I, quod est Rotationis Centrum, unum tantum habet motum, motum scilicet *Lationis*, ejus celeritas æqualis erit soli celeritati *Lationis*; ponemus ergo, id habere unum gradum: C, cum moveatur duobus modis, utriusque eodem tendentibus, & unoquoque equali existente velocitati I, duos habeat velocitatis gradus necesse est. Punctum F, quia duplici motu motum, utroque tendente eodem; uno (videlicet *Latione* ejus) equali motui I; & altero (quia dimidium duntaxat distat à Centro Rotationis, ac C, proindeque nonnisi dimidia movetur celeritate motus C, qui erat æqualis motui I) dimidiam duntaxat celeritatem ejus habente, sesquigradum habere ponemus. Simili methodo invenire possemus omnium in perpendiculari punctorum velocitatem, videlicet, qualium nonnulla ibi notavimus; sed nimis id tediosum foret, cum nobis non sit opus, plura puncta quam duo,

duo, A & E considerare. Punctum in E, promotum suâ progressionem, eadem velocitate quâ I, sed suâ rotatione (quæ nonnisi dimidium habet illius celeritatis, quam habet Circulus A B C D, qui est duplex Circuli E I G H) contrariâ viâ seu retrorsum motum dimidiâ celeritate cum I, & suâ rotatione (Circulo A B C D æquali existente Lineæ I L retrorsum latum velocitate æquali, quoad progressionem suam quiescat necessarium est. iam vero, cum ostensum sit, punctum A (propter duos ipsius æquales motus oppositos quiescentis) tangere duntaxat punctum Lineæ AK, inque ea nullatenus moveri; & punctum E (duplo celerius profum motum suâ progressionem, quam latum retrorsum suâ rotatione, hocque ipso dimidiâ celeritate motum puncti I) non modo tangere Lineam EN, sed dum eam tangit, super eas moveri motu progressivo, dimidiâ celeritatem motus puncti I habente : sequatur necessarium est, quodlibet punctum, in E situm, necessario parvâ lineam describere, quæ est pars totius E C. Iam, & contactus prioris, & contactus ac progressio posterioris, cum infinita peragitur successione punctorum in spatio infinitæ successione instantium ; non ullam aliquam huius Problematis video difficultatem, quæ per id, non possit sufficienter explicari, nullo modo recurrit ad Hypothesin de Indivisibilibus Spatii & Temporis numero determinato : qua, indulgentissimè intellecta, huc duntaxat redibit, Quod In tali determinato momento sive minuto spatii temporis (quod ex infinita constat Instantium consecutione, & prius atque posterius in se continet : licet ille nihilominus id appellare Instanti omnino velit, eique proprietates eadem tribuat cum Instanti, quod communi sensu Philosophico usurpatur) tale determinatum minutum Corpusculum (quod, etiam si extensionem habeat in longum, latum, & profundum, ipse tamen admittere non vult, quod sit divisibile & partes habeat, neque quidem, licet, juxta Hypothesin ipsius, Indivisibile unius Corporis rarefieri in eam mole magnitudinem queat, ut myriada æquet Indivisibile alterius, sed vocari & reverâ esse vult Indivisibile) successivè transibit tale determinatum spatium sive longitudinem (quod tamen ipse non vult admittere esse divisibile, quamvis, secundum ipsius Principia, id æquare possit longitudinem myriadam aliorum ejus Indivisibilium : neq; admittere motum successivum, sed instantaneum, licet id necessario Corpus ponat in duobus, tribus, decem, centum, &c. simul locis ; sed hæc etiam velit esse indivisibilia.) Festinatio transire me facit, absurditates circa Circuli & Lineæ contactum, & fuscâ illam compendiosâ Explicationem, quam de hoc aliisque implexis (ut ipse vocat) Problematicis attulit ; videlicet, Causam celeritatis motus in uno aliquo ex his Indivisibilibus supra aliud, esse, quod

id maiorem partem Indivisibilis in eodem Instanti tranſit, quam facit tardius; quod clarè loquendo, nil ſibi vult aliud, quam quod Vnum Corpus celerius eſt altero, quia celerius movetur. Vnde aliquot eruit Corollaria, nempe, quod, Hinc reddi poſſit ratio, cur Aquila ſit velocior Teſtudine, quia ſcilicet movetur velocius, &c. Solvere debuiſſem Objectiones aliquot, quæ adduci poſſunt adverſus Quantitatem *in infinitum* diviſibilitatem; niſi, quod, uti omnia *Scholasticorum* Scripta iis ſunt reſerta, ita ejuſmodi hoc ſit Argumentum, de quo minime diſceptare valeamus, cum ſenſus noſtri parum admodum de Infinitatis natura nos inſtruant.

FINIS.

INDEX

INDEX

EORVM QUÆ IN PRÆGRESSIS

CAPITIBVS continentur.

PARS I.

In qua ADVERSARII OBJECTIONES adversus *Elastristas*
examinantur.

CAPVT I.

Occasio huius Scripti. 1
Franc. Lini Urbanitas in scribendo
Antorem ad par ipsi referendum ob-
stringit. 2
Libri de Experimento Torricelliano,
qui antehac Autori erant inexplora-
ti. ibid.
Incommoda Principiorum Lini. ibid.
Divisio sequentis Tractatus in 3 partes. 3

alteratione, optime cum Authoris Hy-
pothesi congruis eamque confirmat:
ipsiusque Explicatio ductorum Experi-
mentorum. ibid.
Aquam instructam non esse Elastrere, vel
debili saltem. 5
Secundum Argumentum examinatum. ibid.
Virum eadem Aëris quantitas posse spa-
tium maius adæquate implere. ibid.
Intelligenda utriusque Hypothesis possibili-
tas collata. 6

CAPVT II.

Repetitio Opinionum & Argumentorum
Adversarii: ipsius Argumenta contra
Gravitatem Aëris examinata. 3
Experimentum ejus ad probandum, ex-
ternum Aërem tenere suspensos non posse
viginti pollices Mercurii in tubo vigin-
ti pollices longo. ibid.
Authoris responsio, & Experimenti cum
sua ipsius Hypothesi reconciliatio. 4
Et narratio Experimenti Authoris, in
quo cum Aqua tantum fuerit adhibita
loco Mercurii absque alia Adversarii

CAPVT III.

Aliud Argumentum Adversarii ab Expe-
rimento desumptum, in quo Mercurius
subsicens digitum in tubum trahit, exa-
minatur. Q. Virum Mercurius, in pro-
pria sua statione collocatus, sustinetur
ab Aëre externo an vero suspendatur
ab interno funiculo? 6

CAPVT IV.

Repetitio precipui Experimenti Lini, in
quo, in tubo viginti pollices longo, di-
gitus

INDEX.

- gus superiori orificio applicatus supponitur, in tubum fortiter trahi fugique. 7
Experimentum explicatur, sine adminiculo suctionis, per pressionem Aëris externi in extimam superficiem digiti trusi, non insulti. 8
Francisci Lini Argumentatio expenditur. 9

CAPVT V.

- Examinatoris ultimum Experimentum consideratur, in quo adversus Autoris Hypothesin arguit, eo quod Mercurius è Vase per tubum non tam facile exsugitur, ac Aqua. 9
Experimentum Dn. Paschalii, ostendens, quod si superior parstubi liberari posset ab interni Aëris pressione, Mercurius, per Aëris externi pressionem sursum ferretur in tubum, aque ac Aqua, donec tantam attingisset altitudinem, quae sufficeret aquando ejus ponderi cum ponderè Atmosphaera. 10
Cur in foriori respiratione Cylindrus Mercurialis altius attollitur, quam in debiliori 11
Notatur obiter, Contractionem suppositi ab Adversario Funiculi in Pulmonibus non sentiri. 12

CAPVT VI.

- Examinatio quarti Capituli Adversarii. 12
Elaeterem Aëris prestare posse, quoad vim, ponderi eiusdem prestare. 13
Fugere intelligentiam, quomodo idem Aër plus possit spatii hoc tempore, quam alio, adaequate implere. ibid.

PARS II.

In qua Adversarii *Funicularis Hypothesis* examinatur.

CAPVT I.

In quo allegata ad probandum *Funiculum* expenduntur; & nonnullæ contra Hypothesis difficultates proponuntur.

- N**atura suppositi huius Funiculi descripta. 14
Iuxta opinionem Adversarii, hunc Funiculum à Natura esse productum non nisi ad Vacuum impediendum. 15
Adversarij probationes, non dari Vacuum examinate. ibid.
Vbi nulla sensibilis pars lumine est destituta fieri posse, ut spatium illud luce plenum non sit. 16
Idem rerum in Odoribus. ibid.
Saris materia esse posse ad transmittendum impulsus Luminis, licet inter istius materia particulis complura spatiosa vacua intercipiantur. ibid.
Corpus solidum non admodum sentire pressionem à corporibus fluidis. 8
Causæ vibrationum Argenti Viri in suo descensu. 19

CAPVT II.

In quo aliquot alia difficultates contra Hypothesin Funicularem obijciuntur: ut, quod in Liquoribus diversorum ponderum proprietatunæque puta Aquæ, Vini, & Hydrargyri, idem præcise debeas esse pondus sive robur ad extendendum.

INDEX.

dendum ipsa in Funiculum	20
Quod, cum Pondus & Elater Aëris inferatur ex Indubiis Experimentis, explicatio Hypothesis Funicularis aliena sit ab intellectu, nec satisfaciat	21
Quod Hydrargyri non modo tangas summam tibi Vitrei, sed & ei adhaereat: Quod Natura contorqueat paucillum Aëris rarefacti in validum Funiculum, qui præcisè par sit Mercurio sursum trahendo	ibidem
Quod Rarefactio fiat per vim quandam ignotam divulsivam	22
Quod Superficies tenuis, altera post alteram, relinquuntur, quod hæc superficies in Funiculos intorqueantur, qui extendi queant nec tamen fiant tenuiores	ibidem
<u>Illustratio modi, quo hic Funiculus sit, sumpta à Rarefactione Cera vel Sebi in accensa Candela, consideratur</u>	23
<u>Et ostenditur, eam non esse appositam</u>	ibidem
<u>Aliquot alia difficultates & impossibilitates monstrantur in Hypothesi Funiculari</u>	24
De interno Elatere, necessario ad contractionem huius Funiculi	ibidem
<u>Argumentum à Pendulo libere moto in exhausto Recipiente, quod probat, medium, in quo movetur, non consistere ex innumeris, & supra modum extensis funiculis</u>	25

CAPVT III.

<u>Rarefactio Aristotelica, ab Adversario proposita, examinatur</u>	26
<u>Quid sit Rarefactio & Condensatio</u>	ibidem
Tres modi explicandi, quomodo fiat Rarefactio	27
<u>Absurda, quæ sequuntur resolutionem Experimenti Magdeburgici per modum</u>	

<u>Rarefactionis Aristotelicæ</u>	ibid.
<u>Incommoda diversarum Hypothesium inter se collata</u>	28
<u>Difficultates in Adversarii explicatione rarefactionis per Corpora infinite divisibilia</u>	30
<u>Difficultates eandem explanandi per suppositionem Corporum, compositorum ex partibus indivisibilibus</u>	32
<u>Difficultates, quibus gravatur ipsius Condensatio, uti quod inferat Penetrationem dimensionum &c.</u>	33

CAPVT IV.

Consideratio, faciens ad controversiam præsentem, de eo quod accidit in Torricelliano aliisque Experimentis, in summo & ad radicem Montium: Funicularem Hypothesin nonnisi inversionem esse Elasticæ, altera, Elaterem intorsum, altera Elaterem extorsum supponentem; altera suos effectus per Pulsionem præstante, altera per Traktionem	35
Hæc Experimenta in summitatibus & ad radices Montium Causam determinare pro Hypothesi Authoris	36
<u>Veritas Observationis Paschalianæ confirmatur</u>	37
Et diversa Experimenta, in eam rem facta, enarrantur	ibidem
<u>Authoris Experimentum ex Teste pluribus Abbatis Westmonasteriensis</u>	38
<u>Subjunctum Mercurii in Furno Martini, procedere à levitate Cylindri Atmosphærici, ibi reperta</u>	40
<u>Historia Experimenti nuper in monte Hallifax capiti, in confirmationem prioris</u>	41

Duo Experimenta nova, circa mensuram
Virium Elateris Aëris compressi & di-
latati. Eum praeferre multo plus posse,
quam necessitas Authoris Hypotheses
postulat 42
Primum Experimentum, comprimendi Aë-
rem per Mercurii inflexum Tubum
infusionem, enarratum ibid.
In quo idem Aër, ad densitatis gradum
duplo maiorem redactus Elaterem an-
plo, q. in prius, possit continere 43
Tabula Condensationis Aëris, secundum
hoc Experimentum 45
Particulares circumstantiae, in faciendo hoc
Experimento observatae 46
Quosque Aëris Elateri possit intendi 47
De decremento Virium Aëris antitatis 48
Tabula Rarefactionis Aëris 49
Particulares circumstantiae in faciendo
Experimento, unde hac ducta Tabula
fuit 50
Liberum Aërem hic inferius nos ambien-
tem videri tam valide prope compres-
sum à Pondere Aëris incumbentis, ac
foret à pondere Cylindri Mercurialis
28. vel 30. digitorum 52

PARS III.

In qua Objectionibus ad-
versus Dn. BOYLEI Explica-
tiones particularium Experi-
mentorum responderetur.

Introitus in hanc partem dissertationis,
una cum monito, quatenus duntaxat
opus futurum sit, Adversarii assercio-
nes & explanationes examinare, Hy-

pothesibus utriusque pariti prius con-
sideratis 53
Defensio 1. & 2. Experimenti, de intrusio-
ne Digiti in Orificium Valvæ Recipien-
tis evacuati ibid.
Defensio 3. Experimenti, cur Embolo deor-
sum tracto, non maior est difficultas in
fine, quam in initio depressionis 54
De 4. Experimento, spectante intumescen-
tiam Vesicae, qua comitatur exhaustio-
nem Aëris ambientis, idque servata ad
istam exhaustiorem proportionem 55
Authoris, & Funicularis Hypotheses, in
Phænomenum explicatione collatae ibid.
De 5. Experimento 56
De 8. Experimento, circa fracturam Re-
cipientis Vitrei non Orbicularis qua
comitatur Aërem internum ibid.
Siue probabilius, id frangi à pressione At-
mosphaerae ab extra, an verò à contra-
ctione funiculi Aëris ab Intra ibid.
De 9. Experimento 57
An fractura phisala ab extra, in exhausto
recipiente, causam habuerit pressionem
Atmosphaerae per Tubum, Aëri ambien-
ti parentem ibid.
De 17. Experimento 58
Torricelliano Experimento intra Reci-
piens facto, utrum descensus & ascensus
Mercurii in Tubo, infra & supra sta-
tionein usitatam, debeatur debilitato &
roborato Aëris Elateri. 59
De 18. Experimento 60
Virum Authoris, an vero Funicularis
Hypothesis causam probabilioriorem assu-
met, cur Cylindrus Mercurialis hyeme
surget & subsidat ex Tubo, inter autem ne
Aqua in Thermometro, iuxta leges Ca-
loris & Frigoris, inter autem contra 61
De 19. Experimento 62
De 20. Experimento ibidem
Quidam Errores in Adversario de Autho-
ris

INDEX

<i>vis sententia circa Elaterem Aqua, & loca, unde bulla oriebantur</i>	62	<i>lenis, facta Recipientis exhaustiones</i>	65
<i>Hypotheses collata</i>	ibidem	<i>Pag.</i>	65
<i>De 31. Experimento</i>	63	<i>Quomodo Caro, vicinusque, sanguis agri intrudatur in Cucurbitulas</i>	ibid.
<i>De causa, quare Marmora non separantur in Recipiente exhausto, licet 4. unciarum pondus inferiori marmori appensum fuerit</i>	ibid.	<i>De 37. Experimento, deque causa apparentis Lucis vel Albedinis in ipso</i>	66
<i>Utrum Autoris, an Adversarii explicatio magis satisfacias?</i>	64	<i>De 40. & 41 Experimentis, de subita nece Animalium in exhausto Recipiente ibidem.</i>	
<i>De 32 & 33. Experimentis, de reascensu Emboli, magnum secum pondus sustol-</i>		<i>De 42. & 43. Experimentis</i>	68
		<i>Conclusio</i>	ibid.
		<i>Explicatio Rarefactionis</i>	70

FINIS.



